

BIBLIOTECA NAZ.
Vittorio Emanuele III

KLVI II

E

40

NAPOLI

L'x dono 7^{mi} Dñi D. Thomæ
Abb: Alani Angli. &

Nepes. 29. Marc.
1629.

Alfonsi
Alais

XLVIII

3.

68



GEORGII CONÆ
DE DVPLICI STATV
RELIGIONIS
APVD SCOTOS
Libri Duo.

AD ILLVSTRISS.^{MM} PRINCIPEM
FRANCISCVM S.R.E.
CARD. BARBERINVM
Magnaë Britanniaë Protectorem.

*Donus prof.
Napoli*



*ant.
imp.
p. B.*



ROMÆ, Typis Vaticanis. M.DC.XXVIII.
SUPERIORVM PERMISSV.

GEORGI CONATI

DE DVPLICI STATV

RELIGIONIS

APVD SCOTOS

Lpdi Quo.

ND ILLESTRATVM PRINCIPVM

FRANCISCV M SRE

CARD. BARBERINVM

Magne Britannice Protectorum.



MDCCCLXXXV. LOND. A. K. 1785.
PUBLISHED BY J. B. ROBERTSON, ST. MARTIN'S LANE.

ILLVSTRISSIMO PRINCIPI
FRANCISCO BARBERINO
— S. R. E. GARDINALI.
GEORGIUS CONÆVS S.



ILLVSTRISIME PRINCEPS,



VPLICEM Catholicæ religionis apud Scotos statum, crassiori Minerva à me adumbratum, & rudi calamo descriptum, tibi Scotorum patrono clementissimo offero: priscum illum vere foelicem, & tranquilla pietate florentem: tum alterum longè miserrimum, egregijs tamen confessorum certaminibus; & constantia nobilem, ac martyrum sanguine rubentē. Vnde commissę tibi gen-

tis in amplectenda propagandaq; catho-
lica veritate studium ac diligentiam; &
in retinenda atq; defendenda ea aduer-
sus fatales nostrorum temporum hæreses
constantiam breuiter perspicias. Exi-
guum quidem munus; sed multis nomi-
nibus tibi debitum. qui, vt priuata in
me collata beneficia sileam, tanta beni-
gnitate Scotorum gentem in tutelam ac-
cepisti vt omnino & Pontificem ex ani-
mi sententia nacti, nec tamen BARBERINVM
Cardinalem protectorem amisisse vi-
deamur. Quod si tuum nobis patrocini-
um defuisset; soli in communi orbis
lætitia, dum omnes aliæ gentes dignissi-
mum pastorem sibi concessum glorian-
tur, ereptum nobis patrem optimum, &
solicitum defensorem lugeremus. Assue-
ta nimirum iamdudum coelestium fa-
uorum dulcedini Scotica natio, non-
nisi sub apum vestrarum præsidio secura
conquiescere potuisset: quarum melle li-
bera-

beraliter nutriretur, & aculeo prouide
defenderetur. verum ne in breuissimi
operis limine longiore præfatione te-
morer, & in tua tēpora atq; publica com-
moda peccem: suscipe hilari blandoque
vultu, vt me atque omnia mea soles,
hoc qualecunque obsequij deuotissimi
pignus, & pij erga patriam meam studij
testimonium; cui afflictissimæ te subsi-
dium ac tutelam Deus quam diutissime
conseruet. Vale.

ROMÆ in tuo comitatu A. D. XII.
Kal. Apr. CIOIO C XXVIII.

AD LECTOREM
De descriptione ac dedicatione Operis.

EDIDI ante annos tres sub felicissimis auspicijs VRBANI VIII, sacrotum imperio recens admoti, vitam Mariae Stuartae: ut hinc pietatis atque observantiae meae erga defunctam principem, apud quam nec timori nec spei locus erat, non eruditionis, cuius laudem satis parce ambio, monumentum extaret. Libellus interim, quamvis parum ex voto meo perpolitus, his terue ut minimum typis editus, me in scio, imò nolente, qui innumera prioris editionis menda corrigere proposueram, eruditus viris non displicuit. nam ut Cl. V. Gasparis Scioppij, & Gulielmi Setonij, non minus integrorum quam acrium in Republica literaria censorum iudicium prae tereā: Ioannes Ciampolus VRBANO Pont. ab intimo Cubiculo, & secretis principum epistolis, rarum seculi huius ornamentum, de opusculo illo luculentum protulit encomium, in praclaro suo poemate de atramento. quod diuini ingenij non minus quam summa erga me beneuolentiae testimonium perpetuum, meo nomini dicatum extare

tare voluit. huius ego viri sententiam cur non ma-
gni faciam? cum nullus sit tam remotus Christia-
ni Orbis angulus, in quem admiranda Ciampoli
eruditio atq; singularis humanitas fructifera reli-
gionis ac virtutis semina non diffuderit. Musæ
profecto Italia duce Ciampolo tanta metri morum-
que nouitate, ac tanta stili maiestate sunt instru-
ta, ut aeterni Dei sacris non minus quam sapien-
tiorum ocio interesse & possint, & debeant.
post Ciampolum mihi commemorandus magnus
illa Iberiæ suæ Apollo, atq; unicus theatri modimpe-
rator Lopes de Vega Carpio: cuius quadraginta &
amplius eruditissima volumina, qua stricta qua so-
luta oratione, non Hispania solum, sed cultior or-
bis cum admiratione legit, nec pauciora edenda as-
seruat. hic vir ingenio & arte maximus Mariae
Stuarta vitam elegantissimo poemate heroico ce-
cinit, cui Corona Tragica nomen fecit: quod ad no-
stra historiae fidem se expressisse fatetur. Deplorat
eiusdem Mariae casum in clarissimo suo poema-
te de V R B A N O in summum Pontificem electo,
Franciscus Bracciolinus, vir prisco morum can-
dore & integritate conspicuus: qui heroici carmi-
nis maiestatem, & cothurni grauitatem, cum le-
pore comico tanta felicitate coniunxit; ut in sin-
gulis

gulis iure merito de principatu certet: ita deridenda
veterum numina focco induit, ut nibil urbanius
suaviusq; aut antiqua aut nostra theatra viderint.
Fredericus Vallae eandem historiam tragico poe-
mate conclusit, titulo infelicis Reginae Scotiae. Ioan-
nes Baptista Gattus Ordinis Eremitarum D. Hiero-
nymus, eruditione iuxta ac pietate clarus, vix ab-
soluto insigni poemate de Virgine dolente, Ma-
ria Stuarta ob strenue perlatas calamitates trium-
phum celebrare coepit. Nec satis habuerunt lauda-
tissimi vates meam scribendi inscitiam stili eru-
ditissimi elegantis condire. accessit et aliud be-
neficium, ut quidem ego interpretor, maximū: quod
communem mecum operum suorum defensorem
VRBANVM VIII elegerunt: ad quem supre-
ma eruditionis aequae ac imperij principatus consen-
sientibus doctorum omnium suffragiis delatus osten-
dit, venisse tandem tempus, quo, triumphante circa
Apostolicum solium eruditione, diuina sub Italo coe-
lo aut nata aut enutrita ingenia ad verum virtutis
amorem iustis premiis excitentur: ut laudatam
veterum doctrinam atque sapientiam Roma in or-
thodoxa religionis bonum promouendum excolant.
Quo facilius ut spero mihi ignoscas, Lector beneuo-
le, si tam prolixam propitiamq; in clarissimis atatis
nostra

nostra luminibus humanitatem expertius, eorundem beneuolentia in rebus meis tutandis augendis-
que fretus, nouam hanc de Scotis lucubrationem
profero. atq; hac de descriptione dixisse sufficiat.

Cur Illustrissimum Cardinalem BARBERI-
NVM huic operi defensorem elegerim, eius rei
nullam mihi apud aequiores causam dicendam exi-
stimo. quare enim scripta mea qua sacrum V R-
BANI nomen atq; tutela tam feliciter hacten-
us protexit, extra BARBERINAM fa-
miliam Mecenatem aut patronum quaererent? in
qua tot scientiarum numerantur fontes, quot homi-
num capita. neq; enim ita inter suos primus est
VRBANVS, ut sit solus: nam prisca BARBE-
RINAE gentis astra quingentis & amplius annis
in Tusco caelo clara fuerunt. & praesentia ita lu-
men a Sole VRBANO mutuatur, ut suo quoq;
splendore coruscent, & minoribus stellis lucē de luce
propria effundāt. agmen inter suos ducit FRAN-
CISCVS Cardinalis, egregijs in Ecclesiam Dei
meritis uno patruo minor. sunt Francisco germani
duo ANTONIVS, & THADAEVS; ille
patruq; ANTONIO, hic CAROLO parenti
dignitate pares. nec tergeminos BARBERINAE
Familiae heroes aliud praeter aetatis discrimen dissi-
miles

miles facit. FRANCISCVS certè mirifica humanitatis; eruditionis & sapientie laude clarus, Gallos ac Hispanos prateritis annis docuit, quid facere patique debeant Romanorum Pontificum Nepotes, ubi securitas ac tranquillitas publica in discrimine versatur. illum priuatum adhuc tanto obsequio colui, ut maiore Cardinalem colere nequeam. nihil enim à purpura FRANCISCI animus accepit, nisi virtutis exercenda materiam: quam aut negat; aut non aequè uberem ministrat priuata vita solitudo. Sed ne aulico more inter Romana Curia delicias & oblectamenta studium et obsequia mea verbis tralatitijs iactare videar: ipsam ego principis optimi conscientiam appellare possim, quam mihi vita ipsa post officium atq; obsequium fuerit, tam in Gallico quam Hispanico itinere: in quibus prompte & fortiter quantum potui obeundis, talia in amplissimi comitatus curis subleuandis feci ac pertuli; et mea erga FRANCISCVM BARBERINVM caritate atq; obseruantia impulsus, & tanti principis erga me amore & affectu confirmatus, ad quæ nulla humana dignitatis spes, nulla premiorum expectatio me vnquam induxisset. quæ libens prater eo: ne dum maxima illius merita, & summam erga me beneuolen-

uolentiam narrare studeo, importunior in proprijs
 laudibus recēsendis videar. Id tamen apud omnem
 posteritatem non leui argumento testatum esse cu-
 pio, me non fortuna sed virtuti FRANCISCI
 BARBERINI inservire; quod nunquam à San-
 ctissimo ipsius patruo, nunquam ab ipso quidquam
 ullo nomine postulauerim. quamvis amplissima
 praeclara benignitatis, & egregiae voluntatis testi-
 monia, quibus me viro ornatum, ne postulare
 quidem suerint. Hec mihi priuata causa fuit cum
 huius ingenij mei fœtum FRANCISCO Cardina-
 li BARBERINO in tutelam darem. taceo pu-
 blicam; quod sacra Scotorum historiae primitias
 non sine sacrilegio cuiquam nisi Scotorum Prote-
 ctori munificentissimo consecrare potuerim. Vale.

T. T. A. M. S. I.



Imprimatur. Si videbitur Reuerendissimo P. Mag. Sac. Pa-
latij Apost. A. Episc. Bellicastr. Vicesg.

Imprimatur. Fr. Nicolaus Rodulfus, Ord. Prædic. Sacri & Apostolici
Palatii Magister.

E R R A T A.

Pagina 18. linea 26. cecius lege erantus. p. 29. l. 12. Desparam. Desparam. p. 36. l. 23.
corunde corunda p. 40. l. 22. scieret: sciet p. 45. l. 21. se a. a. se. p. 70. Miranda. Miran-
da. p. 73. l. 14. ubi. vii. p. 77. l. 22. Vicarium. vicariam. p. 78. l. 18. inde mortui in demortui
p. 83. l. 14. dogmatis. dogmatibus p. 89. l. 13. tyrannide p. 89. l. 13. tyrannide p. 89. l. 13. tyrannide
p. 124. l. 1. suppellectilia suppellectile p. 126. l. 15. tenens. temens. p. 129. l. 8. ede-
bantur edebantur. p. 156. l. 19. diserte diserte p. 160. l. 21. adhorti. adorti. p. 165. l. 24. in-
di. indi. p. 168. l. 18. signa. signa. p. 175. l. 4. quamuis pauciora. quamuis qui paucio-
ra. ibidem. l. 18. imperia. imperula.



GEORGII CONÆI
DE DVPLICI STATV
RELIGIONIS
APVD SCOTOS,



Liber Primus.



T est varia rerum facies , ita *Prefatio.*
multiplex scribendi materies; in
qua ingenij vires experiantur
industriamq; probent , quibus
animi aut à natura tributa est
præstantia, aut à literarum stu-
dijs cultura , & dicendi facultas . Res maiorum
fortiter & præclare gestas posteritati commen-
dasse , fuit quibusdam ad nominis immortalita-
tem gradus . Hi inuentas à se scientias alijs cala-
mo tradentes à feritate ad ciuilitatem rude mor-
taliū

*Varia ho-
minū stu-
dia .*

talium genus traduxerunt. Illi Cœlos radio metientes Deumvniuersi auctorem suspicere, & venerari docuerunt, religionisq; fræno asperis mentibus iniecto originis suæ fontem contemplari coegerunt. Fuere qui terrarum & marium descriptionibus commercio aditum aperientes, dissociatas ac disiunctas lingua, moribus, ac locorum interuallis nationes vtilitatis reciprocantis vinculo commiserunt atque colligarunt. Laudabili omnes conatu id præstiterunt, quod virium fiducia, & honesti species suggessit ac imperauit. sed nulli maiore humani generis cum fructu in villo monumentorum genere defudasse videntur, quàm illi qui patriæ, cui secundum Deum multa, aut certè omnia debemus, ornandæ, aut ab iniurijs temporis omnia excedentis, & densa obliuionis nocte obumbrantis vindicandæ, operam diligentiamq; locauerunt. domesticum enim exemplum posteris concinnarunt, in quod intuentes se actionesq; suas componerent: & familiares adhibuerunt monitores, qui virtutem infererent, & vitia extirparent, ab omni fallendi suspicione liberi. Quæ cogitatio me excitauit, vt primæ huius meæ iuuentutis meditationes, & vigilias Scotiæ, hoc est patriæ meæ, deuouerem. Quod cum non ita pridem in Mariæ Reginæ constantia, pietate, inuicto in rebellionis, proditionis, calumniarum, maximarumq; angustiarum malis perferendis pectore

*Vtilis
de Patria
scriptio.*

*Vita Mariae
Regiæ.*

Core nulli sceminarum secundæ, vita, & morte
narranda aggressus fuerim: illam nunc mihi par-
tem selegi, quæ de Scotorum in Religione Chri-
stiana amplectanda, promouenda, constanterq;
profitenda, non eo quo par erat studio à nostra-
tibus elaborata videtur. Multi quidem fateor spar-
sim, & aliud agentes pro re nata illam deliba-
runt: sed qui ex proposito, & sub vnum aspectum
rem totam continua serie spectandam dederit,
nullus dum mihi est lectus. Quod quidem eo ani-
mo suscepi, cum vt Christianis virtutibus, maio-
rum meorum pietatem scribendo, meum mihi pe-
ctus implere discerem: tum vt ad pristinū Catho-
licæ Religionis cultum amplectendum populares
meos inflammarem. Nàm ex quo sprete Christi
fide à Romanæ Sedis obedientia defecerunt Scoti,
vix credunt exteræ nationes nos, quod sumus, eo-
rum esse sobolem, quorum haud vulgaria apud
omnem antiquitatem leguntur cum fortitudinis,
tum constantiæ, in colenda, & ad alios propagan-
da fide Catholica, encomia. æquum ergo maio-
rum excitemur exemplo, quos & vitam nobis, &
præclara veræ nobilitatis insignia tribuisse gloria-
mur: eorum quippe, nisi virtutes, studiumq; in
numine colendo imitemur, damnare videbimur
memoriam; nec aliter de illis, quam de impijs,
sacrilegis, & idolorum cultoribus sentire: si nunc
tandem fidem quàm Romana Sedes cum vniuer-

*Argumē-
tum huius
operis.*

*Scopus
Auctoris.*

*Alialabo-
ris huius
causa.*

so Catholico orbe profitetur, & olim professi sunt maiores nostri, ut adulterinam posteri rejiciamus. Fuit & præter has alia mihi laboris causa: ut Ecclesiæ Principibus, quorum in primis interest, pro sui muneris & dignitatis culmine Rempublicam Christianam promouere, stimulos utcumque admouerem: quo opem, operam, & consilia, ad antiquissimam nationem, hæreseos incendio aliquot iam annos flagrantem, ex tanto ruinæ periculo liberandam communicent: atque intelligant, quantum incrementi Ecclesiæ sit accessurum, redeunte in sinum piæ matris tot Sanctorum virorum, atque acerrimorum ingeniorum fœcunda genitrice, atque altrice Scotia. nec dubito, quin adeò spero, fore tempus, cum aliquando parentum suorum vestigijs insistentes, & auitæ gloriæ memores Scoti mei, restitutæ in magna Britannia Religionis Catholicæ gloria illustres, Romæ & ubiq; terrarum instauratores celebrandi sint. cum quo quidem omine, ò Scoti Scotæquæ, quotquot antiqua religio & pietas sibi sacrauit, vestra in primis apud Deum intercessione, modo narrationis meæ telam ordiri animus est.

*Britannia
incola.*

Britannia Græcis nomine tenus cognita, omnium insularum, quæ priscis innotuere, & situ maxima, & rerum, gestarum gloria celeberrima, varios olim populos, non sermone tantum, sed moribus etiam, atque legibus discrepantes aluit,

Præci-

Præcipui fuere Scoti, Britones, Picti: de quorum origine varij varia tradunt. Ego nullius hac in re sententiam, vt non fero, ita nec impugno: nam vt facile cuique, atque in procliui est, illa quæ ex maiorum relationibus accepta sunt, in dubium reuocare: ita difficile in primis existimo, talia pro certis affirmare: noua verò nec prius audita, sine vllis litterarum monumentis comminisci, temerarium prorsus, & eo qui historię scriptionem proficitur, indignum iudico. Vnum profectò est, quod de origine nostra, & verè dicere, atque omni conatu defendere tenemur, humanum genus, opifice ac creatore Deo, in Adamo principium habuisse; Et si recentiora cupimus, in Noe prole, dum terras vindex læsi numinis diluuium inundaret, conseruatum. Cæterum vt ea quæ in sacris litteris traduntur prætereamus, reliqua aut exigua, aut potius nulla veritate nituntur. Testes sunt Græcorum fabulæ, Aegyptiorum deliria, figmenta Chaldæorum, ipsorum quoquæ Romanorum inania commenta: qui dum primordia sua curiosius student dicendo augere, non veritatis modo, verum etiam rectæ rationis, & probabilitatis limites transgressi sunt. Ego in præsentia antiquas Scotorum origines, perplexos multorum annorum labores, errorèsq; atque fundatum ab iisdem in Albione imperium silentio prætereo: quod plurimi reperiantur, qui hæc

*Indubita.
ta hominū
origo ab
Adamo.*

*Fabulosa
gentiū ori-
gines.*

*Romani
imperium
Christo dis-
ponunt.*

hæc omnia laudabili studio apud nostrates celebrauerint, & ego ad ea quæ mei instituti sunt gradum facio. Sed operæ precium fuerit in ipso limine ostendere quâ ratione Britannia toto orbe diuisa, opportuno maximè, & perneccessario sibi tempore reliquo orbi coniuncta sit. Iam in proximo erat Seruatoris mundi natiuitas, & promissa gentibus ab infimæ seruitutis iugo libertas: paranda fuit sedes æterni liberatoris imperio, & in imperio Petri successoribus: assuefaciendi indomitæ nationum animi ferendis vnus imperatoris iussionibus, quo mollius, & suauius capesserent æterni regis sanctiones, in veram libertatem asserentis; castiganda lasciuientis regnorum subiugatione populi insolentia, vnusq; Dictatoris nutu coercenda fuit multorum ambitio, & superbia, quo mitescerent indomiti animi, ad patris Regem verè perpetuum Dictatorem, eiusq; immaculatam legem alacrius accipiendam: congregandæ diu fuerunt dissipatæ, & barbarie discordes nationes vnus & Romanæ linguæ communione; quæ salutis sacra pereunti mundo communia faceret, & castas Christi Romanas iam factas cœremonias, per vniuersum orbem Romani præfulis auspicijs transmitteret, & factas rectas vbiq; conseruaret. Has Deo nascituroq; Christo eius gens togata, rerumq; Domina Roma operas præstitit. Britanniam insulam ex Romanis primus intrauit

Caius

Caius Iulius Cæsar, qui bellica laude, atq; imperatoria dignitate clarus, non tam suis iter ad gloriam, quam insulæ nostræ habitatoribus viam ad salutem munivit. Cæsarem Iulium sequuti aliquot imperatores, ductu aut auspicijs suis, proximam Britanniae partem, vt Taciti verbis loquar, in provinciae formam redegere. Verum vbi qui positas ad meridiem plagas habitabant Britones, Romanis vectigales facti sunt, reliquorum insulanorum iustum odium, ob proditam communem securitatem incurrere: nec segniores Scotos Pictosq; pro libertate, quam Romanos pro imperio certantes inuenerunt. mirum profecto, & nisi hostium ipsorum testimonio celebratum fuisset, vix credendum, orbis domitores in media Britannia imperij sui fines constituisse, quibus nec Rhenus, nec Ganges, nec vlla naturæ munimenta aditum prohibuere: vnicamq; Caledoniorum fortitudinem, inoffenso passu procurentes victrices aquilas stitisse. Sed postquam vacillare in Britannia non nihil Romanorum imperium cepit, & infestantium Scotorum impetus sustinere nequirent Britones, cum nec à socijs pacem, nec à Dominis auxilia sperarent, Saxones Germanorum strenuissimos in subsidium vocarunt. hi repulsis hostibus, armisq; in Britones versis, magnam Britanniae partem iuris sui fecerunt: hanc ab Hengesti Ducis natali solo Angliam vocamus, quæ licet à Danis

Iulius Cæsar primus Britanniam intrat.

Odium Scotorum in Britones.

Britones Saxonum auxilium implorant.

Anglia vnde.

postea

*Scoti Pic-
tos delent.*

postea, ac Normanis occupata fuerit, hac in hodiernum vsque diem nominis appellatione cense-
tur. Scoti verò, qui nunc alteram Britanniæ par-
tem, cum Orcadibus insulis triginta & vna, ac
Hæbridibus quadraginta tribus adiacentibus, te-
nent, orto cum Pictis bello, non prius conquie-
uere, quàm Picticum nomen internecione dele-
tum, & inde imperium totius insulæ ad Scotos,
Anglosq; reductum in duo sceptrâ diuisum esset.
Qui populi licet mutuis se damnis, assiduusq; in-
uicem vexarent cladibus, suos semper sibi reges
proprijs habuere: donec Maria Stuarta Scotiæ re-
gno, Angliæ ac Hybernici iura vniuit. Scotia ni-
hilominus, vt prius, ita nunc fluminibus Tueda
& Solueo dirempta, suas leges, suum senatum,
sua imperij insignia reliquaq; Maiestatis decora re-
tinet; Scotiæ non alia denominatione propria sibi
perpetuaquè, tam amicis, & fœderatis, quàm ho-
stibus æmulisque, & reliquo omni terrarum orbi,
nota. Sed de his hætenus, vt sine salebris, & obice
decurreret deinceps mea oratio, in Religionis Ca-
tholicæ primordijs, & incrementis apud Scotos
narrandis.

*Virtus S.
Spiritus in
Apostolis.*

Postquàm relictis terris ad Patrem redijt victor
Dei filius, promissam Sancti Spiritus gratiam Apo-
stolis largitus, illorum pectora tanto diuini amoris
incendio inflammavit, tanta animos constantia
roborauit, tanta dicendi, docendiq; virtute exor-
nauit,

nauit, & laxauit ora, vt nullius in posterum minis succumberet, nullius timerent potentiam, nullis retardarentur tormentis in obeundo gnauiter Apostolatus munere. Petrus verò, qui Apostolorum Princeps à Domino relictus fuit, cù in Antiochena Ecclesia septem annis sedisset, Romam ad destinatum sibi ac successoribus thronum, quo potissimum oportuit tempore, se contulit, indeque Euangelij præcones quaquauerfus delegauit. Quam in primis ob causam, & mittendi auctoritatem, Gentium Doctor Paulus, Romanorum fidem annunciari in vniuerso mundo scriptum reliquit, quod de nulla alia Ecclesia legimus. Nec vero simile est Britaniam, tùm nouam celebremq; Romanorum prouinciam ab Apostolo prætermissam, quo & Duces, & milites in legionum supplementum non rarò mittebantur. Scribunt quoque non infimæ notæ historici ipsum S. Petrum, dum Claudij edicto vnà cum Hebræis Roma exulare cogitur, Britanniam intrasse, atquè ibi æternæ vitæ semina iccisse: plurimi verò diuinam Pauli tubam, in intimo Britannia recessu annunciantis illis populis salutem, exauditam fuisse. ex quorum sententia Venantius Fortunatus de Sancto Paulo cecinit:

*Coniectura de Britan-
niæ cōuer-
sione.*

Transit & Oceanum, & qua facit Insula Portum,

Quasq; Britannus habet terras, atq; vltima Thule.

Verum quicquid sit de Apostolorum illis in regio-

B nibus

*Quando
Scoti con-
uerſi.*

*Ad Ann.
C C.
Donaldus
primus fi-
dem ſuſci-
pit.*

*Nummi
Cruce ſi-
gnati.*

nibus prædicatione, conſtat, multos à S. Petro ad fidem conuerſos in Britanniam migrasse, vel vt Euangelium propagarent, vel vt proſequutionem fugerent Neronianam. Nàm vt de alijs Britanniæ populis ſileam, certum videtur Scotiæ habitatoribus ante motam de Paſchatis obſeruatione controuerſiam, hoc eſt ante Victoris primi tempora, Euangelium illuxiſſe. Cùm enim Paſcha ex Neophytorum Hebræorũ ritu plurimis annis pertinaciter celebrauerint ex Scotis non pauci, ſitq; veritate poſterior omnis error, facile eſt credere Victorem Pontificem Cycli Paſchalis obſervatorem diligentiffimum, quiquè Paſchatis Catholico more obſeruandi ritum ſanxit, in Scotia reperisse multos quos ſalutaribus vndis expiaret, alios quos Iudaifantium infecerat error, in viam veritatis reduceret. Fatendum tamen eſt, reges ad Donaldi primi tempora, qui Scotorum Rex fuit vigefimus ſeptimus, à veri Dei cultu alienos in idolatriæ cæno, & tenebris immerſos, ad cœleſtis veritatis lumen caligaſſe. Hic enim virtutum, quæ in Chriſtianis relucebant, ſplendore perſtriſtus, petijt à Victore primo, quem vniuerſalem paſtorem tota agnoſcebat vel habebat Eccleſia, fidei Doctores: à quibus cum ipſe, tùm magna aulæ regiæ, & Scoticæ nobilitatis pars ſalutari baptiſmatis fonte abluta Chriſto nomen dederunt. Rex vt extaret aliquod ſuſceptæ à ſe Chriſtianæ fidei apud

apud posteros monumentum, nummos ab una parte salutiferæ Crucis, ab alia capitis sui effigie signavit; quod sacra Crux, in qua mundi salus pependit, certissimum fidei orthodoxæ testimonium in nascente Ecclesia haberetur. Optimus autem Pontifex licet errorem de Paschate celebrando nondum inter Scotos extinctum sciret, ob quem Asiæ Ecclesias anathemate percusserat, nullam tamen in Scotos grauioris censuræ protulit sententiam; quod probè intelligeret, teneras Ecclesiæ plantas charitatis ardore fouendas, & filuescentes errorum ramos prudenti manu paulatim esse amputandos: aridos verò stipites iustitiæ gladio, & seверо ictu exscindendos. Consentiens est Annalium omnium concordia, factam esse hanc insignem ad Christi ouile Scotorum translationem, ante salutis nostræ annum ducentessimum. Præter cæteros luculentum est vetustissimi Scriptoris Tertulliani testimonium, qui anno post centesimum nonagesimo mollem cum celoci pallio togam commutauit, Christianamquæ & veram philosophiam veste & moribus professus, Britannorum inaccessa Romanis loca Christo vero subdita esse sua tùm ætate affirmavit. Quæ porro hæc loca fuerint, docet Hadriani vallum inter Tinæ, & Escæ fluminum æstuarium per octuaginta passuum millia ductum, quo Romanorum prouinciæ à populis Septentrionalibus disinctam fuisse.

*Pont. erga
Scotos eligentia.*

*Tertull.
lib. contra
Iud.*

*Hadriani
vallum.*

*Vallum
Seueri.*

se, inter Latinos scripsit Aelius Spartianus, e Græcis Herodianus. Aliud quoque, sed loco diuerso constructum testatur Paulus Orosius à Seuero Imperatore, qui dum victor in Britanniam defecit, penè omnium sociorum trahitur: vir magnis grauibuscque prælijs gestis, receptam partem insula à cæteris indomitis gentibus vallo distinguendam putauit. vtriusque hodie rudera, vna-

*Nomina
Apostolorum
Scotia interie-
runt.*

cum Termini æde in Scotia visuntur, non tenuia Romanæ magnitudinis vestigia, & pulsarum à Scotorum finibus legionum trophæa. Vnum vehementer hic mihi & omnibus dolendum, flagrante Christianæ modestiæ studio; nimioque latendi desiderio, erepta posteritati Apostolorum nostrorum nomina, qui periturorum diptychorum scriptionem, aut contempserunt, aut neglexerunt; contenti scilicet legi in libro vitæ. populus enim ad simplicitatem factus, in illa religionis apud nos infantia, memoriarum, & penè vocum minùs curiosus, omnes eos qui pietate excelleret Culdæos, communi vocabulo vocitare est solitus, & singulorum nomina silentio inuoluit. Culdæi tanta

*Culdæorū
veneratio.*

apud Scotos veneratione habiti sunt, vt veritatis hostis, & malignus dissimulato Buchananus fateatur, defunctorum cellas in templa commutatas.

*Buchan.
Baretici te
Rimonium
contra he-
reticos.*

verba attexere erit operæpretium. Libro itaque IV. Rer. Scoticar. R. XXXV. agens de ijs, qui in Scotiam ad euitādum persecutionem venerant, subiungit: *quibus complures doctrina, & vita integra-*

re clari

te clari in Scotia subsisterunt, vitamq; solitariam tanta sanctitatis opinione apud omnes vixerunt, ut vita sanctorum celle in templa commutarentur, ex eoquē consuetudo mansit apud posteros, ut prisca Scoti templa cellas vocent. Hoc genus monachorum Culdeos appellant &c. Quid clarius ad sectariorum calumnias refellendas dici potuit? Qui sanctorum cultum, & monachorum disciplinam, recentia Pontificum Romanorum commenta esse contendunt; inter quos ipse quem citavi, non vno historię suę loco vtrumquē impugnat. Talis est istorum Doctorum genius, qui cæci sunt, & duces cæcorum: ut cupiditatum & vitiorum æstu in cogitationum suarum præcipitia, & voragines abrepti, difficultè oculos ad veritatis lucē attollant. at saltem mendacem, ex veteri proverbio, memorem esse oportuisset: sed frustra humana industria veritati nebulas suas offuderit, vbi diuina sapientia contra nititur, quæ non solùm ex infantium, & lactentium: sed ex dæmonum etiam, atque his nequiorum, prudentum sæculi huius ore laudem perficit.

Iam centum plùs minùs annis sacris legitimè operati fuerant Scoti, cùm Diocletianus tyrannus, Solis ac Lunæ fratrem se nuncupans, Deus esse, & haberi voluit. huius cum faciliè consortium paterentur ij, quos in Deorum numero humana cæcitas venerabatur: soliquē impiam temeritatem abominarentur Christi Dei veri ac vnus cultores,

*Ad Ann.
CCC.
Diocletiani impietas.*

*Albanus
Martyr.*

*Culdaeorū
& Ascita-
rum pro-
fessio ea-
dem.*

tores, his bellum indixit Diocletianus, & grauissimè in Ecclesiam Romanam sæuire cæpit: armis cum Christo pro diuinitate certaturus. nec Britāni, qui Romanæ fidei nō minùs, quàm legibus imperatoris parebant, eius cladis expertes fuere: Quæ egregium Albanum terrenæ militiæ exemptū cælesti, æternæq; ascripsit, martyrij palma splendendum. Sed immunis omninò ab ea procella remāsit Scotia, vnicumq; nostra in insula Catholicorum asylum: quo plerique Britonum se se recipientes, ob vitæ morumque probitatem inter Culdæos adnumerati, quod ætatis reliquum erat in sacra illa virtutis palæstra studio non pœnitendo traduxerunt. In Culdæis videre erat idæam vitæ Christianæ, quæ à mundi strepitu hominumque consortio abducta, cœlestium rerum contemplationi tota vacabat: qualem per orientis prouincias eodem & subsequētib; sæculis exercebant gloriosi illi Dei serui, quos Anachoretas & Ascitas dixere apud Aegyptios, Græcos, & Assyrios. atq; si rem ipsam, non sola nomina perpendamus, inueniemus profectò Culdæos verè Ascitas Caledonios fuisse, sicut Anachoritæ illi sancti, Culdæi Aegyptij sine vlla controuersia fuerunt. Mira æternæ illius prouidentiae opera, hi sub sole ardente, illi sub arctoo frigore, eisdem religiosæ vitæ institutis incubuere, eadem cælestis philosophiæ studia sequuti. Sed habuere Aegyptij, qui sua memoriæ commendarent, Culdæos

Culdaos non nisi venerabile silentium excepit : quorum nihil minor debet esse commédatio apud eos qui rectè sentiunt , & res æstimant non ex sermone hominum , sed ex merito , & veritate omnia dijudicant. Certare diceres Britones cum Scotis , vt olim de Britannia , ità in præsentia de coeli imperio. Britonibus certè facilem ad superos viam regali sternebat purpura lictoris gladius : Scoti expeditum spontaneæ paupertatis ingressi tramitem , fragranti virginitatis odore , trahebantur ad cælestem illum sponsum , qui inter lilia pascitur . illi nequissimos humanæ salutis hostes dira quæquè pro Christi nomine ad alienæ crudelitatis libidinem ferendo , prosternebant : hi familiarem mortalium inimicum , membris proprijs ciuili in dicto bello ad deditionem compellebant : vtrique pietate indefessa , assiduisque precibus corda sua æterno numini sacrando , ea merebantur stipendia , quæ non alia quam diuina manu reddi possunt . Quare nemo vt opinor iure mirabitur ex tam frugifera Sanctorum insula , Christum elegisse populo suo Ducem , qui non Britannia modo , sed vniuerso terrarum orbi potestatem faceret amplissimam , imò felicem imponeret necessitatem Deo vero seruiendi . Hic fuit Constantinus ille verè Magnus , (quidquid contra veritatem omnem , deserta gentilitas in pium Imperatorem scripserit) D. Helenæ Britannæ filius , qui Romanos

*Brit. cum
Scotis pia
emulatio .*

Constantinus Magnus.

à ma-

*Roma S.
Siluestro
data.*

*Roma
Christia-
na maie-
stas.*

à Maxentij tyrannide ex insperato liberatos, inau-
dito ad ea vsque tempora exemplo docuit, Ro-
manum Imperatorem nullis sub signis certiorum
de hostibus triumphum sperare posse, quàm sub
illis quæ Christus esse voluit debellati tartari insi-
gnia, ac salutis nostræ recuperatæ trophæa. Neq;
Vrbi pacem securam reddere sibi vilus est Con-
stantinus, nisi moderatorem pacis in primis stu-
diosum D.Siluestrum ex cryptis vocatum, in qui-
bus ad eum diem Romani Pontifices latuerant,
illi præfecisset: noua sibi, ac futuris Imperatori-
bus condita in Byzantio ciuitate. Hanc igitur diui-
no planè consilio Euangelij dispensatoribus Chri-
sti Vicarijs sedem præparauit Constantinus, vt
fieret Roma palàm veritatis magistra, quæ non
modo suis, sed etiam deuictarum gentium errori-
bus imbuta, totiusque impietatis, atq; idolatriæ
schola facta erat: & cui Deus legionum vi erepta
sanctorum legum auctoritatem, & religionis ma-
iestatem attribueret; quamq; armis diutiùs impe-
rare noluit, sacris cognitum incognitumq; ma-
ioribus orbem frænare vellet: essetq; Roma homi-
num olim vastatrix, rerum tandem tutela, colu-
men & decus: haberet etiàm, & veneraretur suum
amplissimum ordinem, in quo purpura pares, mo-
ribus, prudentia, annorum canitie veteri illo longè
spectabiliorcs, ex omni orbe selecti proceres fede-
rent: nec deessent tributa, non tam multa, sed
magis

magis innoxia & libera : ad quam concurre-
rent ab omni terrarum plaga legationes & iu-
ra ac sacrorum leges hinc peterent gentes . Ipſi
reges , ac principes venirent , inclinarentur , &
obnoxia capita vni huic capiti submitterent .
Quid homines , aut Principes loquor ? Ipſi aerij,
terreni , atquè inferi ſpiritus trepidarent , & ve-
rerentur ; cæleſtemquè hanc in terris poteſtatem
velinuiti , & reluctantes agnoſcerent . Sed ad
Scotos meos reuertor : qui ſedentē ad imperij
clauum Constantino publicæ tranquillitatis , qua
fruebatur Romana Eccleſia , participes facti ,
omni opera adnixi id vnum ſtuduerunt , vt à Ro-
mano Pontifice pro legitimis fidisquè Eccleſiæ fi-
lijs haberentur : quiquè hætenùs imperatoriam in
Romano folio maiestatem , inſigni fortitudinis
constantixq; laude , poſt innumeras clades pro pa-
triæ libertate acceptas , contempſerant ; pontificiæ
nec rogati , læto alacriq; animo ſe proſtrauerunt .
Quantum nimirum refert apud barbaras etiàm
nationes , quibus artibus imperium quærat . Con-
ſtantius poſtea Imperator , paterni quidē impe-
rij ſed virtutum minime hæres , dùm Ariana infe-
ctus hæreſi Britanniam corrumpere annitur , no-
uam pietatis materiam Scotis ſuppeditauit : & hoſ-
pitalitatis erga aſſiſta Eccleſiæ membra compro-
bandæ occaſionem præbuit . Crathlintus , qui tùm
fortè Scotorum Rex erat , venientes ad ſe fideles

*Scoti Im-
perat. bo-
ſtes Pon-
tif. Rom.
ſpōtē ſub-
diti.*

*Conſtan-
tius Aria-
nus.*

*Crathlin-
ti R. hoſpi-
talitas.*

*Viri sãtli.
in Scotia.*

*Mona
Christo sa-
crata.*

*Ecclesia
S. Saluato-
ris in Mo-
na.*

omni beneuolentia complexus, tutum singulis pro cuiusquẽ muneris ac dignitatis ratione refugium tribuit. Huic apud nostrates æquales fuere Modocus, Priscus, Calanus, Ferranus, Ambianus, & Carmocus, Dei cultores strenuissimi, quĩ in Scotorum Pictorumque mores diligenti studio aduigilantes, easgentes ab Ariana peste illasas conseruauerunt. Erecta quoque pio, nec silendo Crathlinti Regis labore in Mona insula religionis christianæ trophæa: in quã, si Veremundo credimus, Druides primariam matremquẽ sedem ad hanc vsquẽ ætatem tenuerunt, Phrontisteria etiã in quibus ritus, legesque, & populos regendi rationem docerent, atque adeo asceteria quibus arctioris vitæ exercitia sanctiorisquẽ philosophiæ initia mundo cœlestium rerum desiderio renunciaturis traderentur: vnde in Galliam, aliòquẽ arcana philosophiæ suæ disciplina imbutos auditores, & discipulos soliti sunt transmittere. Eiectis Mona Druidibus Crathlintus sacram nomini Seruatoris ædem extructam (Constantini illius magni exemplo, qui Lateranensem nostram Basilicam primariam Christiani orbis sedem eodem titulo insigniuit) Amphibalo spectatæ sanctimonix viro regendam dedit: hic primus Ecclesiæ illius antistes cteatus, multa ad Dei gloriam propagandam, Catholico Præsule digna, per vniuersam Scotorum regionem præclare gelsit.

geſſit. Nec ſollicito Paſtori, in noua hac Chriſti *Crathlinti*
ſponſa ornanda, Regis deſuit libera- *R. liberali*
tas; quem calices, patenas, candelabra, cæte-
raq; ad ſacrorum uſum neceſſaria, ex auro & ar-
gento fabrefacta donaſſe, altare quoquè cupro
æreq; clauſum, prouentus inſuper ex vicinis præ-
dijs in Eccleſiæ ac Cleri uſum aſſignaſſe, legimus.
Viderint iam populares mei num præſens ſacro-
rum in Scotia apparatus priſco illi, nec ab Apo-
ſtolorum temporibus multum diſtanti æquari poſ-
ſit. Reliquias Sanctorum maximo in precio Scotis *Reliquie*
ſemper fuiſſe conſentiunt hiſtorici, quorum pieta- *Sanctorū.*
ti nec ſuam deeſſe mercedem voluit Deus. Is enim,
qui facit mirabilia magna ſolus, Regulum Græcū *S. Regulus*
Monachum ex Achaia oriundum, pijs virtutibus *cuſtos re-*
non minus quàm genere nobilem (hic eorum *liq. D. An-*
Monachorum Pater fuit, quos Conſtantius Im- *drea.*
perator D. Andreæ Apoſtoli reliquijs deſtinauerat
miniſtros) hunc inquam Regulum ſacras agentem
excubias cœleſti nuncio monuit Deus, ut ex cre-
dito ſibi theſauro ſublatam partem in Albionem *In Albio-*
deferret. Paruit diuinis monitis impatiens moræ *nem Dei*
Chriſti famulus, atq; Apoſtoli brachium cum tri- *iūſu ten-*
bus digitis, totidemque alterius pedis articulis *dis.*
ablatum pio furto in vaſe decenter ornato recon-
didit. Et nè cœleſtia conſilia humana retardaret
vis, nocte intempeſta liburnicam aſcendens ex
portu ſoluit, ijs tantum ex ſocijs comitatu aſcitis,

qui supernæ voluntatis conscij fuerant. Sinuosos mediterranei maris anfractus, ac vasta Oceani emensus spacia, tandem Christo Duce in Otholinæ portum (nunc Ciuitas D. Andreæ est, ac Scotiæ Metropolis) secundo cursu peruenit. Ibi egressi Monachi, ac sacro elato pignore Deum adorauere, mox ab ingenti circūfusi multitudine, quam rei nouitas ex vicinis pagis concitauerat, vbi gentem Christianam ex sacro Crucis vexillo, quæ vbi-que cernebatur, insulam verò Albionem intellexere, sublati in cœlum oculis manibusque, lachrymas præ gaudio effuderunt, nec minor fuit Scotorum Pictorumq; lætitia, dum Regulum sociosque, è tam remota regione, cum venerando sacramentorum reliquiarum thesauro, ad se diuino consilio missos audiuerunt. Adfuit mox ad tantæ rei nuntium Hiergustus Rex, quem Regulus, veneranda Apostoli Scotiam protecturi pignora exponens, docuit quanti facienda essent ea dona, quæ tam mirando numinis iussu in Albionem delata fuissent. innumera præterea Apostoli in gentem illam præcinit beneficia; quæ ab ijs qui tùm fortè aderant non minore cum alacritate accepta, quàm à posteris in vrgentibus belli calamitatibus probata fuerunt. Non solum reliquiarum veneratio, sed ipsius quoq; Reguli maiestas animum regium plurimum ad diuinum cultum permouit. nec dubitauit palatium suum Apostolo, dum sacra extruitur ædes

Hiergustus Rex.

Rex palatium suum Regulo concessit.

ædes , locare: quod Regulo ac Sacerdotibus postea donauit, & pro regia mortalis principis in immortalis Dei famulorum habitationem est conuersum. Hanc facinoris heroici laudem æmulatos multos deinceps Christianos principes viros , paria aut similia fecisse Ecclesiastici annales loquuntur. Eo autem pietatis Scotorum erga Sanctum hunc creuit religio , vt solus pro numine tutelari, regniq; totius præside habeatur . Regulum in Albionem, aut securi venientem, aut inuentum in Monastica vita imitati sunt Nerius , Eusebius , Merinus, Machabæus, & Silueneus, Monachi apud nostrates insignes. Eodem cum his seculo florere Damianus Presbyter, Gelasius, Thebaculus, & Merinatus, eximiæ probitatis eruditionisq; Diaconi: horum & aliorum, quos recensere longum esset, diligentia in dies auctus est in Scotia sacrorum honos & reuerentia, quantum, inter arma & prælia, nunquam pene à Romanis intermissa, fieri potuit .

D. Andreas Scot. tutelaris.

Viri ppi.

Postquam Fergusius II. Scotorum vires, & rem in Albione restituit, nulla profectò gens maioribus animis in diuinum obsequium incubuit. Rex enim quoties ab hostium incurfionibus temporis aliquid liberum concedebatur, ea omnia, in quibus benè cultæ religionis laus enitere solet, maxima quidem sedulitate, maiore tamen pietate curauit . Aedes sacras aut vetustate collapsas, aut infano militum furore prostratas, augustiore forma instaura-

Ad Ann. CCCC. Fergusius II. R. pius.

Iona inf.

Cælesti-
nus PP.
S. Palladium in
Scotiam
mittit.Buchan.
testimo-
nium cõ-
tra noua-
tores.Ad secta-
rios.

instaurauit: nouas à fundamentis erexit. Iona in
insulâ Abbatia nobili, vbi regum sepulturam esse
iusserat, ornauit. virtuti & doctrinæ, quibus ma-
xime florescit religio, non solum præmia, sed ho-
norem quoquæ apud se esse voluit. Tanta deniquè
ac tam celebris fuit regis, populiq; in fidei rebus
promouendis industria, vt Cælestinus, qui tùm ad
Ecclesiæ clauum sedebat, timens ne humanæ sa-
lutis hostis, qui se in Angelum lucis transfigurat,
Scotos in animi cultu occupatos, nouæ pietatis
speciè deciperet, misit S. Palladium Episcopum,
qui Pelagianam hæresin inter Britones pullulan-
tem à Scotorum finibus arceret; atque orthodo-
xam fidem apud eos pastoralis cura sartam rectam
feruaret. In quo omnes ætatis illius Scriptores
consentiunt. Nec diffitetur Buchananus, diligens
alioqui fidei antiquæ, & Catholicæ oppugnator
Rer: Scot. lib. 5. R. XLII. *Ecclesias adhuc turbabant hæ-
resis Pelagiana reliquia, ad quas refutandas missus erat à Cæle-
stino Pontifice Romano, huius Patre Engenioregnante, Palla-
dus, à quo instituti plurimi doctrina & vita sanctitate clari,
succreuerunt.* Quoniam sermonis aut scripturæ cum
pessimo hoc monstro, nisi cum cineribus agere
velim, mihi præreptum est commercium, liceat
hic, bona lectoris cū venia, à nostratibus, quærere
qui eiusdem opinionis, vt viro superstitis, ita præ-
ter fas & veritatem, propugnatores audire glo-
riantur; quas nam Ecclesias hæresis Pelagiana tunc
tem-

temporis turbarit dementia? Apostolicæ nimirum Sedi à Christo subiectas. Quis impia Pelagij dogmata pro hæresibus damnauit? nonne Romani Pontifices? videantur qui hac de re scripserunt, Hieronymus, Augustinus & alij. Quis Scotiæ ne Peste illa inficeretur subuenit? Cælestinus Papa. Quis afflictam hodie, atq; hæresi corruptam ad vitæ tramitem reuocare studet? Urbanus VIII. Romanæ Sedis Antistes. eadem vtriusq; in terris potestas, ad diuinum cultum promouendum par vtriq; studium. vtinam Scotiam, quam ille ab hæresi immunem seruauit, hic vndiquè corruptam, qua eminet pietate, & fortitudine, expurget. Si hæreticus Pelagius vel ipsis testibus hæreticis, cur eius insana deliria sequuntur huius seculi nouatores? aut cum sequantur, cur hæresis damnari se iniquo ferunt animo? in Pelagio præ alijs nefandæ impietatis scitis damnatum fuit, quod infantes, etsi non baptizarentur, vitam æternam habere asserere sit ausus. Quid nouatores? Infantes scilicet in fide parentum sine baptismo saluari. vtrumq; diuinis literis contrarium, vtrumq; damnandum. Primùm ante mille & ducentos annos reiecere Scoti, sequuti Romanæ Sedis iudicium. at secundum Romana Sede reclamante, & diuinam iram minitante admisit misero hoc æuo nostra Scotia, nec pudet. Sed vt ad S. Palladium reuertar hic in Scotia Episcopos Apostolica auctoritate creauit, cui

*Cælestini
cū Vrba-
no VIII.
compara-
tio.*

*S. Palla-
dus Epif-
copos creat*

cui tantum detulere nostrates, vt post habita veteri consuetudine, qua non nisi ex Culdæis sumebantur antistites, non solum ipsum pro Episcopo admiserint, verum ab illo pariter ordinatos legitimos pastores agnouerunt, & à Deo datos. S. Seruanus, & Teruanus Episcopi. Teruanum infula donatum Orcadibus insulis præfecit. Teruanum verò Pictorum Metropolitam consecrauit. Deniquè vbi ita compositas in Albione res vidit vt suam, absquè fidei damno, ferre absentiam valerent Scoti; In Hiberniam ad fidem illi genti prædicandam trajcere statuit, sed lethali morbo correptus Forduni ad cœlos migravit: atq; ibi sanctissimi huius viri reliquæ magna in veneratione ab omnibus semper habitæ, donec vrsanus hæreticorum furor in eas, vt in alia omnia, quæ apud nostrates pro sacris colebantur, debacchatus est. Sanctum Palladium Scoti, quia à Romano Pontifice ad ipsos missus fuerat, Apostolum suum dici voluerunt, eundemq; titulum Sanctis Seruano, & Teruano à Palladio sacratis, Picti atquè Orcadienses tribuerunt. Pastoris sui mortem æquiore animo tulerunt Scoti, quod plurimi in gente illa ab eo benè pièq; instituti remanserant. Ex quibus S. Patricius, vt veteres secutus tradit Baronius, Scotus genere S. Martini Turonensis Episcopi ex sorore nepos, reseruatum sibi à Deo Hibernorum conuersionem magno animo aggressus, petito priùs à Romano Pontifice de more Apo-

Apostolatu, plurimis annis strenuè in fide plan-
tanda apud amicam, & vicinam gentem labores
impendit, ac Hiberniæ Apostolus vocari meruit.
Ex eiusdem D. Palladij schola prodijt, vt multis
placet, S. Ninianus Candidæ casæ Episcopus. hic
memoriæ D. Martini, quo & ipse auunculo gloria-
batur, templum magnificè extructum piè dicauit:
Sedem Episcopalem in Galdia primus fixit, omnis
quidem sanctitatis, sed abstinentiæ potissimùm
laude celeberrimus: cuius recordatione Scoti tri-
duanum ieiunium sine vlla refectione celebrare so-
liti erāt. huius sacrum corpus cui viuo armatæ hos-
tium phalanges se prosternebant, hæretica rabies
conculcauit. Circa hæc tempora floruit Cælius
Sedulius rara scientiarum omnium cognitione
præditus, & eleganti in carmine pangendo indo-
le atq; gloria illustris: qui sub Hedelberto Episco-
po tùm in Scotia ob doctrinam claro, diuinarum
humanarumque literarum fundamenta iecit: Epi-
scopo extincto, relicta patria varias regiones di-
scendi studio peragrauit, omnem mox operam
Ecclesiæ obsequio deuouens, plura cùm stricta,
tùm soluta oratione piè conscripsit: quem Gela-
sius Pontifex ob sanctissima ingenij monumenta
venerabilem presbyterum vocauit. Hisce & si-
milibus pietatis Christianæ studijs, à suscepta pri-
mum fide ad salutis annum quadrigentesimum
octuagesimum & quod excurrit, suos vicinosque

S. Ninianus
Episcopus.

Cælius Se-
dulius.

populos instruendi zelo inclyti fuerunt Scotorum Antistites.

Ad Ann. D. Connalli R. pietas. Regum nostrorū hic ex professo meminisse nō statui: nisi si quos singularis Christiana virtus sine piaculo præterire non sinit. Talem Conuallum fuisse omnes fatentur, nec fidei hostis Buchananus repugnat qui lib. 5. R. XLVII. vocat eum *virum omnium seculorum memoria dignum*: Et infra. *Nam præter æquitatem in iure dicundo, & animum aduersus auaritiā inuictum, certabat moderatione vitæ cum monachis, qui ea atate seuerissima disciplina utebantur: sacerdotes prædij: alijsquē prouentibus dotauit.* Hic talis tantusque vir: longè ab ea vitæ cultusque ratione abfuit, quam sequendam docuit Buchananus. Nam salutiferæ Crucis signum in sublimibus ciuitatum oppidorumque turribus, passim per totum regnum erigi statuique curauit: tanquàm indubitatum victorum gentilitatis errorum testimonium, Christi que in Albione triumphantis vexillum. quoties aliquò proficiscebatur argenteam seruatoris Cruci affixi imaginem præferri sibi volens, equum ascensurus eam osculari, & comitibus adorandam proponere, consuevit. Sacerdotes ut superiores alloquebatur: legesque tulit, ut si quem eorum quacumque de causa quis percussisset, ei manus præcideretur: si occidisset, publicatis bonis viuus cremaretur. Sacris prohibitos hominum etiàm congressibus prohiberi, & petentibus ius negari mandauit, ir-

ritumque

S. Crucis cultus.

Leges Christianæ.

ritumque illorum testimonium; atque infamè esse
voluit. In Ecclesià nunquam tecto capite conspe-
ctus: diuinarum rerum ministris regia liberalitate
prouentus annuos impertitus est; nè ob inopiam
parum decorè viuere, & sacra tractare minore
quàm par est reuerentia cogerentur. Tanti Regis
fama excitus S. Columba, multorum in Hibernia *S. Colum-
ba.*
monasteriorum Pater, in Scotiam cum duodecim
ex pijsissimi sui instituti comitibus redijt, & magna
alacritate quæ de absente audiuerat, coram est
admiratus. eratq; opinione hominum maius Con-
ualli in omni virtute percolenda studium: quæ res
Columbam mouit, vt regiam munificentiam, in
construendis ditandisq; monasterijs, pauperibus
alendis, suscipiendis peregrinis, & id genus cha-
ritatis operibus, exerceret; nec vlla in re pijs Sancti
desiderijs promptum regis defuit auxilium. Cer-
tare diceres, vtrum plura Columba petere, an Con-
uallus dare posset. Clari quoq; erant pietate hoc *Viri San-
cti.*
tempore inter nostros, Cithacus & Ethernanus
Sacerdotes, S. Columbæ patris sui monitis & exem-
plo ad omnem virtutem efformati. Bathenus &
Conimus cænobijs præfuere. Domitius, Ruthius,
& Fethus, diuini verbi prædicatione illustre sibi no-
men pepererunt. in Iona insula præter alios Scan-
dalaus, Eoglodius, Totaneus, Montefarus, & Ga-
lanus, ad omnem opem contra fidei hostes popu-
laribus ferendam intenti, tanquàm in specula ex-

S. Kintigernus Episcopus.

cubabant. Verum hos omnes ut dignitate superavit, ita religione æquavit S. Kintigernus, & parentis suæ D. Thametis Lothi regis filia. meritis, & proprijs virtutibus conspicuus: Glasgoensis Ecclesiæ primus dum viveret Antistes; post mortem, ob insignia sanctitatis indicia eiusdem Ciuitatis patronus & tutelar. Nec reges tantum, regumq; liberi, Monachi, & Episcopi, rara tùm in Scotia pietatis ediderunt exempla; sed fœminæ quoque ad veram gloriam excitatæ sexum suum miris virtutibus exornarunt: ut non sola Syria, Ægyptus, aliæq; Orientis regiones Theclas suas, Marias, & Syncletricas, & id genus usque ad miraculum sanctitate, & vita supra sexum illustres mulieres; Sed etiã Scotia boreo sub sydere suas Brigidas proferret. D. Brigida quatuordecim tantum annorum virgo diuini spiritus aura afflata, nobilem parentum domum cum solitudine commutauit: quo cum ad eam plurimæ ex diuersis regni partibus eiusdem vitæ societatem inituræ virgines conflueret, in Monam insulam ad Sodoranensem antistitem traiecit: ab illo, consecrata Deo, tunica alba induta fuit, & scortea zona intercincta: capitis tegumentum ex lino candido à ceruice ad humeros deiectum. Sed priusquam sacra velamina assumeret Brigida, comam sibi præscindi voluit: quia tùm demum mundum ponere dicebatur virgines, cum comam ponerent: in qua totius mundi muliebris ornatus locari creditur,

D. Brigida.

tur : vt pulcherrimè more suo docet D.Athanasius in vita S.Syncleticæ : quæ propediem fauente numine in lucem dabitur . Coelestem hanc viuendi normam plurimæ subinde virgines in Scotia sequutæ sunt : quæ licet sub diuersis Monasticæ disciplinæ regulis Diuarum scilicet, Monicæ, Claræ, Scholasticæ, atque aliarum, sanctitatis gloria insignium mulierum vixerint, Brigidam semper in omni vita, vt integritatis speculum perfectissimum, sibi proposuerunt imitandam . Facta autem tam celebris huius virginis ad posteros memoria est, vt nullam secundum Deiperam pari deuotione Scoti sint venerati . Sacrum corpus Abrenethi in templo ornatissimo eius nomini dicato sepultum fuit : ad quod Canonici, & Presbyteri Deo laudes canere assueti, hæreticorum armis nuper expulsi sunt. quos cur sacrilegos non vocemus nihil causæ video, vel Buchananano iudice, cui veritas hæc de Donaldo Insulano, qui flammæ ædi ad Blarum eidem virgini sacre impiè subiecit, vocem violatæ religionis restem expressit, lib. 12. R C I I I. *ea ades quamquàm in illis locis magna ceremonia veneraretur, & ad eum diem inuiolata mansisset, ob sanctitatis eximia famam: plus tamen valuit apud animum immanem prada, quam religio.* addit deinde pœnas Donaldò, & comitibus inflictas, quas manifesta numinis ira euenisse fatetur : *Dux verò Donaldus, animum quamlibet immanem subeunte scelerum conscientia, & sprete religionis memoria, ex eo die parùm*

Donaldi
impietas.

parum compos fuisse mentis dicitur. narrat etiam Diuam à sacrilegis propitiatam piaculis, & muneribus. Laudat nihilominus sui temporis nouatores, qui plura quàm decem templorum millia vertente anno nō tantum spoliarunt, sed etiam diruerunt. Verū huic scriptori alioquin erudito contigit, quod ple-
risque omnibus eius farinae hominibus euenire so-
let: vt nimirum suæ ætatis res gestas, aut inani
adulatione corrumperet, aut bonorum odio atque
inuidia, mendacijs omnia obliniret: Præteritorum
verò seculorum historias, vt à maioribus narratæ
sunt, fidelius redderet. Sanctos Colmanum, Prif-
cum, Medanum, Modanum claros vera pietate,
& constāti Christi confessione Episcopos, commen-
dat præter egregia merita, Sancti VVinfredi regis
filij non vulgaris educatio: quem philosophia cum
sacra, tum profana altè adeò imbuerunt: vt is reli-
cta Scotia, vbi regali stemmati maior honos tribue-
batur quàm animi ipsius patiebatur moderatio, pe-
regrè ad Euangelium propagandum sit profectus.
Varias in ea peregrinatione regiones obiuit: mul-
tos, & voce & scriptis ad meliorem frugem reuo-
cauit: tandē Deo charus, & maturus cælo, ad Rhe-
num diem clausit extremum. eius corpus Augiæ in
Sekcenſi Monasterio ante aram religiosè seruatur.
Giberinus quoque eodem tempore cum omnibus
sanguine aut affinitate aliqua sibi coniunctis, Rhe-
mos petens, eius Ciuitatis Episcopus, ob vitæ in-
regri-

*Episcopi
pietate cla-
ri.*

*S. Vvin-
fredus.*

*Giberinus
Episcopus*

regitatem eligitur. qui post mortem ita miraculis
claruit , vt nulli dubium sit probatam acceptamq;
supremo pastori viri illius operâ in eo munere fuisse.
nec iam angustis, vt prius, Britannicarum insula-
rum limitibus concludi poterat ardens Scotorum
pietas : quæ Germania, Gallia , atquæ alijs regio-
nibus peragratiss, non alibi, quàm in coelesti beato-
rum domicilio quiescere potuit. Aidanum regem, *Aidanus*
& Deo gratum , & populo charum effecit sedula *R. pius &*
D. Columbæ in eo instruendo diligentia . Iustitiæ *inslus.*
leges multas sanxit , & exactè coluit : easdemque
per vniuersam Scotiam obseruari curauit : constitu-
tis iuri dicundo tribus in regni prouincijs, Galloui-
dia, Loquhabria, & Cathanesia, tribunalibus. Tan-
tus porrò fuit principis huius in S. Columbam affe-
ctus, vt accepto de felici eius transitu nuncio , ad
meliorem etiam vitam, dolore magis quàm morbo
correptus , rarò reciproci amoris exemplo, migra-
uerit. Conuallanus verò Monachorum, qui in Iona
insula suæ, ac proximorum salutis piè studebant, Ab- *Conuallanus prophe-*
bas, tantùm luminis ab eo qui cunctos splendoris *tia clarus.*
sui radijs illustrat , ob morum innocentiam hausit :
vt futura prædicere, & latentia cordium arcana de-
regere meruerit. Quæ de S. Baldredo Pictorum *Miracu-*
Doctore vnanimi consensu historici nostrates tra- *lum S. Bal-*
dunt, non vulgarem ipsius sanctitatem arguunt. *credi.*
Nàm cum defuncti corpus efferri deberet , orta est
inter Aldamenses, Tinniganenses, & Præstonen-
ses

ses de funeris iure contentio, singulis eum honorem sibi deberi asserentibus. Neq; res procùl ab iniuria fuisset, nisi pacis auctor Deus, mirando planè consilio, piam litem diremisset. Cuncti siquidem in vota & preces effusi noctem, quæ funus præcessit, insomnem traduxere, facturi postridiè, quod loci Antistes imperasset. Sed potens Christi dextera Episcopi sententiam præuenit. Mirum dictu. dum sub creperam lucem pij sacerdotes sacrum pignus inuisunt, ecce tres capsulas cum tribus corporibus, nec magnitudine, nec colore, nec vlllo alio indicio dissimiles, omnium in conspectu comparent. Habitatæ pro tam insigni munere Deo grates. lætis deinde hominum acclamationibus, singuli populi corpora singula, in suas quæquæ Ecclesias extulerunt. atq; vt tantæ rei fides ad posteros manaret, tribus in Ecclesijs S. Baldredi reliquias pari honore & cultu, ad hæresis vsq; tempora, Scoti venerati sunt.

B. Drostanus.

Drostanum Aidani Regis auunculum clariorem fecit vitæ professio: quicum omnibus regni delicijs frui posset, monasterij se angustijs, & custodiæ spontè mancipauit.

S. Conuallus.

Conuallus verò D. Kintigerni alumnus, non indignus tanto magistro discipulus, florentem tunc temporis Scotorum Ecclesiam, morum integritate, & diuina sermonis facundia, plurimum ornauit. Hos, & multo plures, quos ego, nè longior sim, libens prætereo, vitæ sanctitate & miraculorum gloria celebres ante salutis annum.

sex-

sexcentelimum: produxit Scotia: qui non modò gentem suam in officio erga Deum, & Ecclesiam continuèrunt; sed exteris etià populis Christi Evangelium cōtentione magnà, nec minore cum fructu, prædicarunt.

Deuoluto sub hæc tempora ad Anglos Britonũ imperio D. Gregorius, cognomento Magnus, Romanus Pōtifex Saxonica gentis iam tũ in insulam inuectæ, quod idolis seruiret, paternā commiseratione ductus, & pastoralī affectu latũrus auxilium, misit in Britanniam Dei seruos, ex S. Benedicti familia, Augustinum, & Mellitum. atq; hi optima nouæ Anglorũ gēis conderenti principia dederũt, vt fusè scribit Venerabilis Beda: quem, quia omnium manibus teritur, exscribere non est animus. Hoc solum ostendam quàm sedulam operam procurandæ gentis illius saluti nauarint Scoti. Nec mihi vllus succenseat, si quos apud hunc Auctorem aliosuè Scotos nuncupatos reperio, in hac mea de Scotorũ religione dissertatiuncula, Scotos dixerò; atq; si quis, qui Scoti sunt, velit Anglos aut Hibernos interpretari, nolo ego cum eo contentionis funem ducere: tanto enim cumulator, & illũstrior erit gēis nostræ laus, quanto sunt plures & aciores, qui Scotorum virtutes admiratĩ, Scotos sibi ciues adoptant, aut ambitioso certamine vindicant. In propagatoribus igitur fidei fuit eo seculo celeberrimus S. Columbanus, qui post quàm no-

E

bile

Ad Ann.
D. C.
D. Gregorius in Angliā misit Augustinum, et Mellitum.

Ann. D.
Gregorius
in Angliā
misit
Augustinum
et Mellitum.

Ann. D.
Gregorius
in Angliā
misit
Augustinum
et Mellitum.

SS. Colūbanus, Galus et Gaudensius.

bile monasterium in Hibernia extruxisset, fundassetq; ad Candidam Casam Ecclesiam, Pictos Montanos ad fidem conuertit. Inde cum SS. Gallo, & Gaudentio mare traiciens, illum in Germania, hunc in Rhætia ad religionem illis in locis promouendam, reliquit; ipse verò in Italiam profectus Bobiense monasterium à fundamentis erectum, vita inibi magna sanctitatis opinione transacta, sepultura sua nobilitauit. (quod verius esse credo quàm in Britannia mortuum, vt scribit Beda) nam ad Mariani Scoti auctoritatem, accedit concursus Italorum in hanc sententiam suffragium, & inueterata opinio. Doganus Episcopus sanctitate quidem clarus; sed antiquorum rituum adeò tenax, vt à Beda, & alijs reprehendi meruerit. Verùm quamuis nonnulli inter nostrates doctrina, & pietate nobiles, apud multos scriptores, erroris de Paschate celebrando notati sint, hoc tamen peccatum aliqua parte deterferunt, insigni & memorabili constantia, non secedendi ab Ecclesiæ Romanæ vnione. Sanior interim optimaquè Scotorum pars, ipsam Ecclesiæ Romanæ consuetudinem intactam semper obseruauit: Beda teste lib. 3. cap. 26. de Tuda: *qui erat apud Scotos austrinos eruditus, atquè ordinatus Episcopus, habens iuxta morem prouincie illius coronam tonsuræ Ecclesiastica, & Catholicam temporis Pascalis regulam obseruans.* Nec alterius quam eiusdem venerabilis viri auctoritate, ad cæterorum, qui in Paschatis

*Bobien.
Monasterium fundat.*

*Doganus
Antistes
errat in
Paschatis
celebratione.*

*Maxima
Scot. pars
Pascha
Catholico
ritu celebrat.*

schatis celebratione errabant, culpam, si non excusandam, saltem extenuandam, utar. lib. enim 3. cap. 4. ad verum canonicumque diem translati, quem tamen & antea non semper in luna quartadecima cum Iudeis, ut quidam rebantur, sed in die quidem dominica, alia tamen, quam decebat, hebdomada celebrabant. Sciebant enim ut Christiani resurrectionem Dominicam, qua prima sabbati facta est, prima sabbati semper esse celebrandam, sed quando eadem prima sabbati, qua nunc dominica dies cognominatur, veniret, minimè didicerant. Verùm quia gratta charitatis feruere non amiserant, huius quoque notitiam ad perfectum percipere mernerunt. Error igitur hic inscitiae, non malitiae tribuendus: quod cum optimè intelligeret Romanus Pōtifex, ad eos tanquàm filios, & fratres corrigendos scripsit. Epistolarum ad Scotos ab Honorio, & Ioanne Pontificibus scriptarum meminit Beda lib. 2. cap. 19. subiungitque posterioris epistolae initium. Dilectissimis, & Sanctissimis Thomiano, Columbano, Cromano, Dimano, & Barthana Episcopis: Chumano, Hermano, Laustiano, Stellano, & Segiano Presbyteris, Saxano, ceterisque Doctoribus, seu Abbatibus Scotis &c. & lib. 2. cap. 14. ex rat epistola à Mellito & Iusto Episcopis ad Scotos scripta. Dominis charissimis fratribus Episcopis, vel Abbatibus per uniuersam Scotiam, Mellitus, & Iustus &c. Ex quibus facile est videre, Scotos ab Ecclesiae Romanae vnione non fuisse separatos. Sed de his satis. Venio ad ea quae in Anglis ad veram fidem conuertendis egeret Scoti. Osualdus qui decem, & octo

Scotor. error de Paschatis tempore.

Honorius & Ioannes PP. ad Scotos scribunt.

Mellitus, & Iustus epist. ad eosdem

Osualdus Angliae R. a Scotis. Episcopis petit.

tatos annos apud Scotos exulauerat; eorundem opera factus Anglorum Rex, Misit ad maiores nam Scotorum petens, ut sibi mitteretur antistes, cuius doctrina, & ministerio gens quam regebat Anglorum; dominica fides, & dona desereret; & suscipere sacramenta: neque aliquanto tardius quam petijt impetrauit accepit namq; Pontificem Aidanum summam mansuetudinis, & pietatis, ac moderamenti virum, habentemq; celum Dei. Hæc Beda, lib. 3. cap. 4. & paucis interiectis, imbuebantur præceptoribus Scotis patuli Anglorum cum maioribus studijs, & obseruatione disciplina regularis.

Aidanus
Anglorum
Episcopus

Finnanus,
& Colmanus
Episcopi

Aidanus verò, cuius res gestas fuscè describit Beda, Episcopatu in Anglorum prouincia fundauit, cui ipse decem, & septem annis præfuit. huic successit Finnanus, Finnano Colmanus pariter Scoti; hic relicto Episcopatu postquam vniuersam Europam peragrasset, per Austriam rediens à fidei hostibus martyrio coronatus fuit. Cæterum in Historia Ecclesiastica Anglorum tanta, taliaquæ de Scotorum pietate perhibetur, qualia de suis prædicare vetat nostrorum modestia. De Monachis, qui Huensem insulam incolebāt egregia habes, non vno loco, apud Bedā encomiā, qui lib. 5. cap. 16. S. Adamannum eorunde Monachorū præfulem ob vitæ, morumq; integritatem plurimum commendat, cuius auctoritate factum ait, ut plurimæ per Britanniam, & Hiberniam Ecclesiæ ad Catholicam in Paschatis obseruatione vnitatem redierint. Scripsit etiā de locis sanctis librum, quem Beda dixit legentibus

utilis-

utilissimum; & ipse in compendium contraxit .
Sed inaudiui integrū in Germania nuper editum
Adamannum . cetera quæ de Scotis apud Venera-
bilem historicum scripta sunt attexere nolo : cum
auctor dignissimus sit, quia ab omnibus legatur : nec
ego me libenter diffundo . Incidit in hæc tempora
S. Bonifacij Itali in Scotiam aduentus, qui, quod
à Romana Sede ad nostros missus esset, à populo
creditus est Papa . Hic, Pelagianam hæresim à
Britonibus quibusdam in Scotiam inuectam, peni-
tens deleuit . ac assumpto sibi S. Moloco itinerum
comite, multas regni prouincias, docendo incolas
quæ ad salutem conducebant, obiuit : tandem in
Rosmarcheo vico vnà cū socio animam Creatori
reddidit : vtrumque Scoti magna veneratione co-
luerunt . Ut Italus Scotiam, sic Scotus Galliam
præclaris virtutibus, eodem ferè tempore, illustra-
uit . Is fuit S. Fiacrius Eugenij regis filius, clarum
etiam hæc nostra ætate apud Gallos nomen : qui
spretis paterni solij delicijs, ac posthabita regni
spe, patriam egenus propter Christum deseruit :
& locum solitarium, in quo lateret, Sancti Pharaon-
is Meldensium tū Episcopi liberalitate nactus
est . Sed amplitudinē rerum à Sācto Fiacrio gesta-
rū humanissima, & religiosissima Gallia, in hodie-
num vsq; diē prædicat, vt præconio suo stilū meū
hac in parte minus necessarium rediderit . ad san-
ctam Syram me conuerto, eiusdem regis Euge-
nij

S. Bonifa-
cius .
170 . p . 92

S. Melo-
chius .
2 .
1610 . 12

S. Fiacri-
us Euge-
nij R. fili-
us .
119 . 22
2815

S. Syra .

nij filiam vnicam, fraternæ pietatis æmulam : quæ cum lectissimo Sanctarum virginum comitatu ad Fiacrium in solitudine Meldensi tunc degentem venit, à quo in proposito corroborata in Campaniam Galliæ se conferens, magna ibi, vt sanctitate vixit, ita post obitum ab omnibus piè culta est. Sanctos hos Conanus Sodorensis Episcopus, vel hoc solum nomine celebrandus, literis, ac virtutibus instituisse traditur. Celebrabatur iam multos annos, per vniuersam Ecclesiam, communi Christianorum bono recepta S. Benedicti regula, quæ Scotiæ quoq; caput allubescere, & probari nec quidquā antiquius habuerunt nostrates, quàm vt Monachi Culdæi (quibus ante id tempus sola Euangelij Dominici præcepta pro vitæ morumq; regula fuerūt) concinnatam illam ex diuinæ legis præscripto, digestamq; monasticæ conuersationis formam amplexarentur. Clarus in nouo hoc Deo militandi genere fuit Seginius presbyter, Helluensis Monasterij Abbas, & Disibodius, qui abdicato Episcopatu, adscitisquæ aliquot ad verbum Dei prædicandum socijs in Germaniam demigrans, Itrenue, diuq; in populis illis ad meliorem frugem reuocandis, laborauit; ac tandem quieti locum, in Fuldensi Monasterio, elegit: vbi venerabilia eius ossa conduntur. S. Romanum præbyterum hoc maximè nomine commendauit antiquitas, quod ad Romanæ Ecclesiæ sanctiones, ritusq; exactè obser-

Conanus
Episcop.

S. Benedi-
cti ordo.

Seginius,
et Disibo-
dus.

S. Romanus.

obseruandos, suos adhortādo & cōfirmādo multum, nec frustra sudauerit. Beatum Florentium nobilem inter nostrates, parentum conditio, nobiliorem verò inter exterās gentes, raræ virtutes fecere. hic in Alsatiā profectus multa in vastis desertisq; syluis idola prostrauit; statutoq; illorum in locum Crucis vexillo, plurimos à vana superstitione traduxit: tūc Monasterium non procul à Bruschiō flumine, ad Scotos, eò confluentes, excipiendos condidit: in quo dum laborum suorum finem quæreret, ab Argentinensibus ad Episcopatum euocatus, illam sedem egregiè diuque rexit. Multum ad augendum inter Scotos diuinum cultum Eugenij septimi regis pietas valuit, qui vt Buchananus lib. 5. R. L. IX. *religionis in primis curam habuit.* Sed quia impostor ille, cuius religionis rex curam habuerit, malignè præterit: ego quæ in veris historiarum nostrarum monumentis summa fide narrantur, non minore exscripta paucis subiungam. Antistites ac Sacerdotes magna in veneratione habitos, nè cuiuspiam rei premerentur inopia, prædijs, agrisque ditauit. Diuorum templa, & altaria neglecta, aut vetustate collapsa erigi, ac decori pristino restitui curauit. Sanctorum corpora sacris in locis reponi, ac eorum res gestas in tabulis publicis describi iussit. Viros doctrina, & virtute præditos ad maiorum annales colligendos, & edendos magnis

S. Florentius.

Eugenius septimus R.

milli 2.6
elo. run
3. 2000

gnis sumptibus in Iona insula, alijsq; regni prouincijs aluit.

Ad Ann. *Eugenio successit Mordocus, nec in pace modo colenda, sed*
DCC. *monasterijs etiam inuandis, Eugenij amulus: Candida Casa Ca-*
Mordoc- *nobium dirutum restituit: hæc Buchananus R. LX. me*
cus R. *interim vocat, Doneualdus vir nobilis, & diues,*
Doneual- *qui cum nouem filiabus non procul ab Aleſto Op-*
idus, & 9. *pido, quod Deidunum Scoti nunc vocant, in so-*
filia. *litudinem Ogiluiæ secedens, in orationibus & iei-*

s. Bonifa- *cius.* *Moſto Bonifacio primo Moguntiaæ Ecclesiæ Ar-*
chiepiscopo, Germanorum Apostolo, & Roma-
næ Sedis per Gallias legato scribendi laudem in-
numeri scriptores mihi præripuerunt; vt inutilis vi-
deri possit omnis deinceps vberior hac de re la-

Madulphi *eruditio.* *bor: Madulphum clarum in Britannia fecit non*
vulgaris eruditio; nam ad Latini Græciq; sermo-
nis noticiam, dininarum literarum quas apprimè
callebat, adiecit peritiam: & nè sibi tantum scie-
ret, varias suscepit peregrinationes. tandem in
Anglia ad Malmisburiensem Ciuitatem nobilis
Monasterij conditor fuit; ex quo non pœnitendus
virorum doctrinæ, & virtute conspicuorum pro-
dijt numerus. S. Kilianus postquam vtilem inter
suos annis aliquot prædicando, locasset operam,

Co-

Colonatum , & Tholuanum Monachos , & laborum comites , monuit , vt relicta Scotia in Franciam orientalem secum transirent : nec illi ad hoc opus segniores , quàm ad priora fuerunt . Fortitèr itaque suscepto confectoquè itinere , strenuum superstitionis idolorum cultoribus bellum indixerunt ; nec priùs ab incepto destitit , quàm defixa ubiq; Cruce , Herbipoli martyrij palma sunt coronati , vbi S. Kiliani (qui prouinciæ illius tutelaris , & Apostolus habetur) sacrum corpus magno cultu seruetur . Habentq; Scoti ob tanti viri memoriam in eadem Ciuitate monasterium . cuius loci patres vitam , salutemq; & monasterij felicitatem meritò se debere fatentur Illustrissimi , & Reuerendissimi Principis Adolphi eiusdem Ciuitatis præsulis dignissimi , charitatis & humanitatis officijs , quæ perenni fluxu in religiosos peregrinæ gentis , hospites & clientes suos liberaliter erogat , deriuat , profundit . Artuillium , & Sedulium Iuniorum præclara vtriusque scripta loquuntur . De S. Viro ne legimus , quod Pipino regi à sacris confessionibus fuerit , & quod Episcopatum vsque recusaerit , donec à Romano Pontifice , nè pascendarum animarum labores defugeret , moneretur . à multis multa de sancto hoc auditu mira scribuntur ; Sed ego antiqui apud Surium scriptoris verbis contentus ero . *Scotia fertilis Sanctorum virorum insula , & stellarum numerum propè æquans patrocinio sanctorum virorum ,*

Scot. Herbipoli Monasterium habent

Artuilius et Sedulius iunior. S. Viro,

*Patto Ab-
bas.*

*S. Maca-
rius Epi-
sco. Aber-
don.*

*Caroli
M. cum
Acbaio R.
Fædus.*

*Fæderis
causa.*

produxit Sanctum Vironem. Patto Amarbariensis Abbas in Saxonia contra impietate fortiter pugnavit, hoc nomine Carolo Magno fidei defensori vigilatissimo charus in paucis, ab eodē Verdenſis Eccleſiæ moderationi admotus eſt. iſdem temporibus Scotia Sanctum Macarium Episcopum, Aberdonenſis Ciuitatis tutelarem, produxit; Diuinicum quoq; Archidiaconum, Coganum, & Donſtanum Abbates. Verum me, Achaij Regis inſignis memoria, iſtumq; inter Gallos, & Scotos fædus, ad Caroli Imperatoris nunquàm non celebrandam virtutem inuitat. Carolus cum plurima, tam de inſigni Scotorum pietate, quàm de militari gloria inaudiſſet; non dubitauit, illorum quos Oceanus, & interiecta Anglia à reliquo orbe quam longiſſimè remouiſſet, Societatem, miſſa vltro ad Achaium Regem legatione, petere. Fæderis hæc cauſa fuit: pugnante contra Saracenos Chriſtiani nominis hoſtes Carolo, Anglo-Saxones, qui relegatis in Cornualliam Britonibus, illorum prouinciam armis occupauerant, Gallicum mare infeſtare, ac in continentem nonnunquam, qua anguſtiſſimum eſt inter Iccium, & Dorobernium fretum, populabundi traiſcere auſi, pium imperatorem à longinquis bellis, ad Galliam ab iniurijs defendendam, non ſine magno Chriſtianæ fidei damno reuocabant. Carolus itaq; cum ægrè ferret tot ſibi victorias, ac rei benè gerendæ occaſiones, eorum, qui

qui Christo nomen dederant, infestationibus eripi; statuit cum Scotis, quos non minùs in fide constantes, quàm in armis strenuos sciebat, Fœdus perpetuum inire. Quo nullum sanctius, antiquiusve vllæ gentes coluerunt. nec ab illo tempore, vnquam Galliam armis impunè lacefsiuere Anglo-Saxones. atq; tùm primùm gentilitia Scotorum insignia duplici liliorum ordine circumdata, & corona, quæ ad ea tempora valli militaris specimen præferebat, in regij diadematis formam effigiata, & quatuor ex auro crucibus, totidemq; lilijis paribus interuallis affabrè compositis ornata fuit. Nec contentus Achaius Caroli Magni latus ab hostium incurſibus protexiſſe, miſit inſuper Guilielmum fratrem ſpectatæ fortitudinis virum, cum quatuor Scotorû millibus, qui Imperatorem quocumq; duceret ſequeretur. Hunc Carolus in magnis sæpe discriminibus comitem habuit, multa præclara bella Scotus, ſed Franci auſpicijs, abſens geſſit; multaq; retulit victorias, quas virtuti tantæ Principis, non ſuis tribuebat meritis Guillemi modèſtia. hinc charus adèò Carolo fuit vt illum nullus apud imperatorem, aut honore, aut diuitijs antecelleret. Huius rei non exigua argumenta, quod in Italica expeditione, dum Carolus Leonem III. Sacrilega Romanorum iniuria pulſum in ſedem pontificiam reſtituit, Guilmo nobiliſſimæ Florentiæ Barbarorum armis miſerè vaſtatæ

Guilielmus - Achaij R. frater.

Florentia à Guilmo reſtaurata.

reparationem commiserit. Hæc ab omni retro memoria humanissimorum virorum, atq; diuinis planè ingenijs illustrium parens, singulari omninò grati animi recordatione Leonem rubrum Scoticæ gentis stemma, nō minùs quàm Liliū Francicum in honore, & delicijs habet: cuius decora maiestatemq; ad miraculum pene præterita, atq; hac ipsa nostra ætate adauxerunt Medicæ gentis globi, quibus splendor, & securitas nobilissimæ Vrbi parra est: hanc Italiæ delictum, & Principum flos Ferdinandus Secundus, ijs virtutibus, ad quas in summa dignitate constituti homines raro aspirant, non minus quam Regio, Cæsareoq; sanguine inclitus perpetuam, æternamq; faciet. nec posteris vlla de Florentiæ euerfione controuersia erit regnantibus illis vere magnis Hetruriæ Ducibus, qui Barbaros Christianæ fidei hostes in remotissimis regionibus quærere, ac debellare, detractaq; impietati spolia religiosi manibus exercituum Dei altaribus appendere soliti, formidolosum, ac terribile Mahometicæ perfidiæ Thuscum nomen effecere. Militibus deinde Scotis, aut morbo, aut ingrauescente ætate ad reditum minus idoneis, opima per Italiam prædia fuerunt attributa. Florentiæ multis annis clari fuere Barones, Saonæ Riarij: Bononiæ & Senis Mariscotti: Placentiæ Scoti: Mantuæ Scotia. atq; hi omnes originem suam modo à Scotis repetunt, quam ad Caroli

Globi Medicei.
Ferdinandus II.
Magnus
Hetrum.
Dux.

Hetruriæ
Ducibus
contra Barbaros
virtus

Familia
Scot. in
Italia.

roli Magni tempora omnes Italicarum rerum scriptores referunt. Paparones quoque & Cantelmi, nobilia per Italiam nomina Scotici sanguinis sunt. Sed ego ad Gulielmum redeo, qui postquam in castris Domini exercituum iam propè consenuisset coniugij expers, cum nullam videret virtutis in bello pro Christo exercendæ reliquam esse materiam, hæredem eum elegit, cuius amore, & gloriæ proferendæ studio, hæredes procreare neglexerat; atque fundatis in Italia, & Germania plurimis, ad Dei famulos ex Scotia recipiendos, cænobijs, ea prædijs & agris ad sumptus opime dotauit. Tantæ magnificentiæ reliquias nostrates in Germania vix tria habent Monasteria, reliqua quindecim, aut ab hæreticis impiè vastata, aut à Germanis, nescio quo iure, possessa detinentur. Venerant vnà cum Gulielmo ex Scotia togati insignes quatuor viri, prudentia atq; omnium scientiarum cognitione celebres: Rabanus, & Alcuinus, qui legatione peracta in patriam rediere: Ioannes, & Clemēs, quos Carolus duabus se à nuper fundatis academijs præfecit, illum Ticinensi, hunc Parisiensi. Duo itaque illa celeberrima scientiarum emporia Scotorum ope & vigilijs ad eam gloriam sunt euecta, quam orbis terrarum fatetur maximam. Nàm post Clementem Rabanus philosophia, Rhetorica, Astrologia, & Theologia instructissimus, in Galliam reuersus, omnes ingenij sui neruos

*Gulielmus celebs
monasteria Scotis
fundat.*

*Rabanus,
Alcuinus
Ioannes,
& Clemens.*

*Fulden.
Monast.*

*Tanco E-
piscopus.*

neruos in Parisiensi academia exornāda impendit: ac vbi eam scholam Doctōribus, omniq; literarum, supelle&tile instruxisset, in Germaniam transiens, Fuldenſis Monasterij statim Abbas primum tirocinium in S. Benedi&ti regula exercuit, Moguntinensis deinde Ecclesiæ Archiepiscopus creatus, in eo munere piè fungendo reliquum vitæ consumpsit. Tanco quoq; ex eiusdem D. Benedi&ti familia, ad Saxones conuertendos diuino zelo inflammatus ad Amarbaricense Monasterium profectus, summa fratrum voluntate eidem præponitur; mox Patone Episcopo vita functo, Verdensē Ecclesiam moderandam suscepit. Sed dum gregis sui vitia ardore pastoralis insequeretur, ab ijs quibus vitam dare cupiebat, morte fuit affectus. vtriusq; Diuorum in numerum relati meminit suā in historia Crantzius.

*Ad Ann.
DCCC.
Kennethus
R.*

Eiusdem Ecclesiæ, & martyrij hæredes venere ex Scotia, licet diuerso tempore, Kortilla, & Harucus. Floruitq; inter suos Kennethus Rex tum pietate tum iustitia insignis; hic Ecclesias multis donarijs, & redditibus ornauit. Leges' insuper condidit quarum aliquas non alio fine hic attexere placuit, quam vt degenerem nostratum modo hæreticorum, qui vt tam sanctarum legum, ita & totius iuris antiqui contemptores in præsentia viuunt, ab auita pietate defectionem coarguam, & si fieri possit, ò vtinam posset, semisopitos animos eorum

eorum aliqua ratione excitare, ac commouere valeam. Post varias itaque ad ciuilem regni statum pertinentes has subiungit. Aras, templa Diuorum, statuas, oratoria, sacella, sacerdotes, omnesq; sacræ familiæ viros ex animo venerator. Festos & solemnes dies, ieiunia, & vigilias, & omnifarias ceremonias, quas Christo regi, & sacratissimæ eius militiæ decreuit humana pietas, multo honore obseruato.

*Kennethi
R. pia le-
ges.*

Lædere Christi sacerdotem dicto factoue, exitiale sit.

Agrum, quo quis fortè occisus sepultus fuerit, septennium incultum relinquito.

Sepulchrum omne sacrum habeto, idquè Crucis signo ornato, quod ne pede aliquando conculces, caueto.

Defuncti funus habita facultatum ratione curato.

Insignis viri aut qui de Republica optimè fuerit meritus, celebri, lugubritamen pompa funus efferto.

Harum legum edendarum autores Regi, vt opinio est, fuere Geruadius, & Glacianus Episcopi, quos in hæc tempora annales nostri conferunt. vterque non pietate modo, sed rerum quoquè scientia probatus. horum optima consilia adiuuere Modanus, & Medanus sanguine, & Monastica professione frarres. Iniquior videar, si dum alios

*Gerua-
dius, &
Glacia-
nus Epi-
scopi.*

recen-

*Adrianus
& Stol-
brandus
cum socijs
mart.*

recenseo, Adrianum & Stolbrandum Episcopos egregiosq; Christi martyres silentio præterirem, qui vnà cum Caio Archidiacono, alijsq; multis, quorum nomina in libro vitæ scripta sunt, à Danis Ethnicis (qui tum Britanniam inuaserant tanta feritate, vt nec ætati, nec sexui parcerent) in Maia insula ad fauces Forthæ freti sita, ob constantiam in profitenda fide Christiana interempti, martyrij gloria coronati sunt.

*Donal-
dus VI. R.*

Habuit præter laudatos Scotia hac ætate Donaldum VI. non minus Christianis virtutibus, quàm regali fastigio celebrem. Hic legem in blasphemos sanxit tanto principe non indignam: vt nimirum si quis diuinum nomen iure iurando violasset, ei labrum candenti ferro inureretur. Regnante Donaldo Ioannes Scotus, secretioris Græcæ linguæ scientia accensus, Athenas se contulit: atq; inde post aliquot annos à Ludouico Imperatore in Galliam vocatus, ad eum ei charus extitit, vt mensæ regię adhiberetur: quem cum Imperator inter fercula vrbanè interrogasset, quid inter Scotum, & Sotum, quod Gallicè stultum significat, interesset, ille mensam respondit; placuitq; in primis Ludouico lepidum, ac liberum viri ingenium; Imperatoris rogatu transtulit primus in latinum opera Dionysij Areopagitæ, extatq; hodie eius trãslatio. Missus postea fuit à Carolo Tertio in Angliam, ad pacem inter Anglos, Francosq; componendam. Alu-

*Ioannes
Scotus.*

redus

redus, is tùm Anglis imperabat, vt legatum eximijs honoribus ornauit: peractà legatione in Angliam magna humanitate reuocauit, vbi dum corruptos adolescentes ad meliorem frugem studeret mouere: ab improbis, qui eo viuo iniectum licentiæ suæ frænum calumniabantur, in Malmesburiensi Monasterio, stilis cerographijs confossus, interijt. Hunc Pontifex, rem vrgente Aluredo, martyrum albo ascribi iussit. Aluredus splendido tumulo in eodem quo occisus fuit Monasterio honestauit defuncti reliquias. memorandum hoc seculum apud Scotos reddidit cruenta Pictorum euersio, quorum *Picti deleti à Scotis.* regnum, à celebratis Kennetho & Donaldto regibus, non pietate quam fortitudine illustrioribus, funditus euersum fuit, anno centesimo supra millesimum, postea quam Sedes nomenq; in Albione habere cæperant. hoc de industria moneo, ne præclaros Scotorum in fide Catholica promouenda labores, qui communes hætenus cum Pictis, ob arctum inter vtramq; gentem fœdus & amicitiam, videri nonnullis poterunt, confundendi in posterum remaneat occasio.

Inter cætera Christianæ fidei decora silendus minimè videtur ordo equitum D. Andreæ, seu Car- *Ad Ann. D. cccc. Ordo Equitū D. Andreæ.* dui, longè apud Scotos hac ætate celeberrimus. Cuius originem ad Hungi regis priora his tempora referunt scriptores non pauci. huic cōtra Althistanium Anglorum regem pugnaturus, Crux D.

Andreas cœlestibus effigiata radijs optatæ victoriæ
 nuncia comesq; apparuit; quam Rex, ne tanti be-
 neficii memoria periret, in labaris, vexillis, cly-
 peis, atq; ipsis regiæ maiestatis insignibus poni cu-
 ravit. regem ex prima nobilitate sequuti Scoti, Pi-
 ctique, eadem tessera sua stemmata ornarunt. Ita
 paulatim crescente apud Christianos Principes,
 Caroli Magni Imperatoris virtute atq; industria,
 sacræ Militiæ disciplina, Scotorum reges equitum
 suorum ordinem pijs legibus, ac viuendi regulis
 ornarunt: quorum insignia monumenta, quod
 Catholicam Orthodoxamq; pietatem redolerent,
 ac noua Sectariorum deliria vetustate sua, atque
 maiestate destruerent, à Cnoxiō Apostata, eiusq;
 sequacibus omninò deleta fuere. Ordinis huius
 balteus ex carduis erat aureis fibulis inter se com-
 positis, ex quo pendeat imago D. Andree vtraq;
 manu Crucem, iu qua pro Euangelica lege occu-
 buit, præferentis. Nec carduus minore in æsti-
 matione apud Scotos est, quàm lilium apud Gal-
 los, & apud Anglos Rosa. Suntquē in antiquis
 fœderum nostrorū monumētis lilia carduis impli-
 cata; & ætate hac nostra rosæ ijsdem carduis inser-
 tæ, pacem Britannia vnius imperium admittentis
 abundè testantur. In nummis præterea antiquis
 carduum inuenio cum Elogio, *nemo me impune lacestet.*
 virgultum enim illud aculeis vndiquē armatum
 lædere se volentem prius lædit; & hæc causa cur
 Scotis

Scotis tanto in honore fuerit carduus. fuit quoque aliud equitum sodalitium in Scotia famosum, Rutæ fertum nostrates appellant, sub eiusdem D. Andree tutela, cuius torquis ex rutæ folijs auro affabrè alligatis in antiquioribus numismatibus visitur. Sed de his hætenus. Constantinus III. post varios in bello, ac pæze pro Scotiæ salute perpeffos labores, se regno abdicans in Cænobio D. Andree cœlestis patriæ desiderio incensus vitam Deo sacrauit. Duffum regem, duo illa supremæ maiestatis insignia æquitas, & religio, adeo commendarunt; vt aliàs nunquam in Scotia, aut sacris maior honos, aut minus securitatis hominibus sceleratis fuerit. Huius dum animum nulla humana industria à propositæ rectitudinis tramite flectere possunt improbi, corpus magicis veneficijs affligere tentant. Sed post quàm deprehensus, debitorq; affectis supplicio sceleris diabolici ministris Rex pristinam valetudinem recuperasset, à Doneualdi mortalium pessimi necessarijs iugulatus interijt. Eius corpus à parricidis in spelunca absconditum, totos sex menses latuit, quo tempore nec sol, nec luna Scotorum fines illustrauit, inuentum tandem intactum plane & illæsum fuit, sumptumq; promeritum de impijs parricidis supplicium. Nec silendum videtur Moueani antistitis in regis peccatis arguendis constantia. is vbi intellexit Kennethum III. principem, si cætera spe-

Rutæ fertum.

Constantinus III. R.

Duffi R. iustitia et religio.

Moueanus Episc.

*Membori-
nus.*

Viri clari.

ates, bonum, contra ius fasq; Malcomum Duf-
fum Cumbriæ regulum occidisse, vt Nathan alter,
palam neque vllis adhibitjs ambagibus Regem
commissi sceleris redarguere non destitit, donec
ille patrati sceleris noxam acerbis lachrymis, alijsq;
pœnitentis animi indicijs nouus David purgaue-
rit. Memborinus in Colonia fidem, bonosquẽ
mores propugnauit, qui vnà cum socijs Ebergero
Archiepiscopo gratam adeò operam præstitit, vt
is S: Martini celebre Monasterium Scotis tribuerit,
quod piẽ, nec sine laude Mẽborinus plurimis an-
nis rexit. In Scotia verò claruerunt Vigianus Mo-
nachus eruditus, & magna sanctitatis fama illu-
stris: Medanus, Blanus, Englatius & Colmo-
cus Episcopi in Domini gregem insigni diligentia
inuigilarunt. Cleri pietatem posteris commen-
dauit, Ouani Diaconi singularis prudentia; & in
claustris monasticæ vitæ gloriam maximam ade-
ptus est Conganus Abbas. Atquẽ huiusmodi re-
ligionis apud nostrates status, oĩtingentorum,
& ampliùs annorum spatio inter varios, & multi-
plices cùm ab ethnicis, tùm ab hæreticis excitatos
in Britannia persecutionum fluctus in Romanæ
Ecclesiæ obediẽtia orthodoxa perseuerauit: in quo
narrãdo, si cui videor fuisse prolixior, sciat eam me
scribendi rationem affectasse, vt plura prætermis-
sa esse quàm scripta fatendum sit. & quia sequen-
tium quingentorum res à multis vbertimq; tra-
ctatæ

Ætæ minùs habent obscuritatis & controuersia
compendio , vt cœpi , earum summa capita stri-
ctim delibabo .

Dum itaq; Scoti non domitantur , sed exteris
quoque in regionibus Christi regis gloriam sudo-
re, & sanguine promouerent, inuidia, quæ virtuti
semper comes est, Heliam Monasteriorum, quæ
nostri Coloniae habebant , Abbatem cum vni-
uersis penè fratribus perdidit : nam ita maleuolo-
rum calumniæ Pelegrini Archiepiscopi animum
contra innocentem accenderant , vt is pastoralis
mâsuetudinis oblitus , de Helia tollendo, & Scotis
omnibus ex illis Monasterijs pellendis cogitarit.
quæ vbi Helias rescuit ; conuocatis vnum in lo-
cum fratribus, periculi in quo versabatur magni-
tudinem exposuit : lætus deinde omnes bono ani-
mo esse iussit : Nam si Christus inquit in nobis pe-
regrinis est, Pelegrinus nunquàm viuus Coloniam
reuertetur . Cuius repentina mors sceleratam im-
piorum coniurationem dissoluens , Dei famulos
metu omni, & cura liberauit . Crudelius multo
religiosorum hominum quietem in Scotia turba-
runt Dani, qui occupata Anglia arma in Scotos
verterunt. tanto patriæ discrimini sese opponens
Malcolmus Rex , victoriàm de sæuissimis hosti-
bus, non sine diuina ope retulit : quam cum D.
Moloci patrocinio , cuius auspicijs bellum gesse-
rat, acceptam referret; vt tantæ rei extaret memo-
ria,

*Ad Lun.
M.
Helias, et
socy.*

*Dani An-
gliam oc-
cupant.*

*Malcol-
mus R.*

*S. Beanus
& Donor-
tius Epif.*

*Ammi-
chabus in-
clusus.*

*Sigisber-
tus Anti-
fles.*

Paternus

*Malcol-
mus Can-
onicus R.*

ria, Murthalacensem Ecclesiam in Episcopatum conuersam, Deo, sub D. Moloci nomine dedica-
uit. hanc S. Beanus Episcopus pietate atque erudi-
tione celebris plurimis annis moderatus, Donor-
tio viro tanto munere dignissimo reliquit: vterq;
apud nostrates religiosè colitur. Fuldense Mo-
nasterium in Germania decorauit Ammichabus,
non ingnobili in Scotia loco natus, qui paterno
relieto solo, post varias piorum itinerum exanthla-
tas difficultates, tandem ab omni mortalium So-
cietate, quo melius immortalī Deo frueretur, se-
paratus, ad Fuldā angustissimæ se cellæ inclusit.
raro quidem exemplo, sed laudabili: vt Theodorus
ille, & Daniel, à Græcis persimili constantia dicti
sunt stylitæ, sic hic noster Ammichabus inclusus
solemni nomine audiuit. Fuldenfis verò Mona-
sterij Abbas Sigisbertus, qui Egeberto succeffe-
rat, ita hoc ipso tēpore cunctorum animos scien-
tiæ, & virtutum suarum radijs illustrauit, vt Mo-
guntinenses eum sibi in Archiepiscopum commu-
nibus omnium suffragijs expetierint. Æternam
in Germania mercedē indefessi in Dei gloria pro-
mouenda studij Paternus Monachus obtinuit,
quem vt è medio tollerent (proh scelus impij) duo
Monasteria, in quorum altero Paternum esse scie-
bant, subiectis ignibus combusserunt. Regalis
maiestatis splendore, alijsq; virtutibus patriam
suam hoc seculo illustrauit Malcolmus cognomi-

ne Canmoire, cuius egregia in Edgarum Angliæ regem Sancti Edoardi nepotem, afflictamq; regiâ familiam hospitalitas tanta fuit; vt ab ipsis hostibus singularem laudem meruerit. Nàm à suis destitutum, & siuè casu, siuè consilio in Scotiam delatum Edgarum, quàm potuit affectu maximo suscipiens Malcolmus, ipsius Sororem Margaritam, miris animi, corporisque dotibus virginem, & postea in diuorum numerum relatam, sibi matrimonio iunxit: eadem prorsus animi dignatione, qua si florentes in Anglia Edgari res fuissent. Simili prorsus benignitate in omnes qui Regem ex Anglia secuti profugerant, vsus; eos & hospitio accepit, & opimis agris, pro cuiusque conditione, donauit. Sed præstantiora erant quæ in vna Margarita ab Edgaro accepit Malcolmus, quàm quæ regia munificentia profuderat Anglis beneficia. Illa siquidem perfectissimum virtutum omnium exemplar, & nitidissimum sanctitatis speculum marito exhibens: ità eum ab omni errorum labe continuit, & ad omnem pietatem refinxit, vt nunquã par sanctius viderit orbis, aut in Dei laudem propensius. Duæ à Malcolmso fundatæ Episcopales sedes, vna in Morauia, in Cathanesia altera, reliquæ sex S. Andreæ, Morthlaci, vbi D. Beanus Episcopus sedem suam olim habebat, Sodorensis, Orcadenensis, Candidæ Casæ, & Glascoe nsis varijs beneficijs, & immunitatibus ornatæ. Dunelmense

*Margari-
ta R.*

*Mora-
uien. &
Cathan.
Episcopa-
tus funda-
ti.*

quoq;

*Dunfer-
milingen.
Monaste-
rium,*

*Malcolmi
& Marga-
rita mors.*

*Eorum re-
liquiæ in
S. Lauren-
tij Escuria
cen. serua-
tur.*

quoq; templum eiusdē liberalitate resectum; & no-
ua ædes in Dunfermilingensi oppido, expen-
sis regijs magnificè extructa, & sanctissimæ Tri-
nitati dicata fuit; iuxta quam cœnobium, pro Be-
nedictinæ regulæ & instituti sectatoribus, qui per-
petuas laudes Christo canerent à fundamētis ædi-
ficatū, & amplissimis prouentibus doratum. Extin-
cto tandem Angli militis fraude Malcolmo, Mar-
garita quæ eodem ferè tempore Eduardum filium
amiserat; post quatuor dies, ne diù marito defun-
cto superstes esset, in Edimburgensi, siuè puella-
rum Castro, diem clausit extremum. quam post
obitum in Diuarum societatem ascriptam sanctis-
sime venerati sunt Scoti: & ad hunc vsque diem,
vel aduersarij nunquam mentionem illius, nisi cum
summa sanctitatis laudē facere solent. extantq; no-
stra memoria fontes & riui aquarum, quæ S. Mar-
garitæ appellatione vocatæ, à pijs non sine deuotio-
nis, & miraculorum effectū visuntur. Sed vtriusq;
res gestas Turgottus D. Andreæ Episcopus fide
maxima scripsit: & Sanctissimæ eorum reliquiæ in-
ter reliquias regias S. Laurentij ad Escuriacum à
pientissimo, & prudentissimo Philippo II. Hispa-
niarum rege magno labore conquistæ, & proprijs
iconibus extrinsecus in capsula positæ sunt, cū hoc
elogio. S. Malcolmus Rex. S. Margarita Regina.
òvenerabile factum cœlestis prouidentix: quas vi-
lis plebècula spreuit reliquias, Monarcha alienus in
regijs

regijs collocavit. Commoueantur animi vestri
 contrerranei mei, si modo ullus superest in tam si-
 licei pectoribus sensus, & dolori meo qui ista
 sentio, & cum lachrymis vos modo compellaui,
 pro humanitate vestra, hoc quod à me in acerb-
 itate cordis dictum est, concedere dignemini. De
 Machetado tradit Marianus Scotus celebris histo-
 ricus, quem tamen regem Scotiæ vocat, ego ex
 annalibus nostris deducta ratione regis tantum
 filium puto, Romam ad loca pia inuisenda profe-
 ctum, tanta copia elemosynam in obuios paupe-
 res profudisse; vt argentum tanquam semina per
 vias, qua transibat, cerneretur. Ad hanc quoq;
 ætatem ipsum Marianum Scotum, cuius ingenij
 monumenta qualis fuerit satis testantur, referre
 placuit; qui prima doctrinæ, & pietatis fundamen-
 ta in Fuldensi Monasterio, sub Ricardo Abbate
 gentili suo feliciter iecit: atq; vbi ætate & scientia
 adoleuisset Mogontiam profectus est, & vitam ibi
 solitariam, sed minimè ociosam, triginta annis
 quibus vixit, omni cum laude transegit. Corma-
 chus etiam Murthlacensis tùm in Scotia Episcopus,
 ita mores suos ad omnem pietatem, ita ingenium
 ad bonas artes composuit, vt sanctissimus simul,
 & doctissimus ab omnibus iudicaretur.

*Macheta-
 dus R. f-
 lius.*

*Marianus
 Scotus.*

*Corma-
 chus.*

Quemadmodum superiorem ætatem DD. Mal-
 colmus, & Margarita, sic præsentem eorum li-
 beri, vt paterni solij subinde hæredes, ita & vir-

*Ad Ann.
 MC.*

Edgarus
R.

Alexan-
der R.

David 1.
R.

Monaste-
ria XV. ex-
truxit.

tutum imitatores, mirum in modum illustrarunt. Ex his Edgarus ad auitum solium iure euectus, voluit à Godrico D. Andrea Episcopo, sacro oleo dum coronaretur iniungi: ea ratione, quam Urbanus Pontifex, in D. Margaritæ gratiam, Scotorum regibus præscripsit. regnum adeptus patris liberalitatem in Ecclesias, eorumq; Ministros imitando exæquavit. Hunc sequutus frater eius Alexander Rex Sconæ Monasterium extruxit; atque aliud in Euonia insula D. Columbæ sacrum ædificari curavit. Cœnobij D. Andrea facultates, & latifundia non parum auxit: & quæ à fratre, aut patre pro religione inchoata inuenerat, perfecit. Alexandro sine liberis extincto, David filiorum Malcolmi natu minimus, regia insignia accipiens, priorum regum munificentiam liberalitate (heu quod verbum emittendum incogitanti) pene nimia superavit, solus enim monasteria quindecim magnis sumptibus extructa, opimis redditibus auxit. Quorum nomina perlegere, mi lector, ad tantæ liberalitatis memoriam, non tibi alioqui graue futurum spero. Calco, Iedburgum, Melrosia, Neubottelia, Halaculstrania, Dundraua, S. Crucis ad Edimburgum, vbi modo regis aula, Campus Kenethi, Killostia, Fermilodunum, Holma, duo ad nouum Castrum, vnum Præmonstratensium, monachorum D. Benedicti alterum. pro virginibus autem Deo sacris duo fundauit, vnum ad Carlilum, alterum

alterum ad Beruicum . Episcoporum etiam numerum auxit , quatuor Episcopalibus sedibus de nouo institutis, erectisque Rossense, Brechmenſe, Doucheldense, & Dounblacense, quas annuis, & amplissimis fructibus ornauit: Murthalacensem quoque Cathedram, Aberdoniam celeberrimum orientalis maris emporium, tranſtulit. nec ijs tantum, quos perfectionis studium pauperes fecit, bona sua elargitus, in miseros pariter, quos dura necessitas grauissimo egestatis iugo oppresserat, liberali copia singulorum inopiam subleuabat. ita exhaustis pie regijs thesauris, profusoq; propter Christum regali patrimonio, malus sanctus pro Corona vocari cepit, ab ijs qui terrenis immerſi curis, omnem in caducis bonis felicitatem ponunt. insignem hanc charitatem reliqua in Dauide comitabantur virtutes, ac in primis regnorum custos iustitia; nam vniuersum regnum pertransiens, sedulo curauit, vt lex illa, quæ vnicuique suum tribuit diligenter seruarietur; constitutis in singulis propiniciarum tribunalibus iudicibus integerrimis, qui ius dicerent: sed ipse pauperum causas dirimebat, quorum libenti & prompto animo preces audiens, seueritate magna vindicabat iniurias. Ita aulam suam habebat ordinatam, vt Cœnobium diceres, non regiam. Venit ad Dauidem in Scotiam Henricus Angliæ princeps, vt à tam insigni Catholicæ fidei propugnatore arma

*Episcopus
ius IV. in-
stituit.*

*Henricus
Ang. prin-
ceps fit
eques D.
Andræ.*

militaria, seu virilia acciperet: quem Dauid omnibus regiæ humanitatis officijs acceptum, insignibus equitum D. Andreæ, qui Cardui equites vulgò dicuntur; coram omnibus regni proceribus ornauit. Hoc alijsq; honoribus decoratum Henricum, ac de Catholici principis munere serio admonitum, in Angliam ad suos remisit. plura de Rege hoc habes apud mellifluum Bernardum, in vita D. Macharij. Matildis, trium, quos recensui, regum Soror, Henrico Angliæ Regi matrimonio copulata, ita parentis D. Margaritæ mores est æmulata, vt Bonæ nomen, tam ab Anglis, quàm Scotis retulerit. Post egregios hos, omniq; fama dignos Principes D. Gualterus, regio, & ipse sanguine ortus magnam, ob excelsam animi moderationem, laudem meretur; is seculo renunciens, D. Andreæ monasterio se inclusit; nec ad Ecclesiasticam vllam admittendam dignitatem, nisi inter Monachos quorum Abbatem se in Melrossensi Cœnobio fieri passus est, induci potuit: tandem vita, miraculis, atquè adeò scriptis sanctorum catalogo adscribi meruit. Inter Episcopos, magnum habitum fuit nomē Nectani, qui Aberdoniæ præerat: singularis prudentiæ, & æstimationis Antistitis. hicrupta plus semel inter Scotos Anglosque fœdera composuit: Clerum suum omnibus pietatis, & doctrinæ studijs incumbere voluit; & Ecclesiam nuper fundatâ vtili legum sacrarum præscripto

*Matildis
Bona R.*

*D. Gual
terus.*

*Nectanus
Epi/copus*

scripto munivit. De Richardi à S. Victore Ordinis Canonicoꝝ D. Augustini apud Parisios admirabili eruditione alij latius; ego tantum Epitaphium æneis literis in ingressu Abbatiae S. Victoris excisum apponam.

Richardus
à S. Victo
re.

Tellus quem genuit felici Scotia partu:

Hunc regis in gremio Gallica terra suo.

quam sui similes, ætate hac, in Germania fuerint Scoti, testatur optimi Principis Henrici Austriæ Ducis, non vulgaris erga ipsos liberalitas: hic Monasterium Viennæ à fundamentis extructum, & amplissimis dotatum prouentibus, Scotis concessit; Sanciens nè ullus ex alia natione in eo aleretur; retinetq; ad hæc vsq; tempora nomen à Scotis, licet contra pijsimi fundatoris voluntatem, Germani illud occupent. Aliam Scotorum Coloniam Herbipoli instituit Embricho eius Civitatis Episcopus: cui B. Macarium miraculis insignem præposuit, de quo alibi. Malcolmus Rex DD. Malcolmi, & Margaritæ pronepos, in hoc abauo, auoq; illustrior, quod virginittis candorem ad obitum vsq; illæsum seruarit, suasu, vt creditur, Eduardi Aberdonensis Episcopi, qui Regi pijs adhortationibus, & castissimæ puritatis exëplo, tantæ gloriæ adipiscendæ animos fecit. vtriq; præmium sua virtute dignum in Cælis à iusto iudice concessum; mansitq; regi ad posteros speciosus virginittis titulus; qui Malcolmus virgo hodie etiam

Scoti in
Germa-
nia.

B. Maca-
rius.
Malcol-
mus vir-
go R.

etiam inter suos dicitur. Legatum ad Eugenium III. Pontificem Maximum apparatu planè regio decreuit, qui ad sanctissima pedum oscula procumbens, Malcolmi, totiusq; Scotiæ erga Apostolicam Sedem reuerentiam, regis ac regni nomine humillimè exposuit. Oratorem summus Pastor omni honore, ac pluribus sacris muneribus cumulatum, ad Malcolmum remisit. Imperium Scotiæ tenente Gulielmo Hugo Cardinalis à Pontifice in Britanniam missus, legati munus per Angliam obiuit; conuocatosq; vtriusq; regni Episcopos Northamptoniam, hortari cepit, vt Eboracensi Archiepiscopo, in cogendis Synodis, ac in reliqua Ecclesiastica disciplina obedirent. intellecta Cardinalis voluntate; Gilbertus Morauus non minore pietate quàm doctrina præditus, erudita modestaq; oratione respondit, *Scoticam Ecclesiam multis annis prius, quàm Angli gentem in Britannia fecissent, in catholica veritate fundatam, atq; Apostolica Sedi subditam, nullius præterquam uniuersalis pastoris auctoritatem agnoscere debere; iniquum planè, eos qui Anglorum magnam partem ad fidem perduxissent, neophytorum quasi iugo premi: non eadem iam esse tempora, regnante ambitione, bellisq; inter Scotos, & Anglos, qua olim florente pace cernebantur. Se quidem ac Scotia clerum, quibus gratius esset parere quam imperare, nullius catholici præsulis imperia detractare: Sed alium longè planèq. contrarium regis ordinumq; regni esse sensum, quibus satisfacere necesse erat. Hos eadem in Anglos, ac potiora forte imperij iura,*

Hugo Cardinalis.

Gilbertus Morauus

iura, quam Angli in Scotos asserere; Aemulos gloria virosq; libertatem armis defendendam suscepisse. Pontificem Maximum communem nationum parentem importunis Anglorum precibus exoratum, ut ea à Scotos peteret, qua ipsi sine graui libertatis iactura concedere non possint; huius tamen arbitrium, ut in alijs omnibus ita in hoc quoq; negotio sponse admissuros se, ubi Sanctitas sua vtriusq; populi iura rationesq; maturo consilio perpenderit.

erudito Oratori ob prudentiam Cathenensis Episcopatus præmium fuit. quo in munere tam piè vixit, tam gloriôsè obiit, ut miraculis clarus in sanctorum album fuerit relatus. huius institutor, ac in omni vita magister fuit S. Duthacus Rossensis Episcopus, & virtute propria, & discipuli meritis celebris. quem omnis sexus, & conditio per vniuersam Scotiam, Patronum sibi eligentes; non priuato solùm cultu, sed publicè, frequenterq; susceptis peregrinationibus, venerabiles eius reliquias in Rossia piorum votis expositas, inuisebant. Ne Cathenensibus aut Rossensibus inferiores essent Alberdonenses, Rodulphi primo Aberbrothi Abbatis, postea Aberdoniæ Ciuitatis Episcopi, religiosa per omnem vitam pietas effecit. hic eadem modestia in dignitate constitutus qua priuatus vixit, eandem in Episcopatu quàm in Monasterio viuendi regulam obseruans: egenus æquè Episcopus fuit, ac dùm Monachus esset: in omni fortunæ conditione sibi similis. De Vilhelmo Rege, quem suprà tantùm nōinaui, sequen-

S. Duthacus Epif.

Rodulphus Epif.

Vilhelmus R.

*Legatos
mittit ad
Alexan-
dram III.*

tia non contemnendæ probitatis habemus indicia; quod ad Alexandrum III. Pont. Max. impij Friderici Imperatoris armis diù multumq; vexatum, legatos miserit, Ioannem D. Andreæ Episcopum, & Reginaldum Abbatem, qui summo Christiani gregis pastori, regium in Apostolicam Sedem animum omnibus deuotis obsequij, atque obedientiæ officijs declararent. acceptam gratamq; Alexandro legationem fuisse, insignis ipsius erga legatos humanitas declarauit, quos priuatis muneribus auctos, & publicis in totius Scotiæ gratiam priuilegijs decoratos, in patriam remisit: addita pro Rege rosa aurea balsamo oppleta, quæ res me non parum mouet, vt hic, sicut in alijs multis, Platina fidem requiram, qui Friderico contra Alexandrum mouenti, & Diuionem cum Octauiano Schismatico proficiscenti, Scotiæ Regem (nam de Bohemo, quem eiusdem itineris socium facit, nihil dico) comitem. scribit. Extant Clementis, & Cœlestini III. ad Scotiæ Regem epistolæ, quibus eiusdem erga Romanam Ecclesiam fides, & reuerentia constans probatur, atq; Cœlestini, quidem verba sunt, *propter reuerentiam, & deuotionem, quam ad Romanam te habuisse, à longis retro temporibus, Ecclesiam nouimus, præsentis scripti pagina duximus statuendum, vt Scotiana Ecclesia Apostolica Sedis, cuius filia specialis existit, nullo mediante, debeat subiacere.* Et Innocentius postea III. hand ignarus quibus studijs excolenda

*Platina
locus du-
bia fidei.*

*Celestini
ad Vvil-
helmū epi-
stola.*

colenda sit plantata in Regum cordibus pietas ;
 misit ad VVilhelmum ensen , & galerum purpu-
 reum (hos in nascentis Christi nocturnis sacris
 apostolica benedictione consecrare solet Roma-
 nus Pontifex) cum titulo Ecclesiæ defensoris . nec
 mirum si Romanis Pontificibus Christi Vica-
 rijs gratus fuerit VVilhelmus , quem Christo ca-
 rum fuisse probatum in ipso Euágelicæ illud pro-
 missionis oraculum , *super agros manus imponent ,*
& bene habebunt , liquido demonstraui : nam
 Eboraci puellum nobilissimum oculorum altero
 captum , & sinistrae manus pedisque , atq; omni
 sermonis vsu priuatum , Crucis signo sanitati pri-
 stinae restituit . Hæc fusius , quam præsentis tra-
 ctatus breuitas admittebat , ne Rex pientissimus
 vllius in matrem Ecclesiam erroris accusari posset .
 idē mouēte in Iudæā expeditione Ricardo Angliæ
 rege , ei comitem Fratrem suum Dauidem cum le-
 ctissima Scotorum manu dedit . ob cuius optatum
 reditum , quem cœlitibus acceptum referebat ,
 Monasterium Lendoriense , Deo matriq; Virgini
 sacratum , opulenta manu dotauit . Duo præterea
 Cœnobia erexit , Aberbrothi vnum in D. Tho-
 mæ Cantuariensis honorem , quo puer familiari-
 ter vsus erat , Abermorenochi alterum . Episco-
 patum similiter Argadiensē fundauit .

*Innocent.
 III. en-
 sem, & ga-
 lerum ad
 VVilhel-
 mum mit-
 tit .*

*VVilhel-
 mus agrū
 puerum sa-
 nat .*

*Monaste-
 rium Len-
 dorien. &
 alia duo cō-
 dita.
 Argadien.
 Episcopat.*

Alexandrum II. duæ Christiano Principe dignæ
 exornant virtutes , iustitia & pietas . Iustitia ma-

*Ad Ann.
 MCC.
 Alex. II.
 R. iustitia*

ximè eluxit in fumendo de Cathanesijs supplicio, qui Episcopum suum Adamum crudelitate inaudita occiderant. Nàm autores sceleris ad vnum omnes necari iussit; eorum verò liberos, nè tam prauæ gentis soboles posteritatem inficeret, testiculis orbauit; & Cathanesiæ Comitem, quod periclitanti Adamo non subuenisset, omnibus priuauit bonis. Religionem testatur in Gallia degentis cum D. Dominico familiaritas; à quo multis precibus impetrauit, vt secum in Scotiam mitterentur, arctioris illius instituti professores, qui perfectam viuendi rationem Scotis proponerent. ijs verò qui venerant, ac alijs qui sanctam illam regulam amplexati, Deo sub Dominici vexillo militare proposuissent, sedes in ciuitatibus, quibus ipsi vellent locis, assignauit. Eadem Scotorum fuit propensio in eos, qui à D. Francisco ad se missi erant. Et quamuis nec hi, nec illi reditus, vt Monachi admitterent; cunctis tamen vitæ commodis, ita ex quotidianis piorū eleemosynis abundabāt; vt ipsi quoq; ingentem egenorum numerum, de micis mensæ suæ alerent. Sed ad Alexandrum reuertor, qui Aegidium Cardinalem, ab Honorio Pontifice legatum ad se missum, honorificè suscepit: petentiq; summi Pastoris nomine pro Hierosolymitana expeditione subsidiū, magnam pecuniæ summam (quam Scotia antequam Indici soli viscera vexarentur, maiore copia quàm aliæ Europæ

*Alexand.
pietas.*

*D. Domini-
nici Soda-
les.*

*D. Fran-
cisci fra-
tres.*

*Aegidius
Cardina-
lis.*

Europæ Prouinciæ fundebat) liberaliter concessit. D. Ludouicum in Palæstinam traijcientem, comeatu & milite iuuit: missis tribus præstantissimis belli Ducibus, Patricio Merchiarum Comite, Dauide Lindsaio, & Valtero Stuarto, cum electis aliquot Equitum D. Andreæ manipulis, & plurimis peditum cohortibus. Intellecta postea exercitus clade, ad Scoticæ legionis supplementum, nouum militem, celeritate magna conscriptum submisit. Paterni nominis, & regni hæres Alexander III. nō indignum maioribus facinus aggressus est, nām vr intellexit D. Ludouicum iterum in Sarracenos Christianæ fidei infensissimos mouisse; habito per Scotiam ingenti militum delectu, exercitum conscripsit, quem Comitibus Atholienfi, & Carechési egregijs ducibus cōmittens ad Ludouicum, ò singularem promptitudinē animi ! qui nondum auxilium poposcerat, nec expectauerat, transmisit: non magis de amica Gallorum gente, quàm de Catholica religione meritis. quinque hominum millia mouenti in Sarracenos D. Ludouico ex Scotia missa fuisse scribunt nonnulli auctores; alij septem, quidam decem asserunt. Sed credibile est posteriores tria illa virorum millia numerare, quæ, diuerso ab hoc tempore, à Malcolm III. in Hugonis Galliæ Regis fratris, cum is ad iter Hierosolymitanum proficisceretur, gratiā, conscripta fuerunt. Sed quidquid sit de militum numero,

D. Ludouicus in Palæstinā traiecit.

Alexander III. R.

Numerus militum Scoto. ad D. Ludouicum missos.

*Custodia
corporum
Reg. Gal
liae Scotis
commissa à
D. Ludo.*

mero, adeo grata certè necessariaq; D. Ludouico
Scotorum opera fuit: vt dilectis ex eorum centu-
ris viginti & quatuor viris corporis sui custodiam
tradiderit. nec succedentes Galliae Reges electio-
nis ab optimo sapientissimoq; principe factae vn-
quam pœnituit. nam ad hodiernum vsq; diem
cohors illa, licet plurima illius imminuta sint pri-
uilegia, idem munus dignitatemq; apud Christia-
nissimos Reges obtinuit. ex qua duo milites, suo
quiq; mense mutatis vicibus, sellae regiae, dum sa-
cris interest, aut mensae accumbit, adsistunt: dum
solenni ritu morbos curat, aut legatos comitatur;
tres vtrimq; eius latera claudunt. apud eosdem
claves palatij regij noctu deponuntur. hastarum
fimbrias habent ex serico albo, quod ipsis cum mi-
litiæ tribunis, quos Colonellos vocant, commu-
ne est. cohortis Scoticae praefectus ciuitatum quas
Rex ingreditur claves accipit custoditq; idem in
lustratione, siue baptismo, inauguratione, nuptijs,
ac funeribus regalibus primarium locum in ordine
bellico sibi vindicat: cui vestis inauguralis proprio
perpetuoq; iure cedit. Carolus V. praedictis viginti
quatuor septuaginta sex addidit. Carolus VII. ca-
raphraetorum cohortem ex Scotis instituit, cui pri-
mum locum in equestri militia tribuit. atq; vtinam
Scoti, qui ampla maiorum suorum priuilegia am-
bitiose iactant, eius fœderis amicitiaq; originem
perpenderent. inuenirent profecto nihil D. Ludo-
uico,

*Eorum of-
ficiū apud
Regem.*

*Eorūdem
praefectus
seu Capi-
tanens.*

*Origofade-
ris Scotor.
cum Gal-
lia à reli-
gione ce-
pis.*

uico, & priscis Galliæ Regibus adeo in ipsis placuisse: quam constans in catholica religione profutenda studium & voluntas, à cuius virtute cum ita turpiter in præsentia recesserint, non mirabuntur priuilegijs Scotorum in Gallijs multum detritum. Alexander, postquam subsidia Scotica pro sacra expeditione D. Ludouico suppeditasset, ad fidei cultum apud suos promouendum mentem conuertens, Sodales Carmelitanos in Scotiam venientes benignè suscepit; quibus in Perthi suburbano sedes attribuens, de omnibus vitæ commodis disciplinam illam sequentibus, abundè prouidit. Atq; inter cætera S. Margaritæ atauix suæ ossa, ad quæ populus magno concursu & deuotione Christum inuocabat, capsulæ argenteæ gemmis affabrè distinctæ imposuit. quam dum efferrî, ac loco augustiore reponi iussisset Rex; tam firmo nexu Malcolmi, mariti quondam sui tumulo adhæsit; vt nulla inde vi, nulla arte auelli posset. Tantæ rei miraculo stupentibus cunctis, suasere Episcopi Alexandro, vt Malcolmi ossa eadem capsula diligenter conclusa, simul collocari iuberet: non enim debere pios coniuges, quum illa marito superstes esse noluisset, & amborû animæ in cœlis vna viuerent, in terra vbi sanctitatis opinione colebantur, separari. Duos insignes prophetiæ dono, naturalis an diuinæ incertum, Scotia produxit, Michaellem Scotum scientijs omni-

Carmelitan.

D. Margarita reliq.

Michael Scot. & Thom. Ler mount.

*Guliel-
mus Val-
lesius.*

omnibus apprimè doctum, ac Thomam Lermoun-
tium : qui plurima de evertenda apud Scotos ca-
tholica religione, deq; regis Scotorum ad Angliæ
coronam successione, quorum vtrumquè proba-
uit euentus, felicitate mirabili prædixit. Faxit
Deus, quæ de restituenda per Britanniam vera fi-
de eodem spiritu subiunxit, celerem exitum con-
sequantur. Gulielmum Vallesium ducem stre-
nuissimum hæc ætas nobis peperit; qui incredibi-
li fortitudine & viribus supra humanas cœlitus,
ut creditur, donatus; impotenti Anglorum Sco-
tiam inundantium licentiæ se se opposuit, ac amif-
sam pene regni libertatem, priuatus, nec alio nisi
ducis titulo insignitus, propugnauit. Mirandæ
planè sunt, quæ de hoc viro traduntur: cuius ge-
sta iustis voluminibus nostrates descripserunt. cun-
cta prælia à Dei inuocatione cœlitumquè ope in-
choabat. Deiparam speciali cultu veneratus, omni-
bus fœminei sexus, pueris, & Dei ministris, quam-
uis hostibus parcebat. Tandem amici perfidi do-
lo proditus, Londini duris cruciatibus necatus,
generosum inuictumq; spiritum Creatori reddi-
dit, ea, quæ tantum virum decebat, constantia.

*Ad Ann.
MCCC.
Robertus
Brussius
R.*

Propugnatam diù à Gulielmo Scotiæ liberta-
tem, Robertus Brussius regni hæres, & heroico
vir spiritu deinde defendendam suscepit. qui li-
cet omnia ab hostibus tenerentur, noluit prius in
aciem descendere, quàm venia à Romano Pon-
tificè

fice, pro occiso in loco sacro proditore Cumeno, impetrata, Deum placasset. Aduersam belli aleam sæpè expertus, ad omnium rerum desperationem fuisset perductus, nisi cum religiosi viri, ingente laborum proposita mercede, ad omnia, pro Deo & patriæ libertate, tentanda induxissent. decies & ter vt minimum prælio victus, castris exutus, & ab omnibus propemodum, vxore capta, cæsisq; tribus fratribus, derelictus, sequenti disticho à se composito mærorem aliquantulum leuabat.

Ni me Scotorum libertas prisca moueret,

Non tantum paterer orbis ob imperium.

Indignatus Eduardus Angliæ Rex, Robertum toriès victum negocium suis faceffere; omne Scotorū nomen delere statuens, non ex Anglia modo, sed ex finitimis etiam regionibus conscripto milite, peditum ducenta, equitum centum millia, omnibus rebus ad pugnandum instructa contra Robertum mouet. Ille verò cernens patriæ libertatem in vltimo versari discrimine, collecto quàm potuit maximo exercitu, obuiam processit; atq; ad riuulum Banocburniæ castra locans, totam noctem, fundendis ad Deum precibus, consumpsit. Milites omnes, qui vix triginta millia erant (multi enim Scoti ad Eduardum confugerant, plures rei exitum ex pugna præstolantes dubij hærebant) adhortante Mauritio Abbate, conscientiæ expurgatis fordibus, Christum susceperunt; atq; hoc cœlesti

*Eduardus
Angliæ R.
Scotiæ in
na dit.*

*Militum
Scot. pie-
tas.*

*Iacobus
Duglasius*

*Ioannes
Duns Sco-
tus.*

cœlesti donario, contra quamlibet terrenam potentiam roborati, magnam de victoria spem conceperant. Dùm vterq; exercitus in procinctu esset ad pugnam; Scoti, accepto à rege signo, in genua prouoluti, Dei Virginisq; ac D. Ioannis Baptistæ, cuius Natiuitati sacer erat pugnae dies, ope implorata, tantis animis hostes inuadunt, vt primam statim aciem pedem referre coegerint: mox turbatis multitudine sua Anglorum ordinibus, victoria ad Scotos inclinauit: quam Robertus nec sua, nec suorum virtute; sed cœlitum auxilio partam falsus, maximam spoliolum partem diuersis per Scotiam altaribus appendit. Liberata externa sollicitudine patria, compositisq; ciuilibus turbis; dum Robertus exercitum contra Sarracenos ducere pararet, morte præuentus, migravit ad Christum: curam tamen dedit Iacobo Duglasio Equiti præstantissimo, vt defuncti cor Hierosolyma, cum egregia militum copia deferret. Flagrante bellis Scotia, Ioannes Duns Ordinis D. Francisci, & subtilissimi viringenij, in Angliam primum ac postea in Galliam profectus, summæ in omni philosophia & theologia subtilitatis laude clarissimus, vitæ etiâ morumq; innocentia celebris, Coloniae Agrippinæ immaturo funere elatus fuit, cuius tumulo sequês Epitaphium appositum.

*Scotia me genuit; Anglia me suscepit;
Gallia me docuit; Colonia me tenet.*

venit

venit quoq; è Scotia in Flandriam Philotheus ex *Philotheus.*
 regia familia, Flandri regem vocant, qui ad Pa-
 tres ordines D. Dominici diuertens, magna inter
 eos sanctitate vixit; mortuus Valencenis propè
 Altare maius sepultus fuit. Sepulchrum ornat
 diadema regium, regij illum sanguinis fuisse cer-
 tissimum symbolum. Dum reges nostri bello di-
 stracti Ecclesiæ fines pro maiorum consuetudine
 promouere minimè sinerentur: Valterus Stuar-
 tus, ad cuius postea familiam iure meritò regni
 sceptrum peruenit, Pasletum Monasterium, nul-
 lis nisi regia liberalitate extructis secundum, cre-
 xit, & dotauit. Quod ad priora quidè tempora re-
 ferendum erat, vbi etià Alani Stuarti in Saracenos
 celebris profectio, & Alexandri contra Danos ad
 Largilium, insignis victoria. Quare parentum
 gloria, & virtute sua clarus Valterus Stuartus, alius
 tamen à priore, ex Roberti Brusæi filiola Maiora *Valterus Stuartus.*
 sibi matrimonio locata Robertum II. Scotiæ re-
 gem procreauit, qui Dauidi Brusæo in regnum suc-
 cedens, Anglorum arma sæpiùs à finibus nostris
 repulit, & plurima ab ijs vastata monasteria deco-
 ripristino restituit. Vnum ex filijs Alexandrum, *Viri. clari in Gallijs ex Stuartorum gente.*
 quod Morauiensẽ Ecclesiã imprudenti ausu
 combussisset, perpetuo carceris squallore multat-
 uit. Nec in Britannia tantum inter regales fasces
 & sceptrata inclita Stuartorum decora fuisse. in Gal-
 lia Ioannes Stuartus Brocensem comitatum, Ro-

*Bernardus Pro
rex Nea-
polititan.*

bertus vero dignitatem magistri equitum, munifice liberaliq; Christianissimorum regum dono recepit. & gentium domina, mundique delictum Italia præterita ætate suspexit Bernardum Stuardum Aubinæi dominum a Ludouico XI. magistrū equitum, quem vulgus Comitem Stabuli dicit, & à Carolo VII L. Neapoli proregem creatum: idem summus copiarum Gallicarum per Italiam legatus fuit: duxitq; sub Galliæ regis auspicijs, exercitum in Britanniam contra Richardum III. qui cum Henrico VII. de Angliæ regno armis certabat. Bernardi filius equitum magister in Gallia renunciatus: & frater sub Ludouico XII. Mediolanensem Ducatum cum titulo supremi moderatoris rexit. horum fortitudine, & prudentia funestorum bellorum tempore sustentata apud Italos Gallicares aliquoties respirauit. nec nobilissimæ familiæ paria, aut maiora apud exteras nationes vel in præsentia deessent trophæa: si communem cum Italis Gallisq; Catholicam maiorem fidem, tot heroum sequuti vestigia, amplexarentur. quid de clarissimorum Buchamiæ comitum gente dicā, cara apud exteros olim nomina, quæ Galli inter præcipuos bellorum duces, & comites stabuli numerare soliti erant. Sed altum nunc de priscis illis Scotorum gestis silentium procurauit hæresis: & præsentia gentis nostræ merita, si quæ hodie superant, angustis Britannia insulæ limitibus con-

*Bernardi
frater Gu
bernator
Mediola-
nen.*

*Buchamiae
comites.*

*Scotorum de-
cora hære-
sis oppri-
uit.*

stri-

stricta in glorioso Christiani orbis theatro comparere aut non possunt, aut non audent. Sed ego in Scotiâ redeo, cui iterata bellorū incendia, & crebræ ciuiliū discordiarū turbæ plus detrimēti in diuinis rebus attulere, quàm si Neroniana, aut Diocletiana feritas sacrilega in fidei professores arma mouisset. Nā arctior illa viuēdi normā, & sedulus erga rem, diuinā cultus militum corruptus licentia, à pristino suo statu degenerare cæpit. Vt verum sit inter arma non solum leges sed religionem etiam silere.

Quod cum cerneret Iacobus I. non regia modo autoritate, sed omnium quoq; literarum notitia prædicandus: quo melius suos ad omnem virtutem efformaret, nobile scientiarum tam diuinarum, quàm humanarum emporium, in Ciuitate D. Andreæ olim feliciter cæptum, ita munificentia, & liberalitate auctum præsentia subinde regia honorare consueuerat, vt inter primas Europæ Academias haberi meruerit. leges optimas pro diuino augendo cultu, Ecclesiæquē libertate propugnanda condidit: & vt viris ecclesiarum ministerio destinatis, optanda disciplinas colendi necessitas incumberet; cauit nè cui opimius Cathedralis Ecclesiæ sacerdotium tribueretur, nisi quem iuris Pontificij, aut Sacræ Theologiæ peritum, Academicarum professores iudicassent. Nota hæc omnibus in principe religio, Henrico Vardlao D. Andreæ Episcopo animum exci-

*Ad Ann.
MCCCC
Iacobus I.
R.*

*Academias
D. An.
arca.*

*Henricus
Vard-
laus Epif.*

*Craus hæ-
reticus.*

*Aeneas
Silvius le-
gatus.*

*Margari-
ta Gallie
R.*

tauit, vt in prouinciali Synodo Perthi indicto ni-
miam Scotorum, Clericorum præsertim, in victu
quòtidiano lautitiam, nè dicam crapulam acer-
rimè castigaret. & Iacobus, nè superiorum regum
pia liberalitate vinceretur, nobile Carthusiano-
rum Cœnobiũ Perthi fundauit, multisq; donarijs
amplificauit. Venerat circa hæc tempora in Sco-
tiam e Vicesi impostoris affeclis, qui Bohemos su-
perioribus ænīs impura hæresi infecerat, Paulus
Craus: Hic in D. Andrea celebri Academia, ne-
fandæ pestis semina clàm diffundere cepit. Verum
ea erat Scotorum religio, vt nec veneficum occul-
tum, nec diũ inultum scelus permiserint. Nàm
postquam vecordem fidei desertorem, ex Regis
cleriq; mandato, Ioannes Fogus sacrarum litera-
rum professor, ac Melrosensis postea Abbas, ad sa-
niores mentem adducere, multum sed frustra
adlaborasset; habita de reo quæstione, omnium
suffragijs igni adiudicatus, pertinacis audaciæ
pœnas dedit. Priùs quàm Iacobus Rex subdito-
rum rebellium gladijs occideretur, venerat ab Eu-
genio IV. Pontifice Maximo legatus Aeneas Sil-
uius, Patria Senensis, gente Picolominus, qui ob
egregia merita in vniuersalẽ Pastorẽ à sacro Col-
legio suo postea tempore electus, dictusq; Pius II.
apud quem ampla satis extant de Scotorum rebus
encomia. Neque in Scotia modo, verum etiam in
Gallijs clarum Iacobi regis nomen ob pietatem
virtu-

virtutemq; fuit : quæ res Ludouicum XI. mouit ,
 vt celebri legatione Margaritam Iacobi filiam
 coniugem duceret : cuius sororem vnâ Bononiæ
 Dux , alteram Flandriæ comes sibi despondit. Sco-
 tæ insuper ceterum quadraginta Gallis in matrimo-
 nio locatæ : tanto nimirum apud florentissimam
 gentem Scotici sanguinis commercium in precio
 erat. Iacobo I. per nefas interempto parricidij au-
 tor, qui ambiguus præstigiatorum oraculis, ex sug-
 gestionem dæmonum ipsi Scotiæ coronam certo
 certius promittentibus, fidem adhibuerat, can-
 denti ferro , cum publicis regni imprecationibus,
 coronatus didicit; Quâto cum damno miseri mor-
 tales ea assequantur, quæ malis artibus quæsitæ ,
 ab humanæ salutis aduersario lucifero, & incen-
 diarijs ministris eius leuiter promittuntur. Iacobus
 II. interempti filius , vt primum insignia regia su-
 scepit, tres regni status, Striuelingi conuocatos ,
 in Pontificis Romani fidem , præsentem Apostolico
 nuncio, iurare fecit; Verebatur nimirum pius ado-
 lescens, ne deficiente maiorum pietate, Scoto-
 rum erga Vicarium Christi sedem minueretur re-
 uerentia. Iacobum Kennedum S. Andreæ Anti-
 stitem omnibus priuatis & publicis regni consilijs
 adhibens, legum à Patre latarum obseruantissimus
 custos , subditos tam ab exteris, quàm à mutuis &
 intestinis iniurijs illæsos seruauit. Episcopi per
 Scotiam clari hac tempestate fuerunt hi, præter no-
 minatum.

*Occiso Iacobo sum-
 ptu de par-
 ricida sup-
 plicium.*

*Iacobus
 II. R.*

*Iacobus
 Kennedus
 Episcopus*

Turnubolus Episcopus.

Spinseus & Lichtonus Episcopi.

Abbatum opes.

Ablatum Monachis eligendi sibi Superiores.

Patricius Grabam. iniuria d. Sede sua eiectus.

minatum; D. Turnubolus Glascoensis Ecclesiæ Præsul, qui præclarum in ea Ciuitate gymnasium suis, ijsq; maximis impensis primus instituit. Thomas Spinseus Aberdonensis, & Henricus Lichtonus Morauienſis Episcopi, celebrati ambo, & illustres in sua quisq; prouincia, & ingenij, & pietatis reliquit monumenta. Abbatum verò tantæ opes erant, tantaq; in ijs profundendis liberalitas, ut in Monasterijs omnis cōditionis homines, nullo aditum prohibente, hospitio exciperentur. Sed nimius hic fortè splendor, nimia Ecclesiasticorum diuitiæ, auaræ nobilitati, & corruptæ inertia plebi, res apud Scotos postea innouandi, ut suo loco dicetur, ansam præbuere. Regnante siquidem Iacobo III. ablatum est Monachis antiquum illud ius, Præsules, Antistites, Cœnobiarchas, Archimandritas aut quocumq; alio nomine dixeris, superiores sibi eligendi. Et inde mortui Fermidulensis Abbatis locum, Henricus Chrichtonus regia auctoritate substitutus, exemplo pessimo, Cœnobiarcharum electionem à Monachorum suffragijs, ad aulæ, atque auræ fauorem transtulit. Eligebantur deinceps, qui viris religiosis præessent, non quos vitæ morumque innocentia, aut monastica disciplina obseruatiā commendabat, sed illi quorum partibus emendicata procerum vota apud regem fauebant. Idem virus quod monasteria infecterat paulatim in Episcopos deriuari cepit; nam

Patri-

Patricium Grahamum S. Andreæ Archiepiscopum, & Scotiæ primatem, à Pontifice ob meritum famam creatum, tanto odio infectati sunt reliqui Episcopi, ut non prius ab incepto destiterint, quàm crebris ad Principem criminationibus onustum, & de grauib; apud Pontificem & Cardinales sceleribus accusatum, præsentè Hufmanno Sixti IV. legato, e dignitate summa in carcerem, teterrimum detruserint. Mansit tamen Romani Præsulis tantus apud Regem Proceresq; cultus: ut nihil eo inconsulto aggredi, nec quidquam eo inuito prosequi tentauerint. quod ex sequentibus facitè patebit: Dùm crebris Anglorum populationibus vexarentur Scoti; nec vllis legibus ab inferendis iniurijs contineri possent iniqui grassatores; Iacobus conscriptum ex templo exercitum in Angliam ducit: hostibus terrorem, & reciproca dâna illaturus: sed venienti occurrit nuncius, qui Pontificis nomine ad sua redire Scotos imperat; ni Dei omnipotentis eiusque Vicarij indignationem incurrere vellent. Paruit libenter Paternis Papæ monitis Rex; atque iniuriarum non minùs quàm propositi sui oblitus, statim milites in Scotiam reduxit. Sixtus verò ut extaret aliquod paterni sui in Scotos animi indicium, Glascoensi Episcopo Archiepiscopalia iura, ac Pallium concessit: sub cuius ditione tres Episcopatus numerantur, Candidæ Casæ, seu Gallouidiæ, Lesmorensis, & Soda-

Sodarensis: ceteri octo, nimirum Aberdonensis, Dunkeldensis Morauensis, Dumblanensis, Rosensis, Brechinensis, Cathenensis, Orchadensis, D. Andræ Antistitis, qui regni Primas est, imperia agnoscunt. Innocentius postea VIII. ne in Scotiæ Regibus ornandis Innocentio III. cederet, rosam auream (quam ex antiqua piaq; consuetudine quarta die Dominica Quadragesimæ Romanus Pontifex altari dum sacra solemniter peraguntur, imponit) ad Iacobum misit, cum literis humanitatis ac paternæ dilectionis in regem testimonio insignibus. Occisus est tandem à rebellibus Iacobus III. & filius impuber in Patris regnum succedens, grauissima pœnitentia animum corpusque affligere cœpit, & ferreo cingulo vsque ad mortem in perpetuum pœnitentiæ signum usus fertur, quod suaseribus nobilibus in aciem contra parentem prodijisset. Nec ab ullo consolationem admisit, donec Alexander VI. Romanus Pontifex, misso ad eum Formano, bono animo esse iussit, deriuata in malefanos consiliarios peccati fœditate. orta regnante Iacobo IV. inter D. Andræ & Glascoensis Ecclesiæ Archiepiscopos controuersia, ipsam penè nobilitatem in factiones distinxit. cumq; res ad regem deducta esset, Constantini illius Magni exemplo, negauit quidquam sibi auctoritatis in eos esse, quos mortalium iudices decreto suo cœli Monarcha fecisset. Reliquos

*Iacobus
IV. R.*

quos Episcopos, & æquali dignitate constitutos conuocarent, negocium ex iure canonico dirimerent. Quæ res si minùs succederet, Romam ad vniuersalem Pastorem mitterent, ad quem supremum rerum Ecclesiasticarum spectaret iudicium. Idem postea ex Margarita Henrici VII. Anglorum regis filia suscepta prole, nè tanti beneficii memoria periret, ad D. Niniani Sacrum in Galloviidia pedes profectus, Deo omnipotenti acceptum & filium & bonam Reginæ valetudinem retulit. Eandem peregrinationem, vbi per valetudinem licuit, Margarita obiit: & aliquot post annos Rex ad D. Duthaci in Russia sanum religiosa vota suis ipse manibus suspendit. Nec priuata religionis studijs contentus, seuerissimis legibus cauit, nè quis hæresim, aut quaslibet numinis colendi rationes à Romana Ecclesia discrepantes profiteri auderet. Atque vt tantæ virtutis religiosa ad posteros extaret memoria, Iulius II. decreta ad Iacobum legatione, eum Christianæ fidei protectorem declarauit; additis muneribus diademate purpureo, auro margaritisque intexto, ac ense auro gemmisque stellato: hic præteritæ virtutis testis, & auitæ gloriæ stimulus procedenti ad publica Comitia Regi præfertur, vnâ cum sceptro & diademate. Quæ Pontificiæ benignitatis monumenta regem mirandum in modum ad inchoatam pietatem maiore constantia profectus

*Qui sint
Episcoporum iudices.*

Ad D. Ninianum peregrinatio.

*Iulius II.
ensem &
diadema
in Scotia
mittit.*

*Baioma-
nus Nun-
cius Pōt.*

quendam, animarunt. Quare in prouinciali Synodo Edimburgi habita, cui Pontificis nuncius Baiomanus interfuit, plurima in Romanæ Ecclesiæ fauorem edita decreta, autoritate regia confirmata fuerunt. Ac inter cætera illud, vt opimiora Sacerdotia, quorum redditus annui ad libras quadragenas ascenderent, pensionem decimarum diplomatum nomine soluerent, ad vniuersalis Ecclesiæ necessitates subleuandas. Nec quidquam æquiùs, meo iudicio, videtur; quàm vt membra omnia capiti, à quo vitam incolumitatemque accipiunt, omni ope, operaque succurrant.

*Ad Ann.
MD.*

*Gauinus
Dumbar.
Episcop.*

Iacobo Quarto e viuis sublato, suè hostium, suè familiarium scelere ambigitur, (vtrumque enim apud nostrates constanti fama perhibetur) non defuere viri in sacris dignitatibus constituti, qui nutantem Rempublicam fortiter sustinere, & factiosos subditos in infantuli regis obsequio, magna solertia, continere studuerint. In his Gauinus Dumbar Aberdonensis Ecclesiæ Antistes, cui magnum apud suos nomen profusa liberalitas peperit. nobile hospitium pauperibus alendis dotauit: Deam fluuium ponte lapideo decem latissimis subnixo fornicibus strauit. maiorem Ecclesiam immensis sumptibus ad vastam amplitudinē perductam dedicauit. tanta deniquè, tamq̃; præclara splendidæ pietatis reliquit monumenta, vt

nemo

nemo facilè dixerit, privati opes ad ea suffecisse. quam de se Dumbarrus in regijs operibus reliquit memoriam, Gauinus Duglaffius Dunkeldësis Episcopus eruditis lucubrationibus consecutus est. Candidæ verò Casæ Præfulis sanctimonia insigni Dei protégentis beneficio comprobata fuit Edimburgi; vbi diruta ingenti ventorum procella æde, in qua sacris operam dabat, ipse incolumis inter rudera inuentus, ex regia, quasi cœlesti voce monitus profugit; identidem congemigans; *Aulam omnis fugiat qui vult esse pius*. Hædorem Boethium, & Ioannem Maiorem celebra vtriusque volumina loquuntur. Iacobus V. vltimus Scotorum Rex fuit; qui & ipse de fidei dogmatis rectè sentire, & quæ diuinæ legi conformia essent à suis exigere potuit. Princeps certè omnium seculorum memoria longè dignissimus, atq; Orthodoxæ religionis propugnator acerrimus. cumq; insigni illa qua pollebat animi prudentia cerneret, Reipublicæ Christianæ vires nulla re magis, quàm alternis principum odijs, crebrisque inter Orthodoxæ fidei professores bellis enervari; omnem adhibere diligentiam statuit ad eorum animos mutuæ pacis amorisq; vinculis colligandos, quorum auctoritate tranquillitas publica, & Christiani Orbis incolumitas potissimum nititur. Et Iacobus certè ad Pararij regij munus natus omninò putabatur. In eum quippe adèd pròpensæ erant diuer-

Gauinus
Duglaffius
Episc.
Candidæ
Casæ Epi.

Iacobus V.
R.

sissimarum gentium studia, vt certare inter se po-
 tentissimi Monarchæ in hoc vno ornando vide-
 rentur. Carolus V. aurei velleris, Galliarum Rex
 Franciscus conchyliati torquis, Henricus Anglus
 Periscelidos insignibus decorauit. quorum singu-
 los Iacobus, Menenio teste, Carduano D. Andreæ
 cingulo prior honestarat. Extat in regio Litheo-
 ensi palatio luculentum horum quæ memorauimus
 monumentum, vbi lapideis incisa tabulis tota res
 ad viuum habetur. Legum quas in Sectarios for-
 titer sanxit custos oculatus. Nam præter Apostata-
 tas quosdam priuatæ conditionis homines, Ioan-
 nem Borchuicum equestris ordinis, militum tribu-
 num, ac non multo ante Patricium Hamiloto-
 num affinitatem regiam nequicquam ostentatam,
 hæresis damnatos igne puniri voluit. Insigni exem-
 plo comprobans, nullam humanæ dignitatis ra-
 tionem habendam esse cum ijs, qui in immortalis
 Dei maiestatem peccare audent. Redierat in
 patriam, annis pluribus in exteris regionibus
 consumptis Ioannes Scotus, pietatis laudè cele-
 bris; qui quadraginta dies ieiunus absque vlla re-
 fectione transigere solitus erat. Rex nè vllus frau-
 di locus esset, hominem in arctissima custodia, sub
 oculata vigilum cura, totos quadraginta dies
 detineri iussit. habita mox de fide ipsius quæstio-
 ne, experientia didicit, quæ de Ioannis sanctitate
 fama vulgauerat, Missos in Septimiam à Clemente

*Hæretici
 pœnis af-
 fecti.*

*Ioannes
 Scotus.*

*Legatice
 mētis VII.*

VII. legatos omni honore suscepit Iacobus, & conuocatis regni ordinibus, Oratoris Pontificij munere in publicis comitijs fungi voluit; atque egregia, facundaque oratione, omnes qui praesentes aderant, ad Catholicam fidem propugnandam, & fidei hostes insequendos, animauit. Ipse certè Henricum VIII. licet auiunculum, & opulentissimi regni hereditatem promittentem, ubi anathemate percussus intellexit, hostem iudicauit; nec ullis suorum precibus induci potuit, ut ad colloquium cum apostata descenderet. Quotquot ex Anglia ob suppliciorum metum Henrici VIII. tyrannide profugerant, illos omnes Iacobus tanta humanitate suscepit, ut peregrinari, non exulare sibi viderentur. Verum Rex ille quo viuo Scotia ab omni hæresis labe immunis fuisset, immatura morte præreptus filiam vnicam septem tantum dies natam, funestis tragædijs vexandam reliquit. Atque hæc sunt, mi lector, quæ de Scotorum in Catholica fide suscipienda, retinendaq; alacritate sub aspectum tuum danda in præsentia existimaui; non ut integram Ecclesiæ Scoticæ historiam complecterer: opus enim illud est pluribus voluminibus describendum: sed ut quædam ex singulis Christianæ ætatis seculis delibata tibi, si tantiputabis, Scotisq; meis horulæ vnus dispendio legenda proponerem. Ex quibus, tu benè de antiqua Scotorum pietate sentire, & illi

Ad lectorem.

apostasiam suam, hæresinque ex maiorum suorum
 institutis deprehendere valeant. Quod si voti mei
 hac in parte compos euado, est quod numini, to-
 tius boni perpetuo fonti, gratias referam: Sin-
 minus, inscitæ meæ fructum agnosco,
 & meliora à Christo, qui pro
 omnium salute mortem
 subiit, supplicibus
 votis depos-
 cam.





GEORGII CONÆI
DE DVPLICI STATV
RELIGIONIS
APVD SCOTOS,



Liber Secundus.



OGITANTI mihi Catholice apud Scotos Religionis initia, progressus, occasum, & decurrentibus aliquot annis, inualescente hæresis scelere, deliquium posteris tradere: in primis utile, & pene necessarium visum est, summarum capita legentem, & e multis pauca decerpentem, parare breui narratione ad vberiores commentarios gradum: & sub vnum aspectum lectori subijcere, quidquid præclare maiores nostri superio-

Prefatio.

apostasiam suam, hæresinque ex maiorum suorum institutis deprehendere valeant. Quod si voti mei hac in parte compos euado, est quod numini, totius boni perpetuo fonti, gratias referam: Sin minus, inscitæ meæ fructum agnosco, & meliora à Christo, qui pro omnium salute mortem subiit, supplicibus votis deposcam.





GEORGII CONÆI
DE DVPLICI STATV
RELIGIONIS
APVD SCOTOS,



Liber Secundus.



OGITANTI mihi Catholi-
cæ apud Scotos Religionis ini-
tia, progressus, occasum, & de-
currentibus aliquot annis, inua-
lescente hæresis scelere, deli-
quium posteris tradere: in pri-
mis vtile, & pene necessarium visum est, summa-
rerum capita legentem, & e multis pauca decer-
pentem, parare breui narratione ad vberiores cõ-
mentarios gradum: & sub vnum aspectum lecto-
ri subijcere, quidquid præclare maiores nostri su-
perio-

Praefatio.

perioribus seculis ad veri Dei cultum augendum,
 aut infelicibus nostris temporibus ad hæresin ex-
 stirpandam gesserunt. atq; vt illius ætatis pietatem,
 & constantiam sine fūco & fallacia retuli, ita nec
 huius infamem defectionem (quam non sine la-
 chrymis, & acerbissimi doloris sensu animo re-
 uoluo) inani verecundia tacebo; faciam profecto,
 vt qui Catholicam fidem in Albione, sub primum
 nascentis Ecclesiæ exordium, maximo numinis be-
 neficio plantatam, atque mille & quadringentis
 plus minus annis illibatam ab hæresi, liberam à
 schismate, singulari summorum Pontificum dili-
 gentia conseruatam, magna cum animi voluptate
 legerunt; mutatum infelici hac nostra ætate ie-
 rum ordinem animaduertentes, & euangelij splen-
 dorem atra hæresis caligine offuscatum, sacros Ec-
 clesiæ ritus cæcutientis plebeculæ ludibrio exposi-
 tos, quicquid denique Christiana pietas in precio
 aut honore apud mortales posuerat, id omne no-
 ua & inaudita insanientium homuncionum væ-
 cordia, aut ad nihilum reductum, aut, quod peius
 est, ad profanos vsus conuersum inuenientes, hu-
 manæ conditionis ad lapsum lubricæ, & procliuis
 memores, cum Scotis vota precesque iungant, vt
 tandem misericors Deus velit iubeatq;, vt fune-
 sta Regi, funesta ciuibus contagione, quæ tan-
 diu miserorum animas depascitur nobilis olim
 Sanctorum parens, & Euangelij in diuersas orbis
 plagas

plagas accerrima propagatrix Britannia liberetur. Nec abs re futurum puto, si primum compendio breui complectar quibus malis oppressa, aut admiserit, aut meruerit vltimum istud diuinæ iræ flagellum Scotia.

Eximia Præsulum, Sacerdotum, atque illorum qui solitariam vitam in Scotia agebant, probitas, sanctimonia, ac morum innocentia piorum regum procerumque liberalitatem sollicitauerunt, ad Ecclesiastica Sacerdotia instituenda, Episcopales sedes dotandas, & monasteria in varijs regni prouincijs ædificanda: hæc pluribus annis à nostratibus non mediocri exulta prouentu; nihil aliud erant quam sacræ virtutum palæstræ, & illustria laborum pro fide exantlatorum monumenta. Verum ubi in mortalium pectoribus frigescebat charitas, & celebris illa maiorum pietas languere cœpit: radix omnium malorum auaritia, nobilium animos sensum iuadens, ita omnia infecit, atque corripuit: vt pristinæ ac piæ oblita fecunditatis Scotia, istos germinaret tribulos, & labruscas, quibus in hanc vsque diem suffocatur veræ religionis sēges. Proceres immoderatam primum auorum suorum erga Deum liberalitatem incusare, mox ad peiora progressi, opimiores Ecclesiarum redditus quouis specioso titulo inuadere: Abbatēs, & Episcopos liberos vix natos, & adhuc à matre rubentes designare: Et si quis ob animi,

Scotia flatus ante hæresin.

Auaritia nobilium.

M

corpo-

*Vulgiam-
bitus.*

corporisue imbecillitatem secularibus curis minus aptus haberetur, is diuino cultui nolens volens sacrabatur. illi vero quibus vitia natalium certam paternæ hæreditatis adeundæ spem præsciderant, in sortem filiorum Dei non adoptati, sed intrusi, de altari quibus vitam luxumq; alerent rapiebāt. hæc nobiles. Vulgus autem natura pigrum & iners, nec cœlestibus rebus idoneum, vt grauem alijs ferendi & metendi necessitatem fugeret, nusquam securius, quam in monasteriorum claustris, asy- lum conspiciens, eo tanquam in montem factum secedebat. quamprimum vero ex illa hominum fæce quispiam literarum leuem aliquam notitiam sibi parasset; huius aut illius e proceribus adiutus patrocínio, dignitates in Ecclesia ambire, anima- rum regimen sibi deposcere, & vicarias trossulis nostris, delicatisq; præsulibus, operas præstare solitus, nil minus quam quid sacrosancti muneris esset cogitabat. sed ventrem replere, firmata dilatare, & sublimiora occupare subsellia. quid enim aliud facerent, quos nec Deo famulandi studium, nec virtutis amor, nec vlla honesti, iustitue ratio, ad cœlestia ministeria obeunda vocarunt? his omnibus accedebat libido impotens, sacratoris vitæ morumq; lues tererrima. in multorum sacerdotum ædibus scortum publicum, pernoctabant in tabernis viri Deo dicati: nec à sacrilego quorundam luxu tutus erat matronarum

*Libido Ec-
clesiastico
rum.*

honos,

honos, aut virginalis pudor. quid plura? celebris illa populi erga religiosos veneratio in ludibrium conuersa: pro mendicantibus manducantes dicti fratres, & si quæ noua ad irrisionem vocabula ab ociosis agyrtis excogitari poterant, monasticæ disciplinæ sectatoribus, modo dictæriorum sale, & aceto adpersa, nihil fuit pensi, aptabantur, fictis criminibus vniuersus religiosorum virorum cætus inique petebatur: nec proborum insignis pietas, quæ semper inter nostrates resplenduit, ad calumniantium ora occludenda virium satis habuit. Est enim rerum omnium occulta quædam vicissitudo & periodus: & suas, yt Respublicæ, ita religio conuersiones experitur. Atq; huiusmodi fuit rerum apud Scotos status, nulla dum tamen hæresis apertæ suspitione erumpente; cum Martinus Lutherus res nouas in Germania, quæ ipsa quoq; nimia scælicitatis securitate diu ægra, peccatorum mole diuinam iram prouocauerat, moliri cepit. Sed profecto si tam peruersæ impietatis, tantorumq; motuum, qui Christianum orbem exagitarunt, originem altius reperamus; mirabimur tam vacordes fidei desertores, vllum sanæ mentis compotem inuenisse, qui posthabita catholica veritate tales duces, ac huiusmodi errorum dogmata sequeretur.

Dum Selimus Turcarum Imperator iteratis faceliciter contra Persas, Ægyptios, ac Mamalucos

Contem-
pns Reli-
giosorum.

Leo X.
cruciatam
publicas.

prælijs orientem vniuersum tanto nominis sui terrore compleffet, vt nullæ vires, nullaq; potentia debellando tam potenti hosti, aut sistendo victoriarum cursui sufficere viderentur: Leo X. ad Ecclesiæ clauum excubans, pro dignitatis munerisq; sui ratione, Christianæ Reipublicæ causam suscepit: Europæ Principes qui mutuis bellis leuissimas ob causas atterebantur, ad pacem sanciendam Dei cœlestiumq; nisi obedirent, intentatis minis compulsi. deerat pecunia publica, nec priuatis vnius Principis opibus tanti belli moles sustineri, aut res vti par erat geri potuit: indicta à Pontifice Crucciata, vt appellat, solemne in publicis Ecclesiæ augustijs remedium. Apostolicarû literarû cura Ioanni Tezelio ex D. Dominici sodalibus credita, vt is per Germaniam sacros indulgentiarum thesauros Pontificia autoritate referaret. Ioannes Staupitius religiosorum D. Augustini in Germania Præfectus, ad suos prouinciam illam hæreditario quasi iure spectare contendens, acrioribus concionibus Fratrem Martinum Lutherum, duræ & perfrictæ frontis hominem, vehementis ac præcipitis animi, gloriæ cupidissimum, magnaq; linguæ volubilitate pollentem, ad communem totius ordinis iniuriam vindicandam accendit. ille quo faciliorem impietati, quam meditabatur, viam sterneret, à quæstorum avaritia orsus, prauos indulgentiarum vsus grauitèr insectari. grata hæc optimis quibusq;

oratio

*Ioannes
Tezelius*

*Ioannes
Staupitius.*

*Martinus
Lutherus*

*Origo hæ-
resis Lu-
ther.*

oratio fuit : ex osum quippè tunc quæstorum , ne
dicam Leonis ipsius nomen in Germania : mox in-
dulgentias ipsas , secretam peccatorum confessio-
nem , ac sacræ poenitentiae sacramentum damna-
uit , satisfactionem , & quæ de animarum post vi-
tam præsentem expurgatione traduntur , pro ani-
libus fabellis , explodere ; bona opera , & eorum
merita omnia rejicere , fidem iustificantem solam
admittere ; tandem ubi impia dogmata à Leo-
ne Pontifice hæreseos postulata , ad Ecclesiæ tri-
bunal vocari animadvertit , Papam , cuius salua
auctoritate nullum imposturis suis refugium esse
sciebat , totis viribus lacerare , atq; distitare homi-
nem esse , ac ijs omnibus errorum tenebris , quibus
ceteri mortales obnoxij essent , irretiri posse : Pe-
trum nullum in Apostolorum Principatum habuif-
se , quæ verò Ecclesiæ suæ promiserat Deus , præ-
dicantq; Evangelici commentarij , aut negare
omnino , aut falsis interpretationibus pervertere ,
aut inuoluere : de Peccato originali , libero arbi-
trio , ac diuinis sacramentis adeo impie differere ,
vt coactus fuerit sacræ scripturæ auctoritatem re-
ijcere , ex qua alia expunxit , vt apochrypha : alia ,
quamuis D. Iacobum Apostolum scriptorē agno-
scerent , vt straminea & apostolico spiritu indig-
na derisit . & ne vllus monitori in posterum locus
esset , eo dementia processit , vt assereret doctrinam
suam eius esse veritatis , quam hæc Angelus cælo
lapsus

Lutherus
indulgen-
tias, confes-
sionem, et
purgatori-
um impro-
bat.

Bona ope-
ra rejicit.

Pont. au-
thorita-
tem negat

et

et

Lutheri
impudens
assertio.

et

*Vota reli-
gioſa ſper-
nit, & ma-
niale incor-
rumpit.*

*Balthaſ-
ſar Hubin-
gerus.*

*Caroliſta-
dinus.*

*Zuinglius
& Oeco-
lāpadius.*

inditui

*Philippus
Melāthō.*

lapſus impugnare poſſet. Vota quæ Deo religio-
ſi viri, aut mulieres feciſſent, neminem tenere, vt
verbo docuit, ſic exemplo comprobauit: nam
Virginem Monialem improbis & nefandis blan-
ditijs e Monasterio abductam, atq; omnibus hæ-
reticæ libertatis flagitijs corruptam, coniugem
aut ſcortum verius ſibi aſciuit. hiſce, ac ſimilibus
impietatis gradibus apud peſſimum quemq; in
Germania famoſum eſſe cepit Lutheri nomen:
Et Balthaſſar Hubingerus, eius ſigna aliquot an-
nos ſequutus, vbi tam facili negotio decipi poſſe
mortales animaduertit, ne ſolus hæreſiarcha eſſet
Lutherus, Anabaptiſtarum ſectam promulgauit.
Andreas Carolſtadius Sacramentariorum Apo-
ſtōlus, à Luthero deſciſcens, damnatam olim Be-
ringarij hæreſim renouauit: quā quod ſacris li-
teris ita repugnare videret, vt ſalua illorum fide
defendi non poſſet, non dubitauit aſſerere virum
humana ſpecie auguſtiorē ſibi apparuiſſe, qui
doctrinam illam veram, & diuinæ voluntati ac-
ceptam eſſe affirmarit. hunc ille Deum Patrem,
Lutherus, Cæcodæmonem fuiſſe contendit. Hul-
dericus Zuinglius tandem de venerando altaris ſa-
cramento impoſturam in Heluetia, & Oecolam-
padius Baſilæ, quam Carolſtadius in Saxoniâ
publicauit: quōſdam ad hæc ex Neſtorij, & Per-
lagij proſcriptis erroribus amplexus. Philippus
Melanchthon in plurimis Lutherum deſeruit. Bu-
cerus

cerus nunc his nunc illis adhærens, singulis momentis credendi formulas mutabat: in Anglia tandem morti proximus, de Christi aduentu dubitans, in desperationem, quæ hæreticæ prauitatis comes est, incidit. De Augustana confessione hoc vnum dicam, quod numquam sibi similis aut constans, quoties procuditur, noua dogmata parturiat: cum nec Brentius Osiandro, nec Osiander Suuencfeldio consentiat. Matthias Flaccius defluere nimio luxu veteres Lutheri affectas ratus, Lutheranos rigidos cœruia Magdeburgensi historia instruxit: omnium tamen nequitiam facile superauit Ioannes Calvinus, hic Zuinglio duce, exitiales primum Argentorati, inde in Gallia tragédias exorsus, ubi conatibus suis nec patronos, nec clientes deesse vidit, contempta magistri simplicitate, nouum virus quatuor Institutionum libris Geneuēsis, alijsq; perditis hominibus propinauit. atq; hisce ducibus florētissimæ Europæ Prouinciæ, Gallia & Germania, ad extremam propemodum ruinam perductæ: & vt cætera taceam, Scotia omnino perditæ.

Bucerus

Augustana confessio.

Matthias Flaccius.

Ioannes Calvinus.

Quo tempore Lutherus infandum caput contra cælum superosque extulit in Germania, duos habuit Britannia reges, rara virtute, orthodoxa pietate, animorumque præstantia vniuerso orbi terrarum spectabiles, & charos: in quorum salute & incolumitate magna videbatur esse posita spes extin-

Qui regnarint in Britannia tempore Lutheri.

Henrici
VIII. vir-
tutes.

Scribit cō-
tra Luthe-
rum.

Eiusdem
apostasie.

Cathari-
nam Ræ
pudiat.

extinguendi nascentium errorum incendij: Iaco-
bus V. Scotiæ, & Iacobi auunculus Henricus VIII.
Angliæ Reges, atq; hic quidem tot regijs dotibus
regni sui ornauit exordia, vt beata iure merito
diceretur Anglorum gens, cui talem Principem di-
uina benignitas tribuisset. Exorientes primum Lu-
theri hæreses autoritate regia ab Angliæ finibus
constanter aieuit, & scripto ad Leonem X. de se-
ptem Ecclesiæ Sacramentis libello, ab eodem me-
ruit titulum Defensoris fidei, quo augustior nullus
Catholico Principi concedi potuit. Verum prout
incerti sunt rerum humanarum exitus, & dubia
optimorum etiam virorum in pugnando constan-
tia dum viuunt, insignia illa, ac vere regia princi-
patus Henrici initia adeo prauis, atque enormi-
bus deprauata fuere sequentis ætatis sceleribus, vt
ex altissimo gloriæ folio, in profundissimam hu-
manæ nequitie abyssum præceps rueret, terrenus
Lucifer; qui sedem suam in aquilone ponens, si-
milis esse voluit Christo, cui omnis potestas data
est in Cœlo & in terra: Christique Vicario Ponti-
fici Romano, cui dominici gregis cura, ac cœle-
stium clauium custodia in Euangelio commissæ
fuit. Qui itaque de sapientia cum Salomone con-
tendere pridem dicebatur, fœda libidine Sarda-
napalum, Neronem crudelitate, impietate Iulia-
num Apostatam superare visus est. nam repudia-
tæ per nefas Catharinæ Reginæ, cum qua viginti
sex

sex annos felicissimè exegerat, & ex quâ prolem
 suscepserat, Annam Bolenam, filiam multis cla- *Annâ Bo-*
 risque rationibus creditam, incestuosis nuptijs su- *lenam du-*
 perinduxit, nec ullis Romani Põtificis, aliorumue *citatur.*
 Principum consilijs à sædo proposito deterren- *Anathe-*
 potuit: ab Ecclesiâ tandè Catholicâ vnione, quæ *mate per*
 tãtam nequitia ferre nõ potuit, anathematis sen- *catur.*
 tentia præcisus, diù multumque Catholicos af-
 fluxit, sex omnino coniuges habuit Henricus: qua- *Henrici*
 rum quinque, aut morte, aut exilio mulcavit, *coniuces.*
 eadem fors sextam breuì excepisset, nisi oprata
 tyranni mors miseram scēminam imminenti peri-
 culo exemisset. Roffensem Cardinalem, ac Mo- *Roffens.*
 rum Cancellarium clarissima Britannia lumina, *Card. &*
 cum innumeris ex clero & nobilitate, intermāni ac *Morus oc-*
 nunquam audita crudelitate occidi curauit. in D. *ciduntur.*
 Thomæ Cantuariensis, aliorumq; cælestium ciui- *Henrici*
 um reliquias, tanta impietate debacchatus est, vt *impietas*
 cælo ipsi bellum indixisse putaretur. Florentis- *in sanctos*
 simas Angliæ Ecclesias, aut diruit, aut spoliavit; *& res sa-*
 Monasteria euerit, & quidquid antiquam maio- *cras.*
 rum religionem comprobabat, id ille omni cona-
 ta ex hominum oculis mentibusq; sustulit. Iaco- *Iacobi V.*
 bus vero Scotiæ Rex, qui exordia Regni paria cū *Scotiæ R.*
 Henrico, exitum longe nobiliorem habuit, Lu- *virtutes.*
 theranæ impietatis sectatores adeo diuturnis, gra-
 uibusq; pœnis merito persecutus est, vt nullus in
 Scotia eo viuo, secus quam Sedes Romanâ, &

*Præfulum
autoritati
confulit.*

*Alesij li-
bellus im-
pius.*

*Ioānes Co-
clæus Ale-
sio respon-
det.*

*Jacob Hen-
rici apostata-
sim dete-
statur.*

*David Be-
sonius Car-
din. creatur*

Apostolica præscriberet, de villo fidei articulo sen-
tire, aut prædicare auderet. Præfulum, quibus Ec-
clesiarum curam dederat, ne quid detrimenti
apud Scotos Catholica maiorum religio patere-
tur, auctoritatem maiestatis regię auxilio impe-
rioq; muniuit. De quo Alexander Alecius natio-
ne Scotus Martinianę impietatis mancipium gra-
uissime queritur edito Vitembergæ libro, in quo
Scotiæ Episcopos pluribus calumnijs onerat,
quod in vulgarem linguam versorum Bibliorum
lectionē laicis ignarisque opificibus negarent. Cuius
dementia in scitiamq; Ioannes Cocleus acerri-
mus per Germaniā fidei propugnator, pio erudi-
toreq; stilo cōpescuit. libellus Dresdæ Misniæ ad Al-
bim IV. Id. Ian. Ann. M D XXXII. inscribitur,
*Serenissimo Regi Scotorum Iacobo V. Duci Albania, Principi
Hibernia, Orcadum &c.* quem apud me habeo, lu-
culentum pietatis, virtutisq; regię testimonium.
nullus in Europa Princeps adeo pio zelo, & acri
studio impiā Henrici VIII. apostasim est infecta-
tus, atqui Iacobus: qui seuerissimis legibus ca-
uit; nè ullus Anglicani Schismatis fautor in Sco-
tia hæreret. porro vt vidit Henricum occiso Ros-
fense Cardinale, alijsque memoria æterna dignis
Præsulibus Anglis, omni opera anniti, vt specio-
sus Orthodoxæ Ecclesiæ decor, ac maiestas in
Britannia penitus extingueretur, Davidi Betonio
spectatæ eruditionis morumq; viro Romanā pur-
puram

puram impetrauit à Paulo III. Pontifice Maximo, qui ad tam Catholici Regis preces facilem se in primis ostendit. Et licet præteriti Scotiæ Reges Iacobi maiores diligenter cauerint, ne ciues subditiq; sui Cardinalitia dignitate honestarentur, ob seditionum metum, quæ inter gentium & familiarum capita & Duces oriri posse periculum erat, si vnus aliquis reliquis prælatus, huiusmodi culminis splendore emereret: Iacobus non minus pio quam prudenti consilio Dauidem, nobilem quidem maximo illo honore augendum censuit, non tamen plus præ cæteris habiturum autoritatis, quam virtutes purpura dignæ merituræ videbantur. Henricus cum eum diu, sed frustra, amplis promissis in partes suas trahere tentasset, minis agendum ratus, de legibus ferendis cogitare cæpit, quibus omnem spem potiundæ olim Angliæ, quam hæreditario iure ad Scotiæ Reges deuolutum iri præuidebat, Iacobo eiusq; posteris adimeret. sed parum momenti apud inuictum Catholicumq; viri animum inanes Henrici iniuriæ habuerunt. ille enim Protectoris fidei elogio plus se se iactabat, quàm cæteris omnibus regiæ maiestatis insignibus. tandem vbi Henricus sollicitationibus mitigandi, iniurijsq; fatigandi incredibilem Iacobi constantiam, spem omnem abiiecisset, nobilium quorundam animos, qui nimiam, vt ipsis videbatur, Regis sui potentiam

*Henrici in
Iacobum
odium.*

*Iacobus
fidei pro-
cessor.*

*Henricus
procures
Scotiæ cõ-
tra Iaco-
bum inci-
tat.*

*Scoti se
dedūt An
glo in Sol
mos. pra-
lia.*

*Iacobus
R. mori-
tur.*

*Iacobi ux-
ores &
liberi.*

grauem, damnosamq; fore proceribus Scotiæ existimabant, tentat: consiliaq; de bello contra Angliam suscipiendo disturbat. Iacobus enim statutum erat Henrici perfidiam hostiliter castigare. nec defuere qui palam profiterentur se non nisi inuadente Scotiam Anglo arma suscepturos. habitus nihilominus fuit autoritate regia militum delectus, & subinde Angliæ fines vastati. verum dum æquis viribus in Solinmossæo agro pugnandum fuit, Scotiæ proceres vix illatis signis capi se, ac in Angliam duci permiserunt, exercitusq; non sine clade domum redijt: prodicionis causa prætendebatur, (ne in hostisiurati Angli gratiam causam publicam deseruisse putarentur) quod agrè tulerint proceres imperatoriam autoritatem, & summam totius belli Oliuërio Sinclero nobili, sed inferioris conditionis viro aulico, ac regis gratiofo, concessam. Qui aduersus prælij casus, tanto Iacobum animi dolore afflixit, vt breui contracta ex agræ mentis agitatione febre extinctus sit. Qua morte Britannia res pèssum iuerunt, & Catholica religio penè sepulta iacuit. Duas habuit uxores Iacobus, Magdalenam Francisci Primi Gallorum Regis filiam, quæ nullis relictis liberis magnum fui, ob prudentiam & moderationem, desiderium omnibus relinquens, occubuit. Secundis nuptijs duxerat Mariam Guisiam raræ probitatis indolisq; principem: ex qua duos filios

filios sustulit, quorum funera extulit pater, & Mariam filiam, quæ paucis ante Iacobi mortem diebus, in lucem edita fuit.

Sublato e vivis Iacobō, Orthodoxæ fidei & dignitatis Ecclesiasticæ oculatissimo custode, ita vehementibus seditionum procellis agitari cepit Scotia, ut facile appareret, propensos ad civiles turbas iam pridem procerū animos, Iacobi regis autoritate in officio ad hæc usque tempora mansisse. & Henricus apostata, quem ad castiganda Britannorum peccata Iacobo superstitem esse voluit Deus, quo Scoticæ nobilitatis animos opportunioribus dolis in sententiam suam pertraheret, eos proceres, qui in Angliam stimulante scelerum conscientia, regnante Iacobo, confugerant, vel in Solinmossæo prælio capi se, regis regniq; causa miserè prodita, passi sunt, in patriam remisit, muneribus atque intempestivis honoribus auctos: horum enim opera in contrahendis inter Mariam paucorum dierum infantulam, & Edoardum Valliæ Principem nuptijs, uti decreverat Henricus; quibus coalituras breui Scotiæ Angliæq; vires certo certius sibi promittebat. Rediere in Scotiam Anglicarum partium fautores Angustus, Cassilius, & Glencarnus comites, Maxwellus, Flemingus, & Graius barones, quos nostri Mylords vocant, ut alios minoris notæ præteream. hi omnes apud Aranium comitem, cui affinitas

Ad Ann.
1543.
Seditiones
in Scotia.

Henricus
Scotos cor-
rumpit.

Proceres
exules, &
captivos in
Scotiā re-
mittit.

*Guberna-
tor Scotiæ
Anglofa-
uct.*

*Card. Be-
tonius fin
carcerem
coniectus*

*Religionis
prima ma-
tatio.*

*Guberna-
toris im-
pietas.*

finitas regia Mariæ tutelam, summamq; rerum
administrationem in Scotia procurauerat, Henri-
ci causam strenuè, magnaq; fide egerunt; Guber-
nator quamuis Anglo secretis literis se iam ob-
strinxisset, tamen quia inscijs regni ordinibus rem-
tanti momenti transigere non audebat, procerum
senatum consulere statuit: & ne quis adesset, qui
labentis in ruinam Scotiæ, pupillæq; reginæ cau-
sam ageret, Davidem Betonium Cardinalem sa-
cristigo scelere in D. Andreæ arce carceri manci-
parunt Anglicarum partium studiosi: ceteros
quibus Dei patriæque honos cordi erat, aut men-
tita legum autoritate presserunt, aut partim mi-
nis, partim blanditijs in sententiam pertraxerunt.
Henrici amoto per vim nefasq; supremo per Sco-
tiam animarum custode, mirum dictu quàm la-
tam stragem in dominico ouili rugiens ille leo fe-
cerit, præsertim verò in Santandreana dioecesi,
cui præerat Cardinalis: hanc enim tanto impe-
tu celeritateque impietas peruaferat, vt nullus
omnino inueniretur, qui, aut sacra aut sacra-
menta Ecclesiæ Christiano populo administraret.
Gubernator vero quamuis orthodoxam religio-
nem profiteretur, indignum profecto catholico
viro facinus admisit, dum, vt Anglicanæ impie-
tatis fautoribus placeret, Guilanum quendam
Apostatam, in publica concione diuina atque Ec-
clesiastica iura falsis calumnijs oppugnâtem, non
modo

modo non puniuit, sed præsentia quoq; sua honorauit. ac tum primum latens in multorum pectoribus virus, omni nimirum legum sublato metu, prodere se, ac diffundere cæpit per vniuersas regni prouincias; vt frustra postea in ea tollenda laborauerit Gubernator: tanto nimirum promptiores sunt mortales ad peccata principû, quàm virtutes sequendas. Anglus interea, qui nullo alio fine verâ catholicamq; fidem in Scotia euersam cupiebat, quam vt rebus suis, Angliæq; securitati consuleret, acceleranda per oratores Regni comitia, nè Scotiæ proceribus pœnitendi daretur tēpus, curauit: in quibus Maria infans Edoardo Henrici filio publica fide promissa fuit. verum Deus qui Mariæ, nobiliorem regio diademate coronam in Anglia parauerat, humana illa consilia cœlesti sua prudentia confudit. Obstabat summa vi Angli conatibus Maria Guisæ Regina mater, cuius in Orthodoxa fide colenda, defendendaq; constantia nunquam non laudabitur à Scotis. accessere ad Guisæ consilia, præter Catholicos præsules, Lenoxij Comitis in Scotiam aduentus, qui à Gallo, vt nuptias foedusque Anglicanum impediret, missus erat, & Betonij Cardinalis liberatio: quæ eo gratior fuit, quo minus erat expectata. inter hos actum, vt Regina Galliæ Delphino in coniugē daretur. *id Catholica religionis incolomitatem, id arctum inter Scotos, Gallosque fœdus requirere;*

*In Comitibus Maria
Anglo promittitur.*

Maria Guisæ prudentia.

*Lenoxius
ad Angliā
deficit.*

neque ulla alia ratione Henrici studia de evertenda apud Sco-
tos fide ac libertate eludi posse. Sed Lenoxius comes, qui
Galliarum Regis voluntatē propensumq; in Sco-
tiæ cōmoda animum magnificis verbis primum
extulerat, nescio quā mentis inconstantia, Gal-
liæ patriæq; causam deferens, ad Anglum deficit.

*Guberna-
tor An-
glum de-
serit.*

iacturam tamen minore suo damno experta Gui-
lla, quod Aranius Gubernator, Lenoxij odio ad-
munus suum rediens, Reginæ Scotiæque tutelam
in se receperit: idq; maximo suo bono nam Ca-
stri Eraldi Ducatus in Gallia fidi erga principem
obsequij præmium ei datus fuit à Francisco I. rege
munificentissimo. ita priuatis inter Gubernato-
rem, & Lenoxium contentionibus tranquillitas
publica omnino turbata regni proceribus, prout
apud nostrates motis est, hunc aut illum, pro af-
finitatum vel amicitiae ratione sequentibus.

*Ad Ann.
1544.
Patriar-
cha Grima-
nus in Sco-
tiam mis-
sus.*

Inter hæc Paulus III. Pontifex Max. eorum quæ
in Scotia gerebantur, certior factus, Marcum Gri-
manum Patriarcham Aquileiensem, cōcētis ma-
gno præfule dignis virtutibus ornatum, ad no-
strates cum autoritate legati à latere misit. mirum
quantum solatij Orthodoxæ fidei professoribus in-
signis hæc Pontificis sollicitudo attulerit. illud ve-
rò in primis gratum bonis omnibus fuit, quod nu-
ptias Mariæ cum Edoardo multis grauib; ratio-
nibus improbaret. *Vellent ne Scoti libertatem illam,*

*Nuptias
Mariæ cū
Anglo im-
probat.*

*quam tot inter pericula neceſque, tanta cum gloria eorū
maiores*

maiores defendissent, unico matrimonio prostinere: qui si reginam in Anglia haberent, inde leges ac iura, præmia quoque ac supplicia expectarent necessum fore. eosdem hostes habere, ac dominos, miserum videri; sed potissimum Scotis; qui optimorum regum imperio assuefacti, libertate quadam in regno fruerentur, neminem ignorare quibus de causis Scotorum amicitiam peteret Henricus; ut scilicet eorum opibus viribusque, contra Casarem, contra Gallum, ac ipsum Deum, si fieri posset, sese tueretur; cui si resisterent, non desuturam sedulam Romanis Pontificis, aliorumque Principum operam, cultusque ipsos, quorum præ cæteris res ageretur, Scotis laturos operam plurima alia de propugnanda in Scotia Orthodoxa fide magna cum prudentia egit.

Discessurus Patriarcha legatipotestatem, quod ea dignitas Scotia rebus plurimum conducere videretur, Betonio Cardinali reliquit: cuius egregia illa in statione resplenduit indutria: nam suscepta in se religionis promouendæ cura, congregatis Andreopolim regni præsulibus; de singulorum mentibus diligenter inquisiuit. Mox Georgio VVischero, qui hæresim in Scotia, magnâ cum libertate promouere studebat, diem dixit. is ubi nec ratione, nec minis ab insana mente flecti potuit, flammis peniendus traditur. quem Pseudomartyrum suorum Catalogo ascripserunt Sectarij; quasi suos in omni virtute mimos non haberet tenebrarum Princeps. nam ut eos transeam, qui se idolis immolandos sponte alacriterque olim obtulerunt,

Card. Betonius legatus in Scotia.

G. VVischerus cõ-buriur.

Pseudomartyres multi.

quid non Manichæi, Montani, Donatiq; sectatores, cum alijs priorum temporum hæreticis, in impijs erroribus stabiliendis pertulerunt? consulatur D. Augustinus, cuius inter cætera hæc aurea verba habentur: *Martyrem non pœna sed causa facit: illa æqualis esse potest, hac diuersa est: unus causa Zelus, alterius desperatio est: ille occiditur, hic coronatur.* Sumptû de VVifchero supplicium magno terrore res nouas molientes perculit, qui dum lenta viderent Angli in Scotia euertenda studia, tardosque proceres, quos hæresis corruperat, in Cardinalis tyrannide, vt ipsis videbatur opprimenda, priuatis consilijs in sacrum eius caput conspirant. nouem omnino numerantur impiæ coniurationis socij: nobilitate cæteros anteibant Normannus, & Ioannes Leslæi, Rhothesij Comititis hic frater, ille filius: hærentibus, stupentibusq; ad tantam impietatem iuuenum animis, acres stimulos addebat Ioannes Cnoxius omnium, quos vnquam Scotia protulit mortalium perditissimus: de cuius sacrilegis ausis erit postea dicendi locus: paratis itaq; ad scelus mentibus manibusque summo mane D. Andreæ arcem, in qua Cardinalis tum forte morabatur, ingressi, recta ad ipsius cubiculum ducente Normanno pergunt. huius cum Cardinale singularis familiaritas effecit, vt nil mali suspicarentur famuli. quid plura? occurrentem magna cum humanitate Cardinalem, inaudita barbarie necant; nulla vel

*Secularij in
Card. con-
spirant.*

*Occidunt
Ann.
MDXLV.*

vel religionis, vel dignitatis habita ratione. corpus, cui impie ac scurriliter aliquandiu illuserant, ad fenestræ cancellos, vt omnibus spectaculo esset, fune appendunt. peracto scelere, amicos familiaresque Cardinalis in vincula coniiciunt: occupataq; tam sacra, quam reliqua supellectile, arcem firmo præsidio muniunt: quæ, non nisi decimo quinto mense post quam capta fuit Gallorum armis, qui ductu Petri Strotij in Scotiam sedecim triremibus vecti, vt Reginæ Catholicisq; auxilio essent, recepta fertur; sicarios protegente Henrico VIII. Atqui hos primos apud Scotos fructus produxere reformatæ Lutheri Caluinique dogmata: quorum cum ratio omnis in armorum vi posita sit, facile videmus quantum à mitibus Christi in Euangelicâ lege præceptis discrepent.

Corpori illudunt.

Arce muniunt.

Extincto tandem infelici exitu Henrico VIII. miseriæ Angliæ, bellorumq; inter eam, & Scotiam vna cum origine extincta credebatur occasio: quam hominum opinione longe dispar excepit euentus. nam in patris regnum succedens Edoardus nouem annorum puer, Anglos maximo cunctorum cum damno experiri coegit, Vt illud, quod in diuinis literis populo, cuius Rex puer est, prædicitur. hic siquidem, nè à paterna impietate degenerasse putaretur, Anglicanæ Ecclesiæ non minus, quàm regni Princeps & caput haberi voluit. nec puduit tot ætate, ac doctrina spe-

Ad Ann. 1547. h. Henricus VIII moritur, cui Edoardus succedit.

Edoardus Ecclesiæ Anglicanæ caput.

Seimerus
Angliae
Protector
Hæreticus.

Cur Seime-
rus hære-
sim propa-
garit in
Anglia.

Nuptias
Edoar. cū
Maria vr-
get Seime-
rus.

Catholici
illos nu-
ptias im-
probant.

Stabiles antistites, Ecclesiæ imperium ei prodere,
cui in minimis regni negocijs, immo in proprijs
quotidianisque actionibus, alieno iudicio & du-
ctu viuendum erat. cum itaque nomine solo Rex
esset Edoardus; rerum summa Seimero auunculo,
is Somerseti postea ducatu honestatus fuit, cum
titulo Protectoris Regis ac Regni delata. hic
schismati quod inchoauerat Henricus, Zuinglianæ
hæresis, quæ ipse imbutus erat, præcepta addidit;
vix enim fieri posse credebatur, ut Angli si cætera
catholicæ religionis dogmata colere sinerentur;
Romani Pontificis Maiestatem autoritatemquæ
in nouennalem puerum transferri paterentur. & hæc
causa est, cur in religione mutanda, celeritate, quæ
in huiusmodi rebus alias semper obfuit, vsum cre-
dam Seimerum; Mariæ interim nuptias cum Edoar-
do omnibus studijs, nec minore diligentia quam
Henricus olim ambire cepit. atque ubi frustra le-
gationibus, ac consilijs rem agi vidit, maximo in-
structus exercitu Scotiæ fines intrat, Regi suo spou-
sam armis vindicaturus. nostros, qui nihil vi-
agere videri voluit, eo pertinacioribus animis,
sæceteris ab Anglo propositi conditiones, reiicere.
Mariam si Scotia proceribus ita videretur, minore longe comita-
tu in Angliam deduci posse, hosce inuicis inanem esse tanti exer-
citus ostentationem, quæ hosti quam prociq. aptior esset. habere
illam parentem, habere consanguineos orthodoxe fidei in pri-
mis studiosos, hos Henrici amicitiam ob schisma reiecisse; eos-

dem Edoardi affinitatem propter hæresim auerſari. hæ re
giõrum voces , ſed aliud omnino erat nouatorum
ſenſus. qui negligi Angli potentis , viciniq; Principis aqua
poſtulata querebantur , nihil à Gallo ſperari poſſe nouo hoc ma-
trimonio , niſi quæ antiquis arciſſimisq; fœderibus præſtare te-
neretur : eius amicitiam caro ſemper ſtetiſſe Scotis , quorum
ſanguine aleretur ; auxilia vero , aut exigua , aut ſera noſtra-
tibus ſemper fuiſſe ; qui ex octingentorum prope annorum fœ-
dere cum Gallo , ſolas clades pro lucro haberent . Et ſi Duces,
Pares , & Comites Stabuli Scoti in Gallia annalibus numeren-
tur , paucorum ea eſſe decora , multorum cadibus , & manifeſto
totius Scotiae damno acquiſita . Sic diuiſa hominum
ſtudia Scotiae cauſam perdidere . nam quamuis
Catholicorum ſententia , qui ducendum contra
Anglos exercitum contendebant , præualuerit ;
effecere nihilominus alterius partis fautores , vt
magna Scotorum militum caterua inito certami-
ne pedem referret . Victor Anglus ad Muſſelbur-
gum vni , ac alteri Caſtello validum imponens
præſidium , exercitum reduxit : captus Huntlaus
Comes magnus Cancellarius , cum baronibus ali-
quot . Ex eo tempore labi in Scotia , ac penè de-
ſtitui religionis cauſa , magniq; fieri Angli nomen
& impietas cæpit : omnia pro hæreſis cultoribus ,
in maius augmentibus ſectarijs miniſtris . Senſerunt
malum Scotiae Præſules . ſed cum nulla eſſet inter
hæreſis profeſſores vna certa q; ſententia de fide
quam propugnandam ſuſceperant , eo difficiliora

Heretici
probant.

Diſſidiũ
Scotorum
exercitiũ
prodiſt An-
glo.

Inuale-
ſcit hære-
ſis.

appa-

*Præsules
Scotiæ hæ-
reticos
damnant.*

apparebant remedia, quo malum occultius, minusq; notum erat. Antistites tamen coacta Lit-
quo! prouinciali synodo, ne nihil egisse videren-
tur, cuiusuis hæresis Sæctatoribus anathema di-
xerunt; ac sese Romano Pontifici, sacroque Tri-
dentino Concilio, quod tum celebrabatur, mutuo
religiosi sacramenti vinculo, ad vnũ omnes astringerunt: quidquid orthodoxus ille præsulum cætus
probaret; damnetur, id se probaturos, damna-
turosque spopoderunt singuli. Sed parum apud Sæ-
ctatorum numerosam multitudinem paucorum
præsulum valuit autoritas: nam quã insito morta-
libus nouarum rerum studio, quã propositæ liber-
tatis dulcedine, omnes ferè orthodoxæ veritatib;
disciplinæq; tædere cœpit: eos præsertim quos vo-
ti sacra religio à sædo voluptatum commercio te-
mouerat. horum exemplo cæteri, omnia sibi lice-
re existimantes, in peiora ruebant.

*Ad Ann.
1548.
Maria R.
in Galliã
traijcit.*

Guilia Reginæ mater, cæteriq; qui miserum
Scotiæ statum, nec tutum nec cõmodum Mariæ
regni hæredi cernebāt, facile passi sunt, eã in Gal-
lias ad nurum focerumq;, à quibus magnis votis
expetebatur, deduci. profæctionem hãc ægerimè
tulit Anglus: qui ab omni nuptiarum cum Maria
contrahendarum spe deiectus, Scotorum fidem
erga principem per factionis suæ conscios tentan-
dam curauit. Sed cum apertam rebellionem nul-
lis rationibus Scoti essent admissuri, defectio tur-
pis

*Anglus
Scotos ad
rebellio-
nem mo-
uet.*

pis honesta religionis specie velata fuit. Primæ querelæ in Guisæ Gallorumque superbiam: proximæ de solutioribus Ecclesiasticorum moribus; tandem de non ferenda Papistarum, sic illi Catholicos per iniuriam vocare, superstitione & idolatria sermones miscebantur. Venere in Scotiam præter apostatas quosdam, qui ex Saxonia vicinaq; Anglia irrepserant, nonnulli Calvinianæ impietatis ministri, puriora scilicet fidei dogmata, quam Lutherus inter pocula eructauerat, nostratibus propinaturi. his nihil ferè cum prioribus commune erat, præter quam vecors in Orthodoxam Ecclesiam odium, & constans in regnorum tranquillitate euertenda studium. iamque priuatis concionibus ad publicos hominum cætus prodierant nonnulli audacia non minus, quam hæresi armati; e quibus aliquot ad reddendam de fide rationem vocandos curauit præfulum conuentus Edimburgi habitus. impietatis rei non alia pœna damnati, quam ut D. Ægidij vrbs illius tutelaris natali die, hæresim eiurarent. non enim grauiora supplicia illa ferrebant tempora. Sæctarij, habitis inter se multis congressibus, suos ab ignominia vindicare statuant; & die nocentium expiationi destinato magno numero in forum, quod publicis supplicationibus lustrabat clerus, tumultuario imperu facto, omnium ordines turbarunt; atq; comminu-

*Caluinistæ
in Scotiâ
veniunt.*

*Leui pœna
damnatur
Sæctarij
nonnulli.*

*Impium
& audax
hæretico-
rum faci-
nus.*

ta D. Ægidij, quæ circumferebatur, imagine, paucos qui siue conscientia ducti, siue legum metu hæresi renunciaturi aduenerant, subtraxere. atqui tum demum animaduertere ceperunt nostrates, in quantam molem leuia queq; mala, si negligantur, excrecant. auxit nostrorum miseria intempestius quorundam præsulum interitus; quorum virtute & doctrina Catholica fides non solum in præsentis rerum turbulento statu defendi, sed etiam instaurari ac promoueri in Scotia poterat. in his Robertus Vuachopus, qui licet subleuatum ac tenuem oculorum vltum haberet, insigni tamen vir mentis acumine præditus ea omnia meritis suis est assecutus, quæ ad humanæ vitæ utilitatem, vel splendorem conducere solent. Diuinarum literarum magister, ac publica professione Luteriæ clarissimus; in rebus grauioris momenti peragendis paucis suæ ætatis secundus, Légationes ad Cæsarem, ac Galliæ Regem; Iulij, Pauliq; Pontificum nomine, celeriter feliciterq; obiuit. in Armachana Ecclesia, cui Archiepiscopi dignitate præerat, oculatissimi Pastoris munere functus, ter aut quater diebus singulis populum per interpretem, (Hibernici quippe idiomatis erat ignarus) de diuinis rebus alloquebatur, in Tridentina Synodo pij doctiq; Præsulis vice functus, magnum bonis omnibus sui desiderium moriens reliquit. Orcadam quoq; Brechenensis, ac Rossensis Episcopi,

*Moruntur quidam
Præsules
Catholici.*

*Robertus
Vuachopus.*

scopi, ne perituræ superessent patriæ, in cœlos migrarunt. atq; hi quidem naturæ cedentes gloriosam mortem oppetierunt. Sed Ecclesiæ bono mortuus est Iacobus Stuartus, nothus Iacobi V. Regis filius : qui quum sacræ Ecclesiasticæ hierarchiæ dignitatē & opibus frueretur, (erat enim D. Andrea Prior) vilescere ei in tanta morū libertate religiosum nomen cœpit. factus tādē Orthodoxæ fidei non modo desertor, sed hostis etiam proclamatissimus Romanæ sedis, Argadiæ comiti Scotariorum tunc temporis Mæcenati, socium se in rebus nouandis coniunxit. horum patrocinio recti de sæce plebis duo, Massenius, & Harlaus, ille ex pistore, hic ex sartore verbi Dei, si dijs placet, præco, cum Grantio Barone viro alioqui manu strenuo, sed apostata insigni, priuatas publicasq; obibant ædes, plurima in corruptos, heu, sacerdotum mores, plura in fidem ipsam fictitia pietate differentes, non paucos à veritatis semita abducebant.

*Iacobus
Stuartus à
fide defecit vnacū
Argadiæ
Comite.*

*Duo insignes
Ministri.*

Scotiæ regimen, à filia Galloq; in se collatum, Maria Guisiam forte susceperat, quæ omnia Regentis nomine, atque autoritate moderabatur. huius in Catholica fide promouenda, potentia magis, quam voluntas desiderabatur. oblata ei ab aliquot Regni proceribus fidei, quam ipsi falso nomine reformatam vocabant, capita toleranda, vt videri volebant, pietatis specie, ad fraudem

*Ad Ann.
MDLIX.
Guisia Regens.*

Fidei capita ab hæreticis oblata Regenti.

P

cautius

cautius tegendam efficta efformataq; in hanc sententiam fuerunt.

Primum. Ut sacra biblicorum volumina vulgari idiomate edita omnibus legenda offerrentur: nec alio quã patrio sermone sacrificia, Preces, & cætera diuini cultus munia obirentur à Sacrorum curatoribus, ita enim omnibus nota fore, non solum Sacerdotibus, quæ peragerentur mysteria, egregium certe commentum ad imperitam plebem curiosasque mulierculas insignis beneficii specie captandas.

Secundũ. Ne Ecclesiarum Præsules atq; Antistites, aliorum quam Procerum diocesis cuiusq; suffragijs, ad sacræ Episcopalis sedis regimen admitterentur, quid ad nobilium fauorem aucupandum excogitari potuit accomodatius?

Tertium. Ut qui minoribus, quas Parrochiales vocant, præessent Ecclesijs, nisi singulari doctrina relucèrent, sacerdotia sua eruditioribus dimitterent, quid isto acceptius esse potuit sciolis, quibus tunc Scotia nostra abundabat? exitus enim hoc ipsum cõprobauit, nãm plurimos ex tumultuaria iuuentute, qui sibi plurimum sapere videbantur, spe hac in sententiam suam pertraxerunt nouatores.

Quartum. Ut denique illi omnes, quorum vita morum seu improbitatis, aut peccati aliculus labe palam notata esset, ab omni sacrorum cura remouerentur. Pro regina regijsue nihil petiere, siue quod illas partes sibi oppugnandas proposuissent, siue quod

quod illorum fauorem impietatis blanditijs de-
mereri omnino desperarent. Regens singularis
prudentiæ mulier, publice prius liberali sententia
professa, rerum Ecclesiasticarum & dogmatum
definitionem ad se minime spectare, nec quidquã
sibi videri reformandum, libellum tamen eorum,
dicis causa, examinandũ tradidit ijs, quibus ex of-
ficio res sacras dijudicandius competit: hoc est,
regni Præsulibus, qui Edimburgi ad Orthodoxæ
fidei veritatem accomodatis temporis legibus mu-
niendam frequentes conuenerant. Illi ijs quæ pro-
posita erant, maturo examine discussis, hæreti-
cas fraudes detexere. quis enim non videret pelli-
bus ouium vestitos lupos rapaces? quorum impia
consilia eo spectabant, vt nouatorix artis ignaros,
præclaro reformatæ religionis titulò, in errorum
mendaciorumq; præcipitia actos ad quidlibet cõ-
tra Deum Deique electos principes audendum im-
pellerent. responderunt communi consensu Epis-
copi, sacrorum codicum vsum non temere cuiq;
e plebe concedendum esse: sed ijs tantummodo,
quorum ea esset doctrina & probitas, vt sanam
scripturarum ex mente Ecclesiæ interpretationem
à falsis apostatarum deliramētis discernere, & cœ-
lestis vitæ verbum, à litera quæ occidit, distingue-
re noscerent: plurima enim in sacris voluminibus
contineri, quæ talium mysteriorum ignaris, aut
Theologiæ studio leuiter tinctis pugnare inter se,

*Regentis
prudentiæ
& pietas.*

*Episcopo-
rum respõ-
sa ad capi-
ta ab hære-
ticis obla-
ta.
Ad primũ*

nonnulla etiam quæ humanis rationibus contraria, prima facie apparerent . accedit vulgarium, idiomatum pro cuiusq; arbitrato mutatio frequēs, & de illorum sententia grauisimæ inter homines controuersia: quæ etsi in populari sermone utcunq; ferendæ essent; aliam tamen esse, ac longe disparem de diuinis rationem, quæ humanis misceri sine magna temeritate non possent. Liturgias verò; preces, & sacrificia publica ijs linguis exprimenda, quæ constante nationum conspiratione sacrosanctæ atque inuiolabiles, intactam & integram seruarent eam fidei rituumq; vnitatem in rebus diuinis, quâ Christus Ecclesiam suam, contra omnem terrenam inferamq; potestatem armavit. In Sacerdotijs conferendis nihil omnino immutandum decreuerunt Præsules, quodd ea quæ Deo olim magna pietate oblata fuissent, non possent secularibus viris, sine facta sacrilegij nota, subijci. Presbyterorum quorundam inscientiam, ac mores parum decoros se quoque vehementer damnare, responderunt Antistites: plurimumque dolere commune illud orbis Christiani, ac vnum fortassis malum, quod diuina iustitia punitura in præsentia seuero hæresis flagello videretur: eamq; ob causam conuenisse Tridenti, ex omnibus gentibus viros probitate doctrinaq; conspicuos, apostolica autoritate eo vocatos, vt illum cæterosque Ecclesiasticorum morbos salutaribus curarent remedijs

Ad secundum.

*Ad tertium
et quartum.*

remedijs. Interim dum œcumenici Concilij oracula, & scita expectarentur, quæ Scotiæ cum cæteris omnibus regnis communia forent, opem operamq; suam in Clero ad omnem virtutem efformando promiserunt.

Verum quæ ab illis, aut prudenter dicta, aut fide bona promissa, parum valuerunt apud impios apostatas: quibus propositum erat non prius quiescere, quàm Scotiâ omnium calamitatum inundatione vastata triste præuaricationis spectaculum Europæ daret. totius impietatis duces ac Coriphæi præcipui numerantur, Ioannes Cnoxius & Vuiloxius, Calvinianæ nequitiae affectu. hi ubi perspectis popularium suorum animis, in fidei rebus dubios plerosque hærerè animaduverterunt; non iam de vernacula bibliorum versione, non de Sacerdotiorum collatione, aut de Ecclesiasticorum doctrina ac moribus agendum rati: ad maiora facinora, quibus tempora fauere videbantur, sese accingunt. ac postquam multa contra Catholicam Ecclesiam, eiusque dogmata tumultuarijs concionibus euomuisent, tandem ipsa Orthodoxæ fidei fundamenta crebris mendaciorum ardetibus concutientes, fanaticis vocibus, quas suspirijs & lachrymis studiosè mistas, ad affectus simplicis & iam commotæ plebis composuerant, proclamare ceperunt: *Euangelij splendorem, iam à multis sæculis ignorantia tenebris offusca-*

*Hæretico-
rum impie-
tas.*

*Cnoxius
& Vuillo-
xius res
turbant.*

*Publiceco-
tra fidem
concionan-
tur.*

tum iacuisse, & lasuisse hætenus mortalium aspectus verita-
 tem omnem: Romanam Ecclesiam in omnibus tam fidei,
 quam morum dogmatibus errasse. quid plura? templa, in-
 quiunt, vestra, Scoti, non minùs quam delubra gentilium
 idolis, ac inanibus mortalium simulacris. Christi sancto-
 rumq; imagines designantes, referta videlicet agite igitur,
 si veri estis quos ullus Christiani nominis amor tangit,
 diruite, diripite, incendite hac dæmonum fana; altaria, quæ
 cum Mosaica lege perire debuerunt, euerite: id cuiq; pro mer-
 cede eris, quod primo occupaueris. Hæc ubi Perthi in-
 conferta multitudo disseruissent, tantus animo-
 rum motus factus est, ut nulla autoritate magi-
 stratus, nulla sceleris verecundia, nulla deniq;
 religionis reuerentia, insana nec satis sibi præsens
 plebecula contineri potuerit, quin armis facibusq;
 instructa ad Ecclesias rueret. qui viribus, cæteris
 præstabant effractis portis in ea omnia, quæ vsui
 sibi esse poterant, auidè inuolarunt: direpta Eccle-
 siarum suppellectile, teq; alijsq; operibus quæ
 ignem concipere poterant flammæ iniecere: cæ-
 tera cuneis arietibusq; prostrata. eadem sacuitia,
 barbariesq; monasteria peruagata, lugubrem
 metum spectantibus iniecit. pulsi sedibus suis viri
 solemnibus votis Deo sacri: quærebant in priua-
 torum domibus latebras, quorum claustra pro
 asyulis publicis ab omni retro memoria sunt habi-
 ta. Et D. Brunonis sodales, quibus nihil hætenus
 cum mortalibus, immo nec sermo ipse communis,
 ad de-

Perthi sa-
 cra euer-
 sa.

Monaste-
 ria diruta

Sodales
 D. Bruno-
 nis.

ad deuia prolapsi in spelūcis & cauernis propo-
 ti sui memores latebant: Antichristi furorem mun-
 dum inuasisse arbitrati: hi tanto longius quam cæ-
 teri ab iniuriā aberant, quanto à perditissimorum
 hominum consortio remotiores. decurrentes in-
 terim per cuncta publicarum ædium tecta voraces
 flammæ, vix à priuatis domibus arceri poterant:
 conuersa itaq; hominum studia ad ignem, quem
 suis ipsi manibus accenderant, restinguendum:
 absumpta iam magna oppidi parte, sero incusare
 cœperunt, tam suam quam ministrorum suorum
 impiam temeritatem. Sed totius mali duces fuga
 se iustæ populi iracundiæ subducentes, Andreopo-
 lim iuerunt, nouam rei benè gerendæ ac conti-
 nuandæ occasionem præstolaturi. Guisla Regens
 audita impietate Perthum aduolat, multis Præsu-
 libus regniq; Proceribus comitata; sed acta iam
 tragœdia, conclamatumq; & complicatum, vt di-
 citur, siparium erat.

*Sacredes
incendun-
tur.*

*Ministri
Andreopo-
lim per-
gunt.*

*Reges Per-
thum pro-
ficiuntur*

Regens ex Catholicorum sententia de sacrile-
 gij auctoribus, & reis inquisitionem fieri curat;
 Sed ab Argadiæ Comite, & D. Andreæ Priore de-
 feritur; qui Andreopolim maxima celeritate pro-
 fecit; Regentis in hæresi profliganda consilia se-
 ctarijs prodant; optimeq; contra suam in ea stabi-
 lienda fuisse promittunt. nec promissis defuit fides:
 nam rebellium partes tanta autoritate viribusq;
 iuuere; vtili composito agmine Fisan prouin-
 ciam

*Argadius
et Nobus
ad Sella-
rios tran-
seunt.*

*Fisa Pro-
uincia va-
stat.*

*Virgines
Moniales
monaste-
rijs electe.*

ciam hostiliter inuadentes, Lendorisium & Bel-
moræum splendida monasteria, cum reliquis
omnibus Ecclesijs, sacellis, ac sacrorum custo-
dibus, direpta incenderint. religiosos sacerdotes
nullo discrimine, aut vitæ sanctioris respectu, ab
altaribus protractos in compedes & ergastula de-
trusos, ijs omnibus affecerunt iniurijs, quas ar-
mata hæresis excogitare solet. Verum omnium
miserrima videbatur conditio earum virginum,
quæ cœlesti sponsi amore captæ, in monasticis
claustris à promiscuo mortalium consortio semo-
tæ, ætatem Deo superisq; gratam transigere de-
creuerant. hæ insipientium militari licentiâ apo-
statarum ludibrio expositæ, cœlos intueri, auxi-
lium vindictamq; & quid non deposcere: nunc
lachrymis, nunc diris, nunc omnibus omnia fœ-
mineo planctu, & non profuturis quæstibus im-
plentes, popularium suorum, heu, fidem nequid-
quam implorabant. nec profecto ad tantam im-
pietatem, & dementiam Scotos peruenisse crede-
bant, ut patriæ sacris cum reliquo Christiano orbe
communibus, quibus & Danus & Saxo peper-
cisset, impias inijcerent manus.

*Regens pa-
cem cum
hæreticis
stabilire
frustra ten-
tat.*

Guiscia quæ relicto Perthi præsidio Edimbur-
gum redierat, consilij dubia, nec quæ tantis malis
opportuna essent remedia satis certa; Huntlaum
Comitem ad rebelles misit, qui æquis conditio-
nibus eos ad arma deponenda induceret. Illi
omnes

omnes pacis leges recusare, & regentem quasi sup-
plicem contemnere: & quo maiorem nominis sui
terrorem aſtimationemq; omnibus injicerent,
Perthum præſidium magna vi adorti, breui ex-
pugnarunt. Inde ad Regium Sconæ monaſte-
rium feſtinatione maxima proſecti; ſacra ac pro-
fana more ſuo confuderunt: Eccleſiæ vero ſupel-
lectilem, quam multorum regum pia liberalitas
in coenobio illo congesserat, auide expilarunt:
Chriſti Saluatoris, ac ſanctorum imagines, quas
deuota maiorū religio ſuo cultu venerandas pro-
poſuerat, aut igne aut ferro conſumpſerunt, non
ſecus ac ſi proditorum, aut paricidarum fuiſſent
ædificia ſoſo æquata. nihil intactum omnia diru-
ta iacere. vt longum eſſet reſcribere quæ ſubindo
in proximis prouincijs, cis, & ultra Forthæ æſtua-
rium, Stirlingi & Lithquorab hæreticis & Apoſta-
tis prauitatis & furoris diabolici edita ſunt ac pa-
trata argumenta: nullo enim tempore locoue ſi-
bi diſſimiles, ea ſacrilega vi eueiebant, quæ cõ-
muni gentiliū conſuetudine in captis ab hoſti-
bus ciuitatibus intacta permanent: Tranſiere ad
impia ſigna Glencarniæ Comes, & Boyduſ ba-
ro, cum alijs pluribus: apud quos rerum euenus
proſperus, ac prædæ ſpes certa plus momenti ha-
buerunt, quam æquitas aut religio: horum viri-
bus, nouisq; procerum defectionibus freti, recta
Edimburgum, quod regni caput eſt ac ſedes re-

*Hæretici
Perthum
expugnat
Sconæ mo-
naſterium
expilant.*

*Perthum
expugnat
Sconæ mo-
naſterium
expilant.*

*Eandem
impieta-
tem in alijs
locis exer-
cent.*

*Quidam
nobiles ad
ſectarios
deſcendunt.*

*Ecclesia
expilata
Edimbur-
gi.*

*Heretici
in Regiam
autoritate
peccant.*

*Regens
Catholi-
cos Proce-
res officij
sui admo-
net.*

gum, proficiscuntur. Regens, ciuium fide & animis longa oratione exploratis, rebellium victorij officij sui immemores factos esse animaduertens, Dumbarrum iter instituit relicto Edimburgo; in quod faustis multorum acclamationibus nouatores recepti, Ecclesiarum quidem thesauros expilarunt, in cæteris tamen maiore moderatione, quam alibi vsi sunt: ne incolarum, qui ad iniuriam vindicandam pareserant, iram in se concitarent. à priuatorum itaque damno temperatum est utcumq; sed regia domus direpta ac vastata, & ærarij præfectus in carcerem coniectus cogitur quidquid facti, infectiue, aut cælati metalli in numerato esset, vna cum typis ac formis, quarum in pecunia cudenda vsus est, in publicum proferre. quibus ex voto gestis Regenti autoritatem per summum nefas abrogant, subrogatis in regni moderamine hæreticæ factionis propugnatoribus.

Obstupuit ad tam protervæ audaciæ nuncium Scotia reliqua; & Regens indignationis dolorisq; plena, vocatis ad se Hamiltonio Castri Eraldi duce, Huntlæ, Bothuellio, & Mortonio Comitibus, cum Setonio, Borthuico, & Zestrio, alijsq; principibus viris, memorat quanto in discrimine totius Reipublicæ Scoticæ conditio versaretur: quare statutum sibi vltima potius experiri, quam ea ab ingratissimis subditis pati, qua hostis victor non vniuisset, quid

quid demum morantur, inquit, aut quando à tantis malis liberabimur? post direptas ciuitates ac provincias, ipsū regni arcem tenens rebelles: ubi, regio proscripto iure, omnia pro libidine gerunt. hæc si, ut cætera ociosi uulerimus, non relinquatur nobis breui in Scotia locus ab audacissimorum hominum, potentia securus. quod si, regni huius tura amittenda sint, ea saltem in ijs sustandis agamus patiamurq; ut posteritas non de inertia nostra, sed de temporum infelicitate conqueri possit.

Quare educi curat Edimburgum versus Gallo-
rum aliquot cohortes, catholicis Scotorum mi-
litibus auxilio futuras: quibus nec uirtus, nec fi-
des defuit. nam eodem die, & Leythum oppi-
dum coeperūt, & quingentis ab Edimburgo pas-
sibus castra metati sunt, dilata in sequentem diem
oppugnatione, atq; tūc demum Sectarij Hunt-
læo Comiti, cuius inermia consilia insolito factu
prius reiecerant, negocium dedere, ut electis
hinc inde pacis componendæ arbitris, res tota
sine prælio ac sanguine dirimeretur. nec con-
ditionem oblatam recusandi tempus erat Regen-
ti, cui omnis pacis mentio grata videbatur, cum
sciret quam varij atq; incerti aliquando essent
bellorum exitus. Conditiones igitur fære.

Exercitus
contra hæ-
reticos dis-
ponitur.

Actum de
pace.

Conditio-
nes pacis.

Ut Sectariorum milites, fautoresq; Edimbur-
go ad Regentis autum discederēt, relictis obsidi-
bus Ruthenio, & Patarto: ciuibus tamen, aut ma-
nēdi aut discedēdi integrum relictum est arbitriū.

Prima.

Ut ærarij bona nuper direpta, una cū Palatio

Secunda.

ac suppellectilia regia, summa fide redderentur.

Tertia. Ut Reginae autoritas nullius religionis prætextu in dubium vocaretur, haberenturq; pro legitimis ea regentis imperia, quæ ad ciuilem regni statum spectarent.

Quarta. Ut Sacerdotibus Catholicis ius esset, suis Sacerdotijs ac prouentibus annuis libere ac sine vlla molestia fruendi: & cautum seuerè ne vlla sacris ædibus vis in posterum inferretur.

Quinta. Ut religionem quam quisque vellet publicè profiteretur; neue hæresis ministri ab vlllo magistratu punirentur.

Ad Anh. MDLX.
Hæretici subsidia à vicinis petunt.
Hisce conditionibus Edimburgo cessere rebelles, donec noua rei felicius gerendæ daretur occasio. fœdus nihilominus cum Elisabetha Angliæ Regina secretum quidem, nec vllis signatum tabulis iniuere: Germanorum quoq; & Gallorum, qui ab Orthodoxa veritate recesserant, auxilia crebris legationibus sollicitarunt. atque talibus artibus propositæ pacis leges coluerunt, vt ad bellum suo tempore renouandum promptiores fortioresq; essent, quare nihil miror D. Andream Priorem negligentiorẽ fuisse in Francisci Galliarum Regis Reginaq; Mariæ consilijs audiendis, quæ ad publicam Scotiæ tranquillitatem procurandam excogitata erant; cum ipsi tam ampla subsidiorum

Nūcius in Scotiam à Pontifice missus.
spes ad patriam euertendam vndiq; affulgeret. Oppressæ tot anxijis curis Regenti sollicita Roma.

Romani Pontificis cura non defuit : à quo in Scoti-
 tiā missus Nicolaus Pelleuæus Ambianēsis Episco-
 pus (qui Cardinalitia purpura clarus postea fuit)
 cum potestate legati à latere , Orthodoxæ fidei
 professoribus magnum solatium attulit . nam
 præterquam quod N. Brochium militaris gloriæ
 laude insignem , e Gallia secum duxerit , magnum
 ad factiosos homines in officio continendos mo-
 mentum ; regni antistites Edimburgi congrega-
 tos , omni ope , & consilio aduersus hæreticæ pra-
 uitatis insidias muniuit . D. Ægidij ædem , quam
 Sectariorum furor profanauerat , Orthodoxis ri-
 tibus expiatam , altaribus & sacra supellectile
 ornari curauit : ubi peractæ catholico more res sa-
 cræ insigni lætitia Regentem , ceterosq; orthodo-
 xæ veritatis studiosos affecere . receptum quoq;
 in Leythum oppidum , Gallicorum militum , qui
 Martigij ductu in Scotiam venerant , præsidium ;
 non leue aduersus subitas nouatorum excursio-
 nes robur . dum verò his cælestium non minùs ,
 quam mortalium armis , Catholicam fidem tu-
 tam in Scotia præstare conatur Regens , Castri
 Eraldi ducis nunciatur defectio : quæ bonos om-
 nes maximo dolore affecit , ac perturbauit . huius
 filius Araniæ Comes ; Scotorum militum tribu-
 nus , ac Chiliarcha in Gallia , e Christianissimi
 Regis aula , non sine patris ut credebatur impe-
 rio , Geneuam profugit : atq; inde per Angliam
 ad

*D. Ægi-
 dij ædes
 expiaturæ
 Nuncio .*

*Castri E-
 raldi Ducis
 ad Secta-
 rios deficit
 cum filio.*

ad suos reuersus, ab Elisabetha Reginâ, qua erat calliditate & turbandarum rerum peritia, apprimè imbibit eas artes, quibus debilitari inter Scotos Regentis, Catholicorumq; vires non magnò negotio possent. huic quoq; vt alijs non paucis ab Angla ingens coniugij regij spes facta ac concepta, hominem ad pessima quæq; in Catholicos audenda compulit. atq; habito cum hæreticæ sectæ fautoribus tumultuario consilio omnes nouandorum tumultuum rationes diligēter perpendens, suo reliquorumq; nomine petijt à Regente, vt Galli ab operibus ad Leythum muniēdum cœptis cessare cogerentur, nec ferendum, vt ex-
*seri cuiuscumq; fœderis, aut amicitia titulo Scotia arces mun-
 itaq; oppida tentant: Regentem securitatem propriam publi-
 ca regni paci tranquillitatiq; præferre: fœdera Gallorum cum
 Scotis ad vtriusq; regni libertatem tuandam à maioribus san-
 cta: hanc si in Scotia oppugnare pergant Galli, pro hostibus*
*non minus, quam olim Angli, futuros. Regens è con-
 tra omnia purgare; Gallos in Scotiam non tam ex suo,
 quam ex procerum multorum sensu vocatos, ad seditiones
 bellaq; ciuilia compescenda; nec aquum esse, vt ij qui socij es-
 sent, & amici sine ullo munimento alterius partis iniurijs ex-
 ponerentur, quam solo aduentu offendisse. poserant. mirari se
 negari Gallis vnâ arcem in Scotia, cum Scoti in Gallia re-
 giam, ipsumq; regem sue fidei creditum haberent. qua si minus
 mouerent, recordarentur tandem esse Scotia reginam in Gal-
 lia, cuius mandatis tam ipsa, qua mater esset, quæ am subditi
 obsequi*

*Iniqua
 Aranj po
 stulatio.*

*Responsu
 Regentis.*

obsequi teneretur: ea inconsulta nec dimitti militem Gallum,
nec ab opere militari prohiberi posse. Aranius interea
cum suis, arma militemq; magno studio para-
bat, & Regens ne incauta inuaderetur, in Ley-
thum oppidum vna cum D. Andrea, & Glasgoæ
Archiepiscopis, alijsq. Catholicis Præsulibus se
recepit. nec rebelles vlla Principis reuerentia ob-
sidionem distulerunt, quibus nimia festinatio
exitio fuit: nam tanta celeritate oppidum cin-
xerunt: ut vallo fossisq; neglectis crumperi-
bus magno animo præsidarijs impares, non sine
strage magna infugam versi fuerint.

Reges Ley-
thum con-
cedit.

Tum vero Elisabetha dum crescere in Scotia
Gallorum vires, regionumq; partes ad vim non
modo propulsandam, sed inferendam quoq; ido-
neas cerneret, mutuum cum rebellibus foedus
publica autoritate ferit; submissis in eorum au-
xilium terra mariq; copijs; acceptis prius ex pri-
ma nobilitate obsidibus: adeo nimirum suspecta
amicis etiam est illorum fides, qui fidem numini
debitam impia defectione violant. in publicis hi-
sce armorum incendijs, Aberdonia, quæ nullam
hactenus sacrorum iacturam passa erat, ab auaris
& seditiosis quibusdam baronibus occupata, pa-
rem cum alijs ciuitatibus cladem experta est: ab
Episcopi solum domo, Gordoniorum, ac Lessæo-
rum autoritate, temperatum. atq; hic vltimus in
Scotia locus fuit, qui fugientibus sacris moram
fecerat.

Elisabe-
tha fedus
cū Secla-
rijs ferit.

Aberdo-
nia sacra
profanā-
tur.

*Angli ter-
ra mariq;
contra Sco-
tos veniūt*

fecerat. Iam clāssis Anglicāna in Forthæ æstuario non procul à Leytho, VVintheri Præfeti iussu steterat: ac Norfolkia Dux octo Anglorum milia terrestri itinere in Scotiam deduxit, rebellium copijs coniunxerat: cum rogati per nuncios Angli, quo iure iniuriæ Scotiam, nullo indicto bello, inuasissent, fraude inaudita responderunt:

*Causam
sui aduen-
tus dissi-
mulant.*

*Se pacem in Scotiam, non bellum ferre: Classē ad Britan-
nia littora contra Piratas iuvanda, submissam: reliquam mi-
litē ad Angliæ fines contra Gallorum exercitum nulla iusta
de causa in Scotia grassantem fuisse conscriptum. necesse est
de suo aduentu solliciti sint Scoti, quorum salus, atque in-
columitas Regina Elisabetha non minus, quam Anglorum
cordi esset. Sed impudens hæc simulatio se brevi*

*prodi-
dit, nam ubi*

*Leythum
obsidetur
ab Anglis*

*Scotiam ingredi nulla se vi pro-
hiberi posse animadverterunt, Leythum oppidū,
Gallorum copijs munitū, magnis itineribus pro-
fecti, castra in colle qui oppido imminebat val-
lo aggeribusq; munierunt: auctoresq; fuerunt re-
bellibus, ut collectis vnum in locum militibus, ab
agrorum populationibus ad Leythum obsiden-*

*Scoti pro-
ceres qui
se Anglis
iunxerūt.*

*dum conuerterentur. fuere in Sectariorum castris
Aranius, Argadius, Glenecarnius, & Rothesius
Comites, Boydus, Vchiltius, Lyndsayus, Ru-
thuesius, Ogiluius, Heresius, barones, ac Scotiae
pestis D. Andreæ Prior: qui omnibus tribulibus
ac clientibus more gentis nostræ stipati, ita adia-
centes Leytho agros compleuerant, ut nullus cō-*

meatus obsessis terra submitti posset; maritimum
 subsidium quatuordecim maioribus naubus im-
 pediebat Vinterus. graues tam in castris quam
 Vrbe subinde exorta strages, dum mutuis se frau-
 dibus hostes caperent, ac caperentur. Aeneorum
 tormentorum nō minus assidua, quam aperta vis
 fuit vtrinque, quibus promiscua militum du-
 cumque cedes edebantur. nec silendum videtur
 quod die, qui triumphanti de morte Christo sa-
 cer est, in magna hominum frequentia contigit. *Angli tor-
 menta in Eccle.*
 Scoti Gallique dignitate ac virtute præcipui *siam sine
 strage ex-
 plodunt.*
 in maiore Leythi Ecclesia, ad solemne sacrum
 conuenerant: hoc Andreas Lecho ex D. Domi-
 nici familia peragebat: hostis, cui notus erat pu-
 blicorum votorum inter catholicos ritus, quo se-
 curam in maximo hominum conuentu cladem
 faceret, maiora aliquot tormenta, quæ à colu-
 bris nomina habent, tanto artificio contra Eccle-
 siam disposuit, vt globi fenestra, quæ iuxta altare
 erat, exciperentur. Sacerdos nisi absoluto rite sa-
 crificio ab altari non recessit, cæterique magna
 constantia velut confirmati coelitus astiterunt: ita
 globi dirigente numine per oppositam portam ir-
 rito plane impetu delati, nulli penitus nocuerūt.
 Catholici qui præsens numinis auxilium in ma-
 ximo illo discrimine fuerant experti, eodem ani-
 mati, luce proxima in Anglorum castra irruptionem
 faciunt, superioris diei molestias feliciori
 exitu

Constantia obseſſorum in ſame toleranda.

exitu vindicaturi: ibi non dubia edita ſtragos, & Graius baro, qui audacius reſtiterat pluribus cōſoſſus vulneribus agrè à ſuis receptus eſt. iniuriā hanc Angli primū acri oppugnatione vindicāre conati ſunt: ad obſidionem deinde conuerſi, oppidum tanta irā, ac diligentia cinxerunt, vt obſeſſi omni com meatu deſtituti, canibus, equis, gliribus, ac felibus inſigni patientia ad dies plures famem tolerauerint. nec vlla hoſtium vi, aut victus neceſſitate expugnari potuit miranda illa Catholicorum militum erga principem ſuam fides: donec pacis conditiones inter Scotos. & Anglos corā Gallia legatis publicè ſancitæ eſſent.

Ad Ann. MDLXI.

Regens moribūda proceres ofſicij ſui admonet.

Regens, durante adhuc Leythana obſidione, tantis malis atq; anguſtijs feſſa, in morbum incidit, quō ingraueſcente, vocatos ad ſe Catholicos Proceres Orthodoxæ religionis, libertatiſq; patriæ pia oratione admonuit; tum vt fidem, quam Regina ſua deſerendo magno conſtantiq; animo colerent: ac pablo poſt in Ediniburgenti arce, in quam ſe vt inter varios bellorum caſus tutior eſſet, prudenti conſilio receperat, diē clauſi extremum, deſunctæ funus regia pompa clauſum, quod vniuerſæ Scotiæ lugubre fuit; ſed Eccleſiæ præſulibus planè exinoſum; quorum pauci, qui illa ſuperſtite bonis ſuis potiebantur; deſuncta à ſectarijs, Sacerdotijs peculioq; nudati, ad extremam rerum omnium inopiam deducti fuerunt.

fuerunt tandem ubi Galli milites Scotia cesserē,
non contenti sacerdotum bonis hæresis ministri,
omne catholicum nomen delere aggrediuntur.
Et Cnoxius cæteriꝑ; Apostata nobilibus hæresi
corruptis persuaserunt, ut Papistæ, quo nomine
se Catholicis inuidiam facere putabant, Edim-
burgum ad reddendam de fide rationem coge-
rentur. Venere Aberdonia, quæ postrema inter
Scotiæ Ciuitates fidem deseruerat, insignes ali-
quot viri atque omni posteritatis memoria digni,
Ioannes Leslæus Rossensis postea Episcopus, Pa-
tricius Mortonus, Iacobus Straquhinius, & Ale-
xander Andersonus. hos cum Cnoxius, varia de
fide quam profiterentur in foro corā proceribus
populoꝑ; interrogasset: Alexander Andersonus, suo
ac reliquorum nomine, in hunc modum respōdit.
*Si noua fidei dogmata, aut recentia seduloſorum hominum
commenta contra statuta maiorum, legesꝑ; regni huius affer-
remus: non eſſet cur de professione nostra interrogantibus re-
ſpondere, ſedique noſtra rationem quærentibus reddere
grauaremur. iam vero cum ea noſtra ſit de religione ſententia,
qua mille quingentis, & quinquaginta annis in Europa, in
Scotia ducentis minus floruit: ipſa annorum ſeries, conſtansꝑ;
ſeculorum veneratio, cum prudens piorum ac eruditiorum
hominum conſpiratio effecere, ut non ſine admiratione, quæ à
vobis de fide noſtra in præſentia quaſita ſunt, audiuerimus. In
Deum credimus cuius virtute creati, cuius ſanguine redempti,
eius ſpiritu ſanctificati in ſortem filiorum Dei vocati ſumus.*

Andersoni de fide
Catholica
rogati reſ-
ponſum.

credimus Dei Ecclesiam, quam Christus cælestis doctrina normam, sacra veritatis magistram, ac divinorum oraculorum fidam interpretem mundo reliquit. in qua fons est viventis aqua, qua nunquam deficit: vita verbum, quod nunquam minuitur: lumen deniq; in excelsis positum, cuius radij æterna claritatis splendorem in filiorum Deimantes transmittunt. Ecclesia, cuius nos filij sumus, eadem nunc doctrina est quam Christus revelavit: quam prædicarunt Apostoli: quam horum successores, aut scripserunt, aut verbo ad nos transmiserunt. Ecclesia hac supra petram adificata est, quam licet infernus permissente Christo vexare possit: contra eam prævalere nulla humana aut infernalis potentia unquam poterit. In medio Ecclesia futurum se promissit Christus, à qua usq; ad sæculi consummationem non est discessurus. pro Ecclesia patrem exoravit Dei filius, & exauditus est. Spiritum veritatis ad Ecclesiam missis increata illa sapientia; qui eam omnia divinorum mysteriorum arcana doceret. ad huius Ecclesie tribunal, peccante in nos fratre, causam dicere tenemur: quam qui salutaria monentem non audieris, fidelium Christi consortio, non minus quam si Ethnicus esses aut publicanus, ipsius Domini sententia iam privatus censetur. Quæ verò Ecclesia huius sit doctrina; ex communi totius antiquitatis memoria, ex constanti Asia, Europa, atq; Africa consuetudine, & ex ipsis Patrum nostrorum annalibus, inuestigamus. Latere forse potuit ea doctrina, qua in omnem terram, primum ore Apostolorum, deinde Præfultum Doctorumq; prædicatione exiit? qua tot signis & miraculis clarnit, ut omnes merito fateantur eam omnipotentis dexteræ plantatam, eiusdemq; assidua virtute ali colig. Neque nos

scandalis illis, quibus Ecclesia tranquillitas turbatur, ab orthodoxa veritatis professione deterri debemus: horum visa praedictaq; in Evangelio necessitas fidelium constantiam non ferit, sed solatur. viderint interim ne qui huiusmodi procellis Dei Ecclesiam agitare student, va illud experiantur, quod ipsa veritas in eos per quos veniunt scandala, pronunciauit. Cnoxius focij; (qui Anderfonum aliquoties interpellatum ab Ecclesiae doctrina auocare studuerant) procures rogarunt: vt indicto tum silentio, eum cum caeteris qui Aberdonia venerant, Edimburgi manere, ac publicis ministrorum concionibus interesse cogerent. Ita enim nullo negotio fore, vt relicta papistica superstitione, ad puram reformati Euangelij notitiam peruenirent. mox Leslaeus, quæ demum ea esset reformatio interrogauit: *se quidem Ecclesias dirutas, eversa altaria, ac proculcata per nefas sacra vidisse: nec posse eam fidem, qua talia opera gigneret, non habere suspectam.* Variæ deinde diuersis in locis Catholicorum cum hæreticis sequutæ dissertationes: in quibus VVilloxius, facrum inter nouatores caput, à Ioanne Blaco ex D. Dominici familia in frequente hominum conuentu egregiè confusus, tantum non manus dedit. Verùm quid profuit ratione vicisse eos, qui omnia aperta armorum vi peragenda susceperant?

Cnoxius
inscitiam
suam tege
re cona-
tur.

Leslai de
reforma-
tione in-
terrogatio

VVilloxi-
us à Blan-
co victus.

Hæc quidem religionis apud Scotos conditio fuit, quando Maria Stuarta, marito Francisco

Ad Ann.
MDLXII

Gal-

*Maria
Stuartain
Scotiæ re-
dit in-
er-
mis.*

*Comitia
Edimbur-
gi habita
in quibus
decretum
iniquum
editum.*

*Iacobi Stu-
arti no-
thi impie-
tas & cru-
delitas in
proceres.*

Galliæ Rege immatura morte defuncto, in patriam redijt. quæ Northi fratris, cui Moraviæ Comitatum iam contulerat, fraudulentis suasionibus inermis planè venerat, nec ijs instructa copijs, quæ ad rebellem seditiosamq; provinciam in officio continendam, necessariae erant. ex eiusdem consilio Regina trium ordinum comitia Edimburgi habenda curavit, in quibus illud sancitum, ut nihil omnino circa religionis statum immutaretur. decreti huius iniquitate consternati Catholici sibi pessima quæq; timere cœperunt. & quamvis magnam spem in regina, quæ Orthodoxæ fidei propugnatricem sciebant haberent repositam, vix ausi sunt eam, aut verbo aut scripto monere, quanto in discrimine catholicum nomē in Scotiā versaretur; ita late omnia metu, terroreque compleverat Northus: Archiepiscopus D. Andrea, Aranius, & Bothuelli Comites in carcerem detrusi. Huntlaus comes occisus: cuius filius natu maximus custodiæ perpetuæ mancipatus; alter capite plexus: Sutherlandiæ comes proscriptus cum alijs multis, quos vel maiorum gloriâ, vel propria merita immortalibus præmijs dignos fecerant. Tum verò Ministri, qui liberum vnicuiq; in diuino cultu, si modo Christum profiteretur, relinquendum arbitrium olim docebant: iam quasi publica autoritate legèque recti, hæresis suæ formulâ omnibus proponere, fisco

fisco; exilio; atque ipsa mortis pœna armatam.
Regni proceres, nullius religionis amore odious
duci, sacerdotum aliorumque proscriptorum
bona tanquam publici quæstores, occupabant
nullis tamen impiorum prædicantium adhor-
tationibus induci potuerunt, ut ullum vita-
solo religionis nomine, priuarent. dum proce-
rum rapinis, ac minis legum, euersam peni-
tus Catholicam fidem arbitraretur Cnoxius,
nec ullum esse, qui eius causam tot malis
oppressam propugnare, aut posset aut vel-
let: nobilibus regni obtulit, se, ad cuncta hæ-
resis suæ dogmata verbo Dei, ac grauissimis
rationibus firmamda paratum: idque Lithuoi
coram frequentissimo ordinum conuentu. Sed
Ninianus VVinzetus tam perficiæ frontis syco-
phantam catholica veritate fregit, ut is despe-
rata victoria ad solitas calumnias, confugiens
non ferendam impij VVinzeti audaciam, pro-
clamaret: *De à Deo missum, à Christo ad euangelium re-
formandum vocatum, nec minorem sibi fidem adhibendam,
quàm Amos Propheta, aut D. Ioanni Baptista: habere. Dei
spiritum familiarem, cuius secreta inspiratione, omnia diui-
norum voluminum arcana haberet prospecta. carcos esse. Papæ
Eas, ac mœros idolorum cultores, qui, anilibus fabulis nulla
sacrorum codicum auctoritate nugas suas defenderent.* VVin-
zetus insigni hac Cnoxij desperatione minimè
contentus, scripto de rebus controuersis libello,

Proceres
sacerdotū
bona occu-
pant.

Cnoxius à
Niniano
VVinze-
to confun-
ditur.
Cnoxij in
pudens;

VWinze-
tus de re-
bus cōtro-
uersis li-
brū edit.

*Typogra-
phus pu-
nitur.*

*Iterū vin-
citur à Ke-
nedo.*

*Kenne-
dus varia
de fide scri-
bit.*

*Maxuel-
lus cum
Vvilloxio
congrédi-
tur.*

octuaginta tria fidei capita, de tot enim lites mo-
uerant tunc temporis in Scotia nouatores, tanta
eruditione ac tam veris rationibus discussit, vt
responsum expectare iussus, id etiam num eius
posterius expectemus. deriuata tandem in typog-
raphum, qui librum excuderat, rei inuidia: is
bonis exutus, ac in carcerem deiectus, iracun-
diæ Cnoxij pœnas dedit. Et Quintinius Kennedus
Cassilij Comitissæ frater, non genere quam vir-
tute illustrior, totos tres dies cum eodem apo-
stata in magna hominum concione de religio-
ne disputans, victum tandem arena cedere coc-
git. idem, præter opuscula quædam, ad rudiorum
institutionem, librum edidit de Conciliorum
autoritate, & alterum de venerando altaris sa-
crificio. Sicut Lithquoy & alibi Cnoxius, ita
Glasgoæ Vvilloxius ignorantia suæ infamiam
prostituit. nam à Iacobo Maxuello bis teruè
mendaciorum conuictus, respondit incredibili
dementia: *Deum elegisse humilia, vt confunderes fortia,
sapientiam mundi insipientiam esse apud Deum, fide denique
non doctrina homines placere Christo.* quæ insanæ teme-
ritatis non leuia fuerunt argumenta. Hæc an-
notare volui, vt scirent exteri, fidei causam
nunquam à nostratibus desertam, sed per im-
probas sectariorum artes, latis legibus armo-
rumq; vi, oppressam fuisse. Cnoxius interea, vt
auersum à sua impietate Regina Mariæ animum
vidit

vidit (quæ nullis vnquam periculis, nulla regnan-
di dulcedine induci potuit, vt auita maiorum fide
relictæ hæresi faueret) tam grauiâ nobilium, plebisq;
in eam odia accendit: vt non quieuerint indigni
(proh) tali Principe subditi, donec Regno, liber-
tateq; priuatam, in hostium vincula profugere
compulerint: à quibus inaudita, sed laudabili mor-
te affecta, de rebelli hæresi immortalis nominis cum
gloria triumphauit. cuius vitam quia tribus ab hinc
annis ipse breuiter conscripsi, plurima hæreticæ
perfidie documenta isthic à me narrata, hoc opẽ
re non persequor. Maria priusquam hæreticorum
armis opprimeretur, Iacobum Principem ex Hen-
rico Stuardo suscepit: quem Nothus eodẽ
quo natus est anno, matri auoq; hæredem decla-
rans, regijs insignibus ornauit. ita reseruata sibi
rerum omnium potestate maxima, infanti nomen
solum reliquit. Conuocatis itaq; Regni ordinibus
nouis legibus tyrannidem suam, hæreticamque
impietatem muniuit: harum aliquas subiecere
statui.

Vt quæ à Romano Pontifice sancita essent, nul-
lum in Scotia locum haberent.

Vt ne quis Sacerdotium. à Romano Pontifice
impetrare, ne Romanum tribunal appellare au-
deret.

Vt quidquid ab vllis Scotorum regibus in re
formata, vt vocant religionis detrimentum lege

*Iacobus
Maria sus-
ceptus à
Notho.*

*Ad Ann.
1566.
Decreta
quedam
contra religio-
nem à No-
tho in Co-
mitijs san-
cita.*

cautum esset; id totum pro irrito haberetur.

Vt si quis Missæ sacrificio interfuerit, aut illud celebrauerit; pro prima vice bonis exueretur, pro secunda solum verteret, pro tertia capite plecteretur.

Vt ne quis Catholicæ religionis professor, aut vt illi Papista, ad magistratus, quæsturas; aut vllas publicas regni functiones promoueretur.

Vt iisdem priuilegijs, immunitatibus, gratijs, ac fauoribus, prædicatores ipsorum, quos ministros dixere, securè fruerentur; quibus pij olim reges Ecclesiasticum ordinem; ob insignia illius merita, ornarunt.

Vt in tertio consanguinitatis gradu liceret omnibus matrimonium contrahere.

Ad Ann.

1570.

Nothus occisus.

Publicata insuper noua fidei professio impietatis plenissima.

Quam gratæ numini hæ leges fuerint, auctoris exitus comprobauit: nam quiescentibus, ad tantam iniuriam Catholicis, Iacobus Hamiltonus, quo gentis suæ contumelias memorabili facinore vindicaret, Nothum Lithquoi in maiore platea magno equitum comitatu septum, glande plumbea inopinatum transfixit. ita qui hæresim tantum assiduis conatibus per Scotiam promouit, ab hæretico homine dignam laboris mercedem retulit, paulo post Lenoxius regens comitia Edimburgi indixit; quæ vbi Stirlingum transtulisset, ibidem occi-

Lenoxius occisus.

occisus ab Hamiltoniarum partium centurione fuit. Comitia, quæ inchoauerat Lenoxius, Marriæ comes regens delignatus absoluit. in his leges contra Catholicos iteratæ. Mortonus comes ad laborauit; vt Episcopi in Scotia ad Ecclesiæ Anglicanæ normam instituerentur; nec aliud euiçit, quam vt essent qui Episcoporum nomine, ac retribus honestarentur, nullam tamen in ministros potestatem exercerent. Extincto morte subitanea Marriæ comite, ad Mortonum regiminis summa delata. hic in comitijs Edimburgi habitis autor fuit;

Marriæ comes reges.

Ad Ann. 1571. Mortonus reges decreta in Catholicos procurat.

Vt qui hæresim desererent, aut qui Scoticam communionem non admitterent, nisi moniti resipiscerent, infames haberentur.

Vt qui nouæ scctæ aduersarentur ex subditorum regis albo deleterentur; quosque ministri anathemate percussissent rebelles dicerentur.

Vt denique Scoti omnes tenerentur patriæ suæ religionem defendere contra quosuis Principes, regna, & Prouincias à quibus Tridentina Synodus recepta esset.

Mortonus quoq; ne cæteris hæreticæ impietatis promotoribus infortunio cederet, primum omni regi moderatione, ac postea vita ipse priuatus, exemplo fuit mortalibus, quam instabilis eorum felicitas sit, qui humanæ potentia plusquam virtuti fidunt.

Mortoni infortunium.

Ad Ann.
1576.
Iacobus R.
regimen
suscepit.

Infausta hæc Regentium tyrannis, qui cœlum ipsum legibus impijs oppugnare statuerant, succedente in auitum regnum Iacobo VI. pene puero oppressa fuit. Hic à materno sinu per vim atq; iniuriam raptus, paucorum tantum mensû puer, cum catholico ritu nomen in Baptismo accepisset, nutricibus primum, mox pædagogis hæresi infectis instituendus traditur. inter hos non minus fuit insignis, tam nequitia quàm doctrina, Georgius Buchananus. qui pestifera Calvinianæ prauitatis dogmata orationis sermonisq; elegantia, atq; poeticis lenocinijs delibuta, tam pertinaci studio menti teneræ inculcauit: vt non mirum fuerit Iacobum, neglecta maiorum pietate, vltimis regentibus, quam priscis regibus similiorem fuisse. quod in primis regni Comitij ab ipso habitis palâ fuit: in quibus in hanc ferè sententiam latæ leges reperiuntur.

Ad Ann.
1579.
Decreta
Comitiorum à Iacobo habitatorũ cõtra fidem Catholicã.

Vt illi soli, qui fidei in Scotia probatæ formulæ, communemq; regni illius sacrorum administrationem profiterentur, veræ Ecclesiæ filij haberentur.

Nullam esse Orthodoxam religionem nisi quam Scoti tum amplecterentur.

Vt nullus nobilis inprimis liberos suos ad exterarum regiones transmitteret, aut alio migrare permetteret: nisi impetrata prius à rege venia: eaque exorata, iurarent aut fide iuberent, se mordicus vbique

vbique religionem (hæresim intellige) quam Ministri in Scotia docerent, retenturos.

Vt unusquisq; in ædibus priuatis Biblia haberet vulgari Scotorum sermone edita.

In iisdem deniq; Comitijs à tribus regni ordinibus concessa primum, rataque autoritas ministrorum Ecclesiæ Scoticæ, & Euangelium publicè prædicandi, sacramenta administrandi, moresque reformandi, potestas tributa: & sancitum ne vlla alia iurisdictio Ecclesiastica in Scotia, quam hæreticorum prædicantium agnosceretur.

Noua Comitia regia insequens annus habuit, in quibus illud importunis ministrorum interpellationibus statutum, Ne peregrinationes, ad sacella, altaria, aut alia loca sanctitatis nomine conspicua, ab vlllo susciperentur. actum præterea vt dies omnes quos veneranda maiorū pietas omnipotenti Deo sub Christi, aut Sanctorum memoria sacrauit, inter profestos haberetur: ne cultu aut feriatiōe solemni celebrarentur. insignem hanc perditissimorum hominum impietatem diuino plane spiritu, vt omnia, prædixit Vates Regius psal. 73.

Dixerunt in corde suo cognatio eorum simul: quiescere faciamus omnes dies festos Dei à terra.

legibus prædictis ex voto compositis, ministri cum omnia ex suo suorumq; arbitrio pendere, fauente & annitente inprimis Buchanano, cernerent: de autoritate sibi apud Regem constanti vinculo stabilicda, cogitare ceperunt.

*Ad Ann.
1580.*

Comitia in quibus peregrinationes, et dies festi proscribuntur.

Impia ministrorum artes in autoritate sibi stabilicda.

ruant. impia illorum consilia fouerunt; nutritæ inter proceres discordiæ; suscitata in Magistratu partium studia, ac populus contra Magnates incensus. hisce temerarijs seditionibus; ut natus primum, ita nutritus aliquandiu insolens ministrorū fastus: nam assueti apud Regentes, quorum precarium & temporarium fuit imperium, omnia pro libidine gerere; idem à Iacobo, cuius legitimum erat in subditos dominium, cōtendere: quod à puero impetrare non vsque adeo difficile erat. verum adultior factus impiam perditorum hominum rebellionem, qui ex leges viuere, nec vllius præterquam immortalis Dei imperijs subesse se iactabant, salutaribus legibus compescuit. habito itaque Edimburgi conuentu decreuerunt ordines. Regem summam plenamque in subditos; cuiuscunque illi gradus aut conditionis essent, nemine excepto; potestatem habere: quam qui ministerij, atque adeo cléricatus titulo subterfugere cōtetur, læsæ maiestatis reum esse prohibita quoque fuere, ut impia mendacia, ac regum securitati noxia, quæ Georgius Buchananus, tam in Historia, quam in libro de lute regni apud Scotos scripserat. hoc freno cōcercita non nihil ministro- rum in regem nequitia, primo quoque tempore renascitura. cessisset hæc reformatæ fidei professorum audacia in maximum Catholicæ religionis emolumentum, apud regium animum mansuetu-
dinis

*Ad Ann.
1584.
Decretaco
militiorum
in Mini-
stros.*

*Prohibita
Buchana-
ni historia
et Dialo-
gus.*

dinis iustitiæq; Christianæ capacem, nisi inquietar
 quorundam ingenia, atque vicina Angla adole-
 scentem à melioribus consilijs deterruisset. Alteris
 eodem anno coactis comitijs auctoritate regia cau- Comitia
in quibus
carniū e-
sus statu-
tis diebus
prohibe-
tur.
 tum, præscripta errantibus pœna publicationis
 bonorum, vt omnes quarta, & sexta ferijs, sab-
 bato quoque, & quadragesimali tempore, esu car-
 nium abstinerent. Solemnis enim illa patrum tem-
 perantia Orthodoxæ Ecclesiæ legibus sancita, ita è
 mortalium mentibus profana ministrorum opera
 eradicata fuit: vt necessarium esset pro communi
 totius regni bono eam edictis, ac legibus Principis
 reuocari; quæ, cum cogere possint, plus valent
 apud improbam sectam, quam mitia Euangelicæ
 legis consilia: Quæ res Iacobum in primis mouit, Ad Ann.
1686.
Rex legi
auctoritate
in mini-
stros vi-
tur.
 vt spei plurimum in legum auxilio, ad impiòs ho-
 mines in officio continendos, poneret, vtereturq;
 fisci, exilij, atque mortis terroribus ad ea impe-
 tranda, quæ Catholici & boni subditi, spontè, &
 & rectè mentis conscientia auctore, datis à Deo
 Principibus præstare solent. Quare, dum male-
 dicos rebellionemq; spirantes sermones, alerent
 ministri, pleno ordinum conuentu Edimburgi.
 edicitur, morte esse puniendum quisquis verbo aut
 scripto ea proderet, quibus populorum in princi-
 cipem veneratio minui, & principis in populum
 charitas lædi possit. Interea Catholicis ob vere-
 ra, nouaq; Comitiolorum edicta vehementer agita-
 tis,

Religiosi
sacerdotes
in Scotiâ
veniunt.

*Leges cō-
tra Sacer-
dotes.*

tis, & magna in sacris peragendis, sacramentisq; administrandis pastorum penuria laborantibus, sacerdotes nonnulli religiosiq; viri ex Diuorum Benedicti, Dominici, Francisci, & Ignatij tum primum instituto ordine, posthabito vitæ discrimine, magna constantia subuenerunt. hi militem aut mercatorem vt plurimum mentientes, fidelium ædes labore indefesso obibant. Atq; ex eo, quod pro gente Scotorum Rhemis fundatum tum fuit Seminarium, operarij strenui in Dei vineam profecti, egregijs sudoribus claruerunt. contra hæc quoque dominici gregis sublidia, leges seueras extorserunt ministri in Comitij Edimburgensibus. Vt nimirum sacerdotes omnes, ac potissimum Seminariorum alumni, cum Iesuitis (horum quo illustrior virtus, eo infestius nomen erat) in Scotia commorantibus morte plecterentur: eadem pœna damnati, qui eos hospitio exciperent. facta etiam in singulis ciuitatibus potestas, vt magistratus liberos, qui fidei Scoticæ aduersarentur, flammis addicerent. & Lyndesius cum suis ferocis vir ingenij, qui Aberdoniam Papismo, vt iactabat, expurgare decreuerat, libros omnes rubris characteribus notatos promiscue, & absque delectu vel examine combussit inter quos plurima Pontificij, Cæsarij; iuris volumina periere. Venerat circa hæc tempora in Scotiam Gulielmus Simpelius Simpelij baronis frater; vir si quis alius, bel-
licis

*Ad Ann.
1687.
Simpelius
in Scotiā
à Philip-
po II, mis-
situr.*

licis laudibus, Catholicæq; religionis professione
 longe clarissimus. Hic à Philippo II. Hispania-
 rum Rege (qui celebrem illam classem, qua ma-
 iorem oceanus nunquam viderat, contra Angliam
 tum parabat) ad Iacobum, secretidra quædam ne-
 gotia pertracturus missus: huius adventus solatij
 plurimum Orthodoxæ veritatis professoribus at-
 tulit: percrebescente clamore, de nuptijs cū
 Isabella Hispaniarum Infanta contrahēdis regem
 cogitare, deque instauranda in Britannia Catho-
 lica fide seria agitare consilia. Verum quidquid
 de harum rerum veritate fuerit factum post pau-
 cos dies Hispanicæ classis naufragiū, aliam ac spe-
 rabatur, longeque diuersam rerum faciem ma-
 gnamq; mutationem dedit. coniectus quippe in
 carcerem Simpelius, quem pluribus ante hono-
 ribus auxerant, diuinoque plane beneficio mortis
 periculo ereptus, cui postridie destinabatur, viuit
 etiamnum in Catholici regis aula, Deo charus,
 gratus bonis, & longæua senectute iuxta ac meri-
 tis clarissimus. cuius celebrem in afflictis pro Cā-
 tholica veritate popularibus subleuandis indu-
 striam, & liberalitatem nulla non ætas loquetur.
 pia hæc optimi senis studia ad miraculum pene
 iuuat promouetque Dux Gaspar Gusmanus Co-
 mes Oliuerius, vir certe omnium scriptorū me-
 moria dignissimus: qui Hispanici Imperij co-
 lumnas inaudita genetosæ mentis fortitudine, &

*Ad Ann.
 1588
 Hispani-
 ca classis
 naufra-
 gium.*

Catholici
arma ca-
piunt.

Postulata
Catholico
viri.

prudencia quasi Alcides alter sustinet. Absit scri-
to inuidia, de Hercule speciosa multa audimus;
Gusmani opera theatrum habent terrarum orbem
vniuersum, nosque spectatores. Si cælum Herculi
poetarum fabulæ ob laborum meritum tribuerūt,
cælum profecto Gusmano præclara Christianæ
pietatis studia, constansq; in diuinis promouen-
dis voluntas referabit. Sed cum angusta nimis hæc
pagina tanti viri laudibus sit, ego ad meos redeo.
missus in Daniam Marischalliæ Comes, qui nup-
tias inter Iacobum & Annam Daniæ regis filiam;
stabiliret, grauißima interea in catholicos perse-
cutionis excitata procella, hanc cum promiscue
in omnes deßeuire viderent Huntlæi, & Errolia
Comites, nec tutum sibi nisi in armorum præsidio
refugium esse, adscitis Crafordiæ Comite, & For-
bosio barone exercitum conscripserunt: ne nudi
& imparati ab hæreticis, qui frequentes Regem
Aberdoniam venientem stipabant, opprimeren-
tur. & quo omnis rebellionis abesset suspitio, mi-
fere supplices, qui Regem precarentur, vt nobi-
libus fidisque subditis aliqua saltem Catholicæ ve-
ritatis profitendæ deretur facultas. Scire enim se
optimum Principem, non proprio ingenio, sed pessimorum apo-
statarum consilijs, ad seuera contra Orshodoxos edenda decre-
ta, inductum, nec quidquam miseriùs dici posse, quam tot clara,
regni capita, seditiosorum ministrorum, quibus, nec doctrina
nec virtus, nec legitima vocatio auctoritatem conciliaret libidini
subia-

subiacere: hanc nulli magis quam Regi timendam experientiam docuisse. Quare liberaret se impia tyrannide, ac fides proceres quotidianis eriperet periculis, non longa deliberatione opus esse iuberet solummodo rex, se reliqua curaturos. Iacobus cum nec illa quæ petebantur recusare, nec tutum concedere existimaret. Comites tantum ad arma deponenda hortatus est: cum facilius esse diceret probare, quam exequi quæ ipsi vellent. Comites certe ubi regem sine manifesto discrimine e sectariorum manibus eripi non posse intellexerunt, dimisso exercitu, qui regium numero longe superabat, ab incepto destiterunt. Plus nimirum valuit apud Catholicos viros Principis salus & securitas, quam propria.

Catholici
iussu regis
arma de-
ponunt.

Rex vt Edimburgum redijt, morarum, quas Marischallus in cõducenda in Scotiam regina necebat, impatiens, ipse in Daniam trajcere decreuit. Sed procellarum vi in Noruegiam delatus, Vpslouij Daniæ regem sponsamq; conuenit, celebratis ibi regio more nuptijs, in patriam cum coniuge reuersus est. promissa reginæ, quæ Lutherana hæresi imbuta erat (hæc autem toto cœlo à Caluini secta differt) conscientiæ libertas. Sed acris ingenij Princeps, cum nec patria dogmata satis probaret, odissetq; Scõtica, de Catholica religione, cuius nullus omnino in Dania vsus est, inquirere coepit. actandem opera Huntlæ Comitissæ, aliarumque nobilium catholicarum scæ-

Ad Ann.
1589.
Rex in
Noruegiã
delatus.

Regina se
Catholica

*Ministri
Reginam
vexant.*

minarum ad æternæ veritatis notitiam perducta in dominicæ proles sortem transijt: quam Robertus Abercrombius ex Societate Iesu fidei mysteriorijs piè instructam hæresi absoluit: quo viro ad expiandam conscientiam quandiu in Scotia mansit vsa est. Reginam vbi Catholicam sciuerunt ministri, ijs iniurijs affecere, quas nec priuata conditionis mulier æquo animo tulisset. Rex omnia dementiæ nomine apud coniugem excusans, eam solum monuit, vt cautè sua sacra perageret: cæterum, quam crederet optimam, eam sequeretur pro arbitrato suo religionem: longum esset omnia recensere, quæ vel ad sua deliria stabilienda, vel ad catholicam fidem euertendam excogitarunt ministri: cum in singulis conuentibus in nulla re magis, ac nouis condendis contra Catholicos legibus, occuparentur. Et Robertus Brusius Puritanorum (quod genus hominum ineptissimum ab alijs etiam hæreticis habetur) coriphæus, strenuè in comitijs adlaborauit, vt Dominica dies in feriã quartam, aut sextam, & quadragesimæ ieiunium in autumnum transferretur: ne quid puris Dei cultoribus (hæ sunt Caluinianorum in loquendo elegantia) cum Papistis commune esse videretur: hæc quidem à prudentioribus risu excepta, sciscitanti- bus puta ecquid terra, aqua, aut aere; cum Papi- stis promiscue vterentur? Sanxere nihilominus, & edictum extorsere, quo crimine læsæ maiestatis damnan-

Ad Ann.

1592.

*Brusy de-
mentia qui
diem Do-
minicam &
quadrage-
simam im-
mutare te-
tat.*

damnantur, tam Sacerdotes, quam qui Sacerdotibus hospitium præbent.

Non legibus contenta ministrorum rabies Argadiæ Comitem ; magni animi adolescentem , regia potestate ad excindendum per Scotiam Catholicum nomen armant . hic conscripto decem mille, & amplius hominū exercitu, celeritate maxima in Catholicos progreditur. horum Principes Huntlaus, & Errolus Comites, ne inulti perirent, ad arma confugiunt: sed multorum clientum amicorumq; , vt in rebus desperatis fieri solet, auxilijs destituti, vix mille, quos religio mouerat , sub signis habuerunt. diuino potius auxilio quam humanis viribus freti in aciem prope Glenlietum descendunt. D. Francisco sacer erat pugnae dies, à quo Errolia comes nomen habet, milites expiatis animarum sordibus, sumptaq; Eucharistia galeas cruce ornant, hæc fidei militiæq; tessera fuit. Huntlaus qui de hostium multitudine certior redditus erat, differendum in præsentia prælium, atq; expectanda subinde auxilia suadebat . Verum Errolus, cuius insignia merita nulla vnquam ætas filebit, multis grauibsq; rationibus ostendit mortem suis perniciosam, hosti salutarem fore. tum ad circumstantes conuersus, bono animo esse iussit: se enim bene de victoria sperare, ac primam aciem ducere velle. *nam quantum nos hostes numero, inquit, tantum nos illos animis, ac causa aequitate superamus. illi tu-*

Ad Ann. 1604.

Argadius in Catholicos arma mouet.

Huntlaus et Errolus fidei causam suscipiunt.

Errolus ad suos animados oratio:

multa-

multarum populacionibus afflucti, nec ulla militari disciplina
 efformati, ubi primos ordines turbauerimus terga dabunt. res-
 trum contra vix ullus est qui & militis & ducis partes, ubi opus
 fuerit, obire nesciat. illi alieno imperio ad arma compulsi, nec
 supplicium si fugiant, nec pramiū si vincant à quoquā expectant:
 nobis vero, quibus necessitas extrema hac remedia suggerit, aut
 vincendum fortiter, aut gloriosè moriendum est. Verum licet
 mori in tam nobili praelio optandum esset: cui, precor, bona no-
 stra, cui coniuges, & charissima liberarum pignora relinquimus?
 an horum barbarici, quorum immanem crudelitatem, regionum,
 qua transferunt, vastitas testatur? absit: iam infelicia omina
 auertas Deus: qui si ullis unquā Scotorum armis fauerit, hodie-
 no profecto die nobis deesse non poterit. quid enim aliud iam su-
 perest, quam, ut polluti sacris, euerisq; altaribus ex hominum
 etiam pectoribus catholica maiorum fides enellatur? quod ne fiat
 Christi in primis, calitumq; sanor; tum virtus ac fortitudo ve-
 stra efficiet. Et quia longiore oratione vos alloqui tempus prohi-
 bet, ipse exemplo meo docebo quid ab uno quoque expectam.
 Iam in conspectu erant hostes, qui barbaro clamo-
 re Catholicorum paucitatem spernebant. Errolius
 dispositis suorum ordinibus, duo tormenta bellica
 in aduersam aciem displodi curauit, ediditque
 non leuem in conferta multitudine stragem. tum
 cum equitum præstantissimis in hostium agmen
 inuectus, nullas strenuissimi imperatoris partes
 omittit, qua sui inclinabant opem ferre, qua cede-
 bant hostes instare, laudando strenuos tardiores
 adhortando, fessos excitando, quacunque ince-
 debat,

Pugna ca-
 tholicorum
 cū Hereti-
 cis ad Glē
 liuetum.

debat, globum nobilissimorum militum secum
ducens, viam suis aperire. iam cum peditibus ad-
uenerat Huntlaus: ad quos hostis conuersus tela
confertim mittere coepit. inde equitibus pugnan-
di pausa facta. Sectarij vbi nouis se copijs opprimi
animaduernerunt, paucitatis nostrorum, & mul-
titudinis suorum immemores (vincere enim po-
tuere pene ociosi, & aliud agentes, si in acie tan-
tum immoti stetissent) effuso cursu terga verten-
tes proiectis armis, & vestibus, seminudi in vicinos
montes profugiunt. Et quamuis plurimum labo-
rauerit Argadius, strenuissime partibus suis fun-
ctus, vt seruatis ordinibus se reciperent, nihil pro-
fecit. ex hostibus plurimi, e nostris octodecim tan-
tum desiderari. aliqui victoria vtendum, rectaque
ad regem promouendum exercitum, qui felicibus
successibus creuisset sine duobus, suadebant. Sed
comites, apud quos sacra erat maiestas regia, sa-
tis habuerunt periculum à capitibus suis depulisse.
ea in pugna cecidit Achindunius baro Huntlai
comitis patruus, vir fortitudine, & genere clarissi-
mus. Errollius plurimis acceptis vulneribus, tibiaq;
equi quo vehebatur lateri ferrea teli cuspide affi-
xa, non nisi confecta pugna & parta victoria, aut
eximi sagittam, aut vulnus obligari passus est.
Intellecta hac suorum etade ministri (qui antea
dum certa Catholicos debellandi spes videbatur,
Deum illo pralio probaturum, cui religioni faue-
ret,

*Huntlai
aduētu in-
clinat hæ-
reticorum
acies.*

*Catholico-
rum in Vi-
ctoria mo-
deratio.*

*Ministro-
rum in Ca-
tholicos ra-
bies.*

*Comitum
proscripta
bona.*

ret, in suggestis ac concionibus publicis insolenter iactabant) ad Regem conuolant, pessima quæq; in Comites, ac vniuersum Catholicum nomen criminati: nec ab impijs conatibus destitere, donec duo Scotiæ decora rebellionis dampnati, eorumque bona fisco regio adiudicata essent. tum quod nemo septentrionales regni partes, vbi comitum autoritas vigeat, ad eorum bona occupanda progredi auderet; Rex ipse instigantibus Puritanis profectus, Strabologæum Huntlæi, & Slanesium Errolij munitissima Castra à fundamentis dirui iussit. eadem cum Huntlæo, & Errolio publicationis bonorum poena mulctatus Angusius Comes, egregius Catholicæ veritatis assertor. Sic tres nobilissimi Scotiæ Proceres vno eodemque tempore bonis exuti ob Catholicæ fidei professionem exularunt. Angusius, quod primariæ dignitatis apud Scotos munus est, procedenti ad Comitiam regi coronam præfert. Huntlæus hæreditario iure regiam præturam in pluribus provincijs exercet. Errolius Magnus stabuli comes est; notus apud exterarum nationum potentiæ autoritatisque gradus. hic non foris quam domi ab hostibus tutior, (magnarum enim virtutum, magnæ plerumque calamitates sociæ comitesque sunt,) dum in mentito serui habitu ex Hollandia, quo eum tempestas detulit in Brabantiam cogitat: eximia, quæ in vultu lucebat & maiestatis plena

*Tres principum
Scotiæ proce-
res ob fidem
exulant.*

*Errolius
ab Hollân-
dis captus
Stratagemate
eua-
dit.*

na comitate proditum, à Canfrenfibus captum
Elifabetha Angliæ Regina ab Hollandis contra
gentium ius impetraverat: & certo iam fupplicio
deflinauerat. Sed pridie quam in Britanniam na-
uigandum effer, Errolius centurionem, cæterosq;
Anglos cufodes fuos fplendido epulo acceptos,
ac iteratis Lyæi hauftribus confufos in figni ftrata-
gemate decepit: nam ipfe fimulata viciflim ebrie-
tate in ftratum, quali ex vino capitis grauedinem
fomno leuaturus, negligentius fe proiecit. tum
vbi conuiuas, tam fui quam captiui oblitos, akum
ftertere animaduertit, folus per pofticam euafit;
relictis famulis, quorum cura fuit omnia familie
minifteria pari lautitia exhilarare, ne dolum pro-
derent. Sic confcenfa Scotica naue, quam fors ob-
tulit, incolumis ad fuos, miranda diuini numinis
ope adiutus, redijt. Angufius, & Huntlæus diuer-
fis quoq; temporibus in patriam rediere.

Dum comites exularèt, vix dici poteft in quan-
tam audaciam infolens miniftrorum nequitia cre-
uerit, quod nullâ fupereffe in Scotia potētiam pu-
tarèt; qua impiæ temeritatis gradus fifti poffet. Sic
eiectis regno Orthodoxæ fidei ftrenuis propugna-
toribus, ad cæteros opprimendos fe fe accingunt.
hac in parte dum regem qui plures catholicos pub-
licis ac priuatis adhibebat confilijs, expectatione
fua inueniffent feigniozem, quali furijs perciti tem-
pla, fora, & plateas feditionis querelis impleuere.

*Ad Ann.
1696.
Miniftro-
rum auda-
cia.*

Forlidem Regem purioris Evangelij pertasum, Papisma iam palam faueret;
querelę in frustra in populo erudienda laborare verbi Dei ministros, fru-
regem. stra vitas suas Papistarum inuidia obijcere: quos rex non modo
 vinere sanctos, sed precipua dignitatibus ornaret. Se Deum homi-
 nesque vocare, fidei causam non a se, sed a Rege proditam. Vnus
Alexader erat Alexander Setonius contra quem comune &
Setonius consentiens ministrorum omnium odium apparebat,
Scotię Cę ac querelę non obscurę spargebantur. hic, ex no-
cellarius. bilissima & Catholica Setoniorum comitum familia,
 Romę multis annis vixit, virtutis non minus, quam
 pietatis studiosus, in patriam redux, cum generis no-
 bilitate, ac prudentię laude clarus esset, Regi in pau-
 cis charus fuit, a quo opulenti prędijs auctus supre-
 mi Senatus Pręses primum, tum magnus Scotię
 Cęcellarius euasit. in eo munere tantam iustitię in-
 tegritatisque famam adeptus est, ut morientis, su-
 nus luctu publico ornatum fuerit. hic ante annos
 quatuor, dum animam ageret, coram frequentissi-
 ma procerum multitudine, ipsisque adeo inspe-
 ctantibus & audientibus hæreticis nonnullis, & ex-
 ministrorum factione primarijs, orthodoxam ver-
 ritatem palam & constanter professus asseruit, se
 nihil in vita æquę potestandum egisse, quam quod
 remissione, & minus ætem in vera fide persisten-
 da, ut Principi morę generet, se exhibuerit. hæc ad
 fine lachrymis loquutus, adstantes rogauit, ut testes
 essent, ipsum in Catholica Romana Ecclesia mori.
 quæ addidi ut Scripserit illum virum imitetur
 morien-

morientem; quem viuentem tantopere mirati sunt. Ego interea ad Puritanos reuertor: quorum effra-
nem audaciam dum ego narro, tu detestaberis pie-
lector. Valterus Baquanqual, magnum inter Mi-
nistros nomen, postquam regem senatumq; con-
uicijs pro concione onerasset, Edimburgenses Ci-
ues supplex rogauit, vt ad horam diei decimam in
templo nouo, quod frequentes Ministri venerant,
præsto essent; reformati Euangelij plurimum in-
teresse, ne è fidelium numero vllus desideraretur.
illi partim religionis studio; partim rei nouitate
perculsi, ad templum nouum tanto numero con-
uolant, vt vix quisquam, præter imbellem mu-
lierum ac infantium turbam, domi maneret. Ibi
Gulielmus Vatsonus, qui cum Lyadesio barone
in eusiam, ad Euangelij negocia cum rege regijq;
tractanda, missus erat, pluribus questus negatam
sibi regis præsentiam, ac reiecta superbe à Senato-
ribus fratrum suorum æqual postulat. Tum Rô-
bertus Brusius, Puritani ministrij columen, ma-
gna vocis contentione ad confertam multitudi-
nem conuersus, ostendit quanto in periculo, sa-
mulorum Dei existimatio versaretur, quantaq; re-
formato Euangelio ruina immineret à Rege &
iniquissimo Senatu, nisi maturè strentiæque peri-
clitanti Ecclesiæ à fortibus viris subueniretur. Et
Alexander Vasius, vt ministris promiserat, in co-
lumnæ gradu eminens; porrecta manu in clamat:

*Minister
seditionē
mouet in
regem.*

*Brusius
ciues in re-
gem conci-
tat.*

*Vasij teme-
rarium di-
ctum.*

Edimbur-
genses ad
arma vo-
lans.

hoc brachium Gedeonis diuina iura vlturum
sequimini. quibus verbis tanquam æstro. conciti
e templo ad arma prouolant Edimburgenses. vnus
omnium sed confusus clamor erat, pro Deo & Ec-
clesiâ opem poscentium. Sic plateas forumq; au-
dacissimus quisque compleuerat: apparebatq; vim
Curia illatum iri, nisi opificum tribunus, regio-
rum adhortationibus motus, suos vt Deo & Regi
adessent monuisset. Ita Curia à furentium inua-
sione liberata. hærebant nihilominus in foro sedi-
tiosæ quibus cum duces, nō animi ad quidlibet au-
dendum deessent; Edimburgensis arcis Præfectus,
maioribus aliquot tormentis bellicis Vrbi obucr-
sis, vt foro excederent, impetrauit. nec hic finis
fuit. Nam Robertus Brusius, scriptis ad varios
Regni Principes literis, eorum auxilia, ad Dei &
Ecclesiæ causam protegendam, sollicitauit. Har-
miltonio vero summam rerum & imperium di-
fertæ obtulit. sed ille, data regi quàm à Brusio
acceperat Epistola, insignem ministrorum in legi-
timum Principem detexit perfidiam. vocati paulo
post Edimburgum Ministri ad rebellionis scelus
diluendum, crimine læsæ maiestatis damnati sunt.
Et licet iubente rege facinoris abolitionem impe-
trauerint, Puritanorum tamen ad hodiernum vsq;
diem fidei inusta rebellionis nota inhæret.

Brusij epi-
stola ad
Proceres.

Ministri
Maiesta-
tis dānati,

Ad Ann.
1597.

Rex quo impiam illam ac formidandam sectam
(quam Sathanismum Calvinistarū vocare solitus
erat)

erat.) sine armis opprimeret : nouam statuit administrandæ Ecclesiæ formam introducere : nā cum hætenus inter nouatores democratia obtinuisset, vt omnes ministri pares haberentur : effecit anarchia illa, quod in omni ferè eiusmodi populari regimine vsu venire solet, vt nihil nisi mera confusio esset : quæ ipsi regi, & politiæ ciuili nunquam non molestiam & turbas concitauit : hæc mala vt tolleret Rex, auctoritatem omnem & regendi potestatem paucorum arbitrio permisit : constitutis per Scotiam Episcopis Sectarijs, qui reliquis omnibus ministris gregarijs iure summo præessent. Angustum præterea, Huntæum, & Errolium Comites, vt nouus Puritanis metus incuteretur, in integrum restituit. & Huntæus cum Hamiltonio Marchionis titulo auctus. non prius tamen pessimæ Sectæ vires in Scotia fractæ & debilitatæ, donec Iacobus Angliæ Regno hæreditario iure succedens, potentissimæ gentis accessione roboratus, penitus stabiluit & firmavit Episcoporum auctoritatem, & festis diebus pro more Anglicanæ Ecclesiæ decretis (quod grauiissimum Puritanorum flagellum est) flexis genibus frustum illud panis in cœna quo Eucharistiæ loco vtuntur sumere; quadratos pileos, indumenta linea, atq; organa musica, quæ vt sacrilega in Sacerdotibus Catholicis olim damnarunt, ferre coegit. Secundum Puritanorum rabiem acerrimum fuit Roberti Cæcilij, qui Elisabethæ

Rex Ecclesiæ Scotticæ faciē mutat.

Proceres Catholicici in integrū restituntur.

*Ad Ann.
1598.
Cæcilij in*

Reginæ

*pium cō-
mentū ad
uersus Ca-
tholicos.*

Rēginā à secretis erat, in Catholicos, tam Sco-
tos quam Anglos, odium. hic inter cetera proflig-
atæ impietatis scelera, exploratorem & emissar-
ium sacrilegum, Remis in Anglorum Collegio
diu nutritum, sacrosq; Ecclesiæ ritus probe edo-
ctum (cuius opera in prodendis Catholicis Anglis
diu vsus fuerat) in Scotiam misit. ille Orthodoxi
Sacerdotis nomen, personamq; mentitus, quidquid
Catholici proceres in Deum hominesque peccas-
set, iplis crimina sua ex Ecclesiæ præscripto fā-
tētib; Cœcilio prodidit. Cœcilius Rēgi. cui li-
cet minus grata esset ceteri hominis in Scotiæ re-
bus inuestigādis diligentia, habitis de indicio gra-
tius, rem utcunq; transēgit, aut silentio transmissit.
Verū de Angliæ imperio securō rege, & instan-
tē vrgenteque vaferrimo illo Cœcilio, scruissima
pro fide tempestas in Angustum, Huntzūm, &
Errolium, ut alios omittam, exorta. Angustus, ut
assiduarum vexationum redimeret acerbitatem, in
Galliam profectus; (quō in regno ipsius maiores
Turonensem Ducatum, dignitatemque Imagistri
equitum obtinuerunt ob insignia Duglasijs nomi-
nis merita) in exilio, quod libens pro Christo sa-
bierat, vitam tandem magna virtutis & pietatis
fama meritisq; celebri, Lutetia Parisiorum clau-
sit. migrante ad cœtērem, uti speramus, pura
anima, corpus ad D. Germani in splendido tu-
mulo quiescit: bona vero Gulielmo filio (quem
patre,

*Ad Ann.
1608.
Angustus
exulat in
Gallia.*

patre, patriq; dignum, atq; Duglasie gentis gem-
men nobile omnes fatentur) cesserunt. Huntlaus
Marchio in Stirlingi castro pluribus annis detentus.
Errolus Edimburgensem arcem pro carcere hab-
buit: ubi præclarum sibi in fide Catholica profu-
tenda constantiæ monumentum, alijs ad imitan-
dum exemplum reliquit. Hos Iacobus Rex, fru-
stra reclamantibus ministris, nullius culpæ reos li-
berari tandem iussit. Vivit etiam nunc uterq; in Sco-
tia, atque ætatem diu, quod eximissimis atque cali-
dissimis votis boni omnes desiderant. Sunt præter
hos alij e prima nobilitate Catholicæ veritatis stu-
diosissimi: nam Argadiæ comes magnus iustitiæ
præfectus primariæ inter suos potentia; post Glen-
sildæam pugnam Bismam veniens Orthodoxæ ve-
ritatis luce illustratus, diu in Scotia secreta fidei
professione latuit: relicta demum patria in Belgio
cum Scotorum legione Catholica Regi contra Ba-
tanos rebelles magna fide inseruit, aliorum publi-
cata nomina, & laudes, nisi ipsi suis de causis la-
tere cuperent, cum vberem mihi ad narrandum
materiam, tum magnæ Scotiæ ad gloriæ cumulū
adferret. Sed eorum, quos publico hoc elogio in-
gnes id hunc censum refero, adeo omnium sus-
fragia comestata vindicataque, ac conspicua fue-
re certamina, ut sine crimine taceri nequeant. In-
ter hos Fjntreus, Ladilandus, & Bonitonus baro-
nes iure optimo numerari merentur: de quibus
crude-

*Huntlaus
& Erroli-
us ad car-
ceres de-
nati.*

*Argadia
Comes fit
catholicus*

*Tres baro-
nes cele-
bres.*

*Fintræus
capite ple-
xus.
Ladilan-
dus occi-
sus.*

crudeliter occisus cum sperasset triumphum mini-
strellorum impietas, sibi sedæq; suæ posteris, æter-
num infamæ & damnationis trophæum fixit.
Accusatus Fintræus, quod de Hispanis in Scotiam
conducentis consilia habuisset, capite plexus est.
Ladilandus cum non obscura in se Prædican-
tium odia cerneret (quibus ut Catholicum homi-
nem reum agant causâ nunquam defuit) eorum
inuidiam, in Hebridibus insulis delitescens, annis
aliquot declinavit. donec Andreas Cnoxius Pa-
sletensis Ecclesiæ Minister facinorosis quibusdam
homicidis (qui causâ priuatarum inimicitiarum
domum prope Glasgoam cum duobus infantibus
immanitate inaudita combusserant) persuasit, ut in
Ladilandum conspirarent: facta prius specerta,
prioris criminis veniam à Rege, quem atrocitas
sceleris plurimum offenderat, impetrandi illi quo-
vis facinore impunitatem empturi, Elsam insu-
lam, ubi Ladilandum latere intellexerat, arcta ob-
fisione cingunt, ipsumque nihil simile cogitantē
ex insidijs adhorti, plurimis transfixum vulneribus
obtruncant. Sic horrendum flagitium capite for-
tissimi viri expiavit impla ministrorum pietas. Bo-
nitionius Regi, Reginae, totique aulae ob mo-
rum elegantiam gratissimus ministrorum iram in
se prouocauit, quod Catholicam virginem nobi-
litate claram, Barbaram Grayam, coniugem du-
xisset: illi matris, quæ hæresi infecta minorem

*Bonitoni-
us falsocri-
mine dā-
natus.*

naru

natu filium impensius amabat, in baronem odium accenderunt: ita ut de maiore exheredando immitis mulier cogitarit. quare hic subtractas clanculum ex paternis ædibus Iuris sui, & prædiorum tabulas in securo locavit. quod factum licet omni crimine vacaret, ei tamen fraudi esse voluerunt. in carcerem deiectus, ubi nullis promissis, aut minis ab Orthodoxa fide seduci potuit, securi percussus interiit. iniquam sententiam ad Ministrorum præscriptum confictis mendacijs mater crudelis, detestantibus immanem feritatem iudicibus ipsis, extorsit: in cuius manu, quamvis esset filium servare vel perdere, nullis tamen, aut Reginae, aut nobilium matronarum precibus, ad sanam de filij salute mentem revocari potuit. Tantum enim apud impiam viraginem valere hæresis furia, quibus agitabatur, ut siccis oculis filij mortem intueri mater, & æquo animo viri præstantissimi occasum femina exposcere ausa sit. huius coniux benignitate maxima à MAPHÆO tunc Cardinale BARBERINO gentis protectore suscepta, Romæ pie obiit. relicta filia virgine, quæ liberali eiusdem Principis cura, in Monasterio S. Susannæ ampla dote persoluta sacro flammeo velata, nunc pro VRBANI OCTAVI Pontificis munificentissimi, ac totius BARBERINÆ gentis salute, assiduas ad Deum preces fundit. Margarita VVoda baronis soror, ac clarissimi viri Iacobi Grayi To-

Mater filij
necem pro-
curat.

Bonitoni
Vxor Ro-
mæ pie o-
biit filia
fit monia-
lis.

Soror vi-
vit Carpe-
torali.

parchæ de Schiues vxor, fratris studio ad fidem Catholicam trāducta, diu inter nobiles reginæ Annæ puellas cum vixisset, sanguine, modestia, pudicitia celebris, tandem solum vertit, viuitque Carpentoracti FRANCISCI Cardinalis BARBERINI benignitate & præsidio fœlix.

*Ministro
rum in Ca
tholicis re
ligionis stu
dia.*

Quia de Ministrorum ingenio facili fœcundoque ad rationes perdendorum Catholicorum inueniēdas multa hæctenus mihi dicta, vniuersaq; in posterū scriptiōne narranda essent, non erit abs re, aut sine lectoris fructu, vna op̄era semelque defungi labore præcipuarum fraudum, & artificiorum capita detegendi: vt intelligatur, quam sint in malo perspicaces acutique tenebrarum filij, & hæresis propagatores. Inter alias Catholicæ religionis pestes, in primis eminet, ex Anglorum legibus & consuetudine in Catholicis affligendis ad Scotos corruarum, fidelitatis regi præstandæ siue, vt loquuntur, Allegantiæ iusiurandum: magna Catholici fundi, multos annos, in Britannia calamitas. Ita enim auctoritatem regiam cum illa quæ D. Petro eiusque successoribus à Christo concessa est potestate, iuramenti Architectus Sathanas plenus artificio & subdola verborum formula, cōfundit & miscet: vt altera salua alteram perire necessum sit: paratos utiq; de Catholicis triumphos promittens: quos fallax iuramentum si reiiciatur rebellionis, si admittatur impietatis laqueis con-

*Fidelita
tis iura
mentum.*

strictos

strictos tenet. dura profecto conditio; quæ homi-
 mines peccare cogit, vel in Christum; qui Pon-
 tificiam Maiestatem tâta autoritate in terris muni-
 uit, vt eius decreta in cœlis rata esse voluit; vel in
 regē, cuius legitima in subditos iurisdictio Deum
 ipsum autorem habet. vtriusque imperij iura Dei
 filius suo in Euangelio probauit, sed vtriusque fi-
 nes & terminos diuino illo oraculo fixit (&
 distinxit. *reddite quæ sunt. Caesaris Cesari, & quæ sunt Dei*
Deo. hisce machinis orthodoxam veritatem oppu-
 gnât Caluini asseclæ Scotiæ ministri: quibus acro-
 res & magis gnauios, in regia dignitate, & maie-
 state conculcanda, regibus ex solio deturbandis,
 nulla vnquam secta, nulla conspiratio, aut pepe-
 rit, aut habuit: nulla aras aut vidit, aut audiuit. nec
 longo habiero, aduoco testēs Geneuam, Ruspellam,
 Morempeffulanum, aliasq; per Galliam ciuitates;
 in quibus recenti memoria castigandis Christianis-
 simus Rex Ludouicus XIII. gemina sibi caput, co-
 ronæ; nominis inter homines; vitæ æternæ inter
 cœlites cinxit. Sed dolendum eas copias hæreti-
 corum improbitate rebellibus coercendis impen-
 dendas; quas æquum fuit in pellenda ex Euro-
 pa Mahometica tyrannide occupari, florentique
 imperio Christo restituendo, quod fieri tantis viri-
 bus, & potuit, & debuit. Notum etiam est in re-
 motissimis orbis terrarum plagis quas tragœdias
 defectio Batava impietate nutrita, excitauerit. &

Novato-
res rebel-
lionē ubiq;
fouent.

*Puritani
Aberdo-
nia conue-
niunt An.
1600.*

*Maiesta-
tis crimi-
ne damna-
tum.*

*Scotis, &
Anglia le-
ges contra
catholicos
conspirat,
licet in re-
liquis dis-
crepent.*

*Alia leges
in Catho-
licos et eo-
rum libe-
ros.*

nostratibus Puritanis eadem certe voluntas, solæq;
opes & facultas ad rebellionem defuere: qui con-
uocata Aberdoniæ Synodo, infcio rege regijsque
(quod si vllis mortalibus cauendum, tum ipsis
in primis, qui vocationem suam, doctrinam, au-
toritatemque solis Regentium Regnique decre-
tis & legibus sartam tectam in Britannia tuentur)
serio inter se, de Ecclesiarum suarum libertate
egere: quibus dies dicta, vt Senatui habitæ con-
tra Regis edicta conuentionis rationem redderēt.
Maiestatis criminis rei, actandem damnati in va-
rios carceres detrusi fuerunt. Sed nec pluribus ex-
perimentis probata toties hæreticorum perfidia,
nec cognita Catholicorum erga Principes obser-
uantia valuit, ad leniendos efferatos animos, aut
cohibendos, in acerbissimis contra Catholicæ re-
ligionis professores, more Anglico, ferendis edi-
ctis. subit certe sæpenumero mirari qui fiat, vt Sco-
ti, Anglique, qui ciuiliam legum inter se societa-
tem tantopere auersantur, iurisq; communionem
respuunt, tantis animorum conatibus: iunctis ni-
hilominus consilijs in tanta religionis varietate, &
contrarietate in Catholicum nomen conspirent.
inter cæteras leges fuere. Vt nobilium filij Pæda-
gogos nonnisi ab Episcopis approbatos haberent,
qui si in exteris regionibus ad orthodoxæ veritatis
professionem transirent, omni parentum subsidio
destituerentur. Vt ministrorum censuræ quos-
cunq;

cunq; à paterna hæreditate adeunda prohiberent.
Vt deniq; omnes qui Catholicam fidẽ digna Chri-
stiano homine constantia profiterentur, infames
exleges, & rebelles essent, dicerenturq;

Floret nihilominus inter Scotos ad hodiernum
vsque diem, Catholica maiorum fides; in eorum
præsertim pectoribus, qui cæteros sanguine, &
doctrina, & virtute superant. atque si vlli sint eo
in regno de Rege ac Republica benemeriti; illi
profecto Orthodoxa veritate probe instituti, eiusq;
professione clari sunt. hos diuinarum Scriptura-
rum oracula, ac salubria Catholicæ Ecclesiæ de-
creta docent, quid Deo, quid Dei in populis mo-
derandis locum tenenti Principi tribuendum sit.
Catholica certè religio, non armis, vt Mahome-
tana atque hæretica impietas, sed diuina virtute
mundum debellauit: Regumq; duritiem non le-
gionum fortitudine, sed cælestium orationum vi
emolliuit. faxit Deus, vt preces, quas pro Caroli
Regis totiusq; Britannix salute perennes fundit
Catholici Scoti, à pio misericordiæ patre, totiusq;
boni munifico largitore Christo exaudiantur. Atq;
hic præsentis opusculi finis esset, nisi me illorum
virtus retraheret, & moneret, ne indicta relinquitur,
qui inter sæculi huius angustias deprehensi,
strenuam in popularium suorum curanda salute
Ecclesiæ operam nauarunt: in his præter laudatos
primas partes iure sibi vendicat Iacobus Betonius

*Floret Ca-
tholica re-
ligio in
Scotia.*

*Viri aliqui
de religio-
ne bene-
meriti.*

*Iacobus
Betonius.*

Glas-

Glasgoënsis Archiepiscopus: qui nascens in Scotia hæresi adolefcens diu resistit: neque piæ causæ in Gallia, quo solum vertere coactus est, defuit. nam decerpta parte, ex annis Sacerdotiorum, quæ possidebat pronotibus, Collegium alendis Scotis instituit dotauitq; Parisijs octuaginta, vni fallor, librarum Gallicarum millibus. hic nullis promissis aut rationibus induci potuit, vt Ecclesiæ suæ iura, aut titulum in hæreticum hominem deriuari & transferri patèretur: cuius administrationem, vno supra quinquaginta annos, omni conatu sibi vendicabit. moriens vero vniuersam Ecclesiasticam supellectilem, apud Patres D. Brunonis depositi iure reliquit, cum Catholica religione breui, vt ipse animo concipiebat, Glasgoam transportandam. Ioannes Leslæus Rosensis Ecclesiæ Præsul Mariæ Stuartæ à secretioribus consilijs, vbi proditam ab ingratis subditis Reginæ suæ libertatem vidit, Romam commune bonorum refugium profectus, voce scriptisq; fidei causam propugnauit. Gilbertus Brunus Noui Cænobij Abbas, interdito publico religionis Catholicæ usu & exercitio, apud familiares viuens, cum magno animarum lucro, catholicis sacris diu operatus est: tandem proditus exulare iussus obiit Parisijs. Ioannes Fraferius Nouioduni Abbas, multa Catholico viro digna ingenij bene culti reliquit Scoticè, latinèq; scripta monumenta. Gilbertus Kennedus

Mona-

*Ioannes
Leslæus.*

*Gilbertus
Brunus.*

*Ioannes
Fraferius.*

*Gilbertus,
Kennedus*

Monastica professione insignis, in monasterij sui
 ruderibus, Caisilio comite, virum ex Kennedæa
 gente & sanguine ortum, protegente, vsq; ad
 diem obitus vixit, tanta apud hæreticos ipsos re-
 uerentia, ac probitatis opinione, vt solus litium,
 quæ inter vicinos oriebantur, arbiter caperetur.
 eum Ministri grauius vexarunt iniurijs, omnibus
 tandem libris, supellectile, ac rebus sacris spo-
 liarunt, ea tamen animi moderatione, & compo-
 sitione pollentem, vt ad centesimum ætatis annum
 peruenerit: Iacobus Balandenus Morauiensis Ec-
 clesiæ Archidiaconus, in celebri Sorbonæ schola
 Magistri laurea donatus, sūmo studio populārū
 suorum animos hæresi laborantes, cum scribendo,
 tum disputando conatus est liberare: comitemq;
 habuit honoris & laborum Iacobum Langæum.
 Extant Ioannis Coluilli acres ad Sectarios adhor-
 tationes, quæ posthumam nominis gloriam auto-
 ri, lectoribus magnos, animorum fructus pariunt.
 Iacobus Chynaüs Annagiæ baronis Frater, legum
 autoritati cedens, openi, quam Scotis in patria
 ferre nequijt, in Gallia & Belgio nauiter tulit.
 mortuus est Törnaci, vbi eius Ecclesiæ magnus
 Pœnitentiarius, vt vocant, diu fuerat, bonis ex af-
 felegatis Duaceno Scotorū Seminarij. Vir fuit
 raræ eruditionis, magnæque prudentiæ, & varijs
 tam in Philosophia, quam in Mathesi subtiliter
 eleganterq; scriptis, & publicatis openibus nobi-
 lissimus

*Iacobus
Balande-
nus et Læ-
gens.*

*Ioannes
Coluillus.*

*Iacobus
Chynaüs.*

ad fratrem libello, graue hæresi innotuit, cuius
suis etiã electus, vt Generali ordinis Præposit
to in Societatis moderatione adlisteret: quo in
munere ita vixit, vt non sine maxima sanctitatis
opinione Romæ sit mortuus: relictis in Romano
Collegio dignis æternitate Ingenij monumentis,
quæ nimis diu publicæ vtilitati debentur. Edmundus
Hayus ad eiusdem dignitatis gradum inter
Societatis religiosos euectus, ita rerum agendarum
scientiam cum doctrina & pietate coniunxit, vt
posteris se plurimũ ex ipso in omni vitæ genere pro
fecisse fateantur: hunc secutus gentilis Ioannes
Hayus Dylgitai baronis frater, spiritus vitæ pericu
lis, in patriam ad hæreseon zizania euellẽda profe
ctus, non indignam se tanta stirpe sobolem ostendit
Quid de Iacobo Gordonio seniore dicam, Huntlæi
Marchionis patruus? qui opulenta relictæ hæredi
tate, ac neglectis ijs qui familiæ iure debentur ho
noribus, elegit abiectus esse in Domo Dei. hic in
Scotiam rediens postquam Ministros aliquot corã
rege, suscepto de religione certaminẽ, deuicisset, in
exilium missus, multa in secessu illo de cõtrouersis
fidei capitibus scripsit, quæ magna Catholicorũ uti
litate passim teruntur: tandem post publicam diui
narum literarum professionem, ac varios per Gal
liam prouinciarũ apud suos administrationes, lon
gæuus senex ad cœlestem patriam migravit, bonis
omnibus sui relicto desiderio. Robertus Abercrom
bius

Edmundus
Hayus.

Ioannes
Hayus.

Iacobus
Gordonius

Robertus
Abercrom
bius.

*Gulielmus
Christo-
nus.*

*Gulielmus
Mordocus*

*Patricius
Andersonus.*

bis Anna Magnæ Britanniæ Regina, priusquā in Angliam proficisceretur, à confessionibus fuit; priusq; in Sarmatiâ patribus suis viam aperuit. Sed Gulielmum Christonum aliorum pene omnium studia charitate in patriam, si non superasse, æquasse profecto nemo prudens negabit. cuius insignem memoriam in Louanienli Scotorû Seminario augendo, ornandoq; quod Duacû postea traductum est, nulla ætas delebit. Gulielmus Mordocus ex eadem congregatione sacerdos, à Moraviæ Pseudo-episcopo cum omni Sacerdotali apparatu captus, ac Edimburgum ductus, constanter carcerem & vincula pro Christo passus est. demû vt Ministrorum iræ satisfaceret, prolata in eum mortis sententiâ tum per plateas tractus, eodê habitu quo in sacrificio utebatur indutus, in sanienti plebi ludibrio fuit. Sed cum sacras vestes sibi detrahere, ac in ignem, qui in medio foro lucebat, iniicere, vt viuus ipse euaderet, iuberetur; malo, inquit, innoce's mori quâ sacrilegio contaminatus viuere. hoc responsô frendens ex adstâtibz insolentior Puritanus quidam, Dei Sacerdotem impia dextera percussit, lictoresq; detracta indumenta in flâmas projicere iussit. Mordocus vero mutata in exiliû mortis sententiâ Musiponti obiit. Patricius Andersonus non habitum solum, vt cæteri, sed patriam quo tutior lateret dissimulans, Gallum enim & moribus & sermone dixisses, deuos multos in viâ veritatis reduxit, nec paucos

paucos in ea mutantes confirmavit. Equare adeo
exolum. Sæctarij yrinomen fuit, ut omne in ipso
perquirendo studium consumerent: quorum furorij
prudencia singulari aliquandiu se subtrahēs, in pa-
læstram denique redibat, neq ante pugnarum pro Ec-
clesia & laborum finem fecit, quam vitæ; ab æter-
no agonothea ad coronam Londini euocatus. Gu-
lielmus Ionstonus, post impēsos aliquot Archidu-
cum fratrum in Germania institutioni annos, in
Scotiam traiecturus, veneno ab hæreticis sublatus
fuit. Ioannis Ogilbæ viventis strenua cōtra hære-
ses certamina, nobilisq; post equuleum, & octo die-
rum vigilias morientis triumphus, Scotos docue-
runt, quid agere pati; possint humana mēbra Ca-
tholicæ religionis præsidio armata. De Gulielmo
Elphinstono nobili pioq; adolescente scripsit Iuse
Hieronymus Platus in libro de bono status reli-
giosi. Georgium Mortimerum magnæ spei iuuenē,
magna præstantem, & maiora in posterum de se
pollicentem immatura mors Scotiæ abstulit. De
Muffetto, & Grino non sine doloris sensu scribo;
quorum ille in Scotia carcerem expertus, Augi in
Gallia obiit: hic in Germania multorum in docen-
do, scribendo, disputando studiorum sudoribus in-
cleytus. Illustre fuit in Seraphica S. Francisci fami-
lia Forbosiorum fratrum, ac nobile in vera pietate
studium: quorum virtutes libellus, qui Alter Alexis
titulo legitur, luculenter enarratas cōtinet. Roge-

*Gulielmus
Ionstonus.*

*Ioannes
Ogilbæus.*

*Gulielmus
Elphinsto-
nus.*

*Georgius
Mortime-
rus.*

*Muffetus
et Grinus.*

*Patres Ca-
pucini.*

*Forboij
fratres.*

Rogerus
Lyndesius

Io: Gra-
yus Domi-
nicanus.

Bonaue-
tura Hep-
burnus mi-
nimus.

Antoris
excusatio.

Antoris
excusatio.

Antoris
excusatio.

Antoris
excusatio.

Antoris
excusatio.

Antoris
excusatio.

nus Lyndesius; miti ingenio, erudita & prudenti
modestia labores suos sacros inter Catholicos dis-
pensantem, complures annos Scotia suspexit, &
vnicè amavit. Et Ioannem Grayum, ex D. Domi-
nici familiaribus, usus pro fidei confessione fan-
guis cœlitum choris inseruit. Bonaeventura Hep-
burnus De Francisci de Paula sodalis, cum omnia
scientiarum comparasset adiumenta; quibus oppri-
mi hæresis solet, inter cœtera variorum idiomatū
& linguarū adeo gnarus evasit, ut paucos pares ne-
minem superiorem: hoc viro videtur nostra ætas.
Atq; hæc rudis, & rassoq; inculte orationis filo de-
gente mea contextuli, uti ex magno præstantissi-
morum hominum numero; cōmeptanti mihi pau-
culi in mentē memoriāq; venerunt. Nolim autem
putet, aut interpretetur quispiam silentio meo fa-
ctam esse iniuriam illis, quos indicio præterijt se-
stinās stylus, meritis iuxta claros nam; & hos accu-
ratori lucubrationi; & iustè si Deus vitæ & optum
dederit, reseruaui historiam; cuius nunc prius; & re-
nuetq; lineas: adumbravi vita sanctorum, quam vi-
uorum laudes persequi, inuidorum latrabus mi-
nus expositū & opportunū existimaui. mors aut
approbatores, aut æquiores spectatores dabit vir-
tutum encomijs. faciam centè intelligant omnes
nunquam Scotiæ defuisse, ex quo Catholicam re-
ligionem est primum amplexa; fortissimos Christi
athletas: nunquam viros omni virtutum & erudi-
tionis

tionis gloria inclitos: nec causæ quicquam esse; quare ulli nationi fidei Catholicæ constantia, aut animos excolendi studio cedat.

Sed næ ego homo ingratissimus sim, si Scotorum Christo militantium certamina & adoras referēs, raceam quorum consilij prudentia & cōmeatu ad has pugnas fortiter pugnādas sint instructi & excitati, æternitate dignissima Principū nomina: quos Scotia Patronos benignissimos venerata est semper, hodièq; veneratur purpurati Collegij lumina. Adfuit Scotis, & vniuersam gentem maxima prudentia & amore protexit clarissimum Romanæ togæ decus Nicolaus Caietanus procellosa illa & dubia rerum tempestate, qua Maria Regina in tetrīs perfidæ Anglæ carceribus contra ius fasq; detrēta, hæresis per Scotiā impune vagari, & venenatas radices agere cœpit; Catholiciq; Præsules coacti sunt solum vertere ob fidei orthodoxæ professionem. Nicolai tamen prolixo in Scotos studio factum, est, vt nec exulibus ad vitam deessent necessaria, nec studiosæ literarum iuuentuti insignis virtutis palæstra. Est, eritq; æternum grata Clementis Octauī apud Scotos, & in pretio ac veneratione memoria, qui Cardinalis cum diu gentem patrociniō ornasset, Pontifex liberalitatem quoq; suam, instituto in Quirinalis dechui Collegio, probare voluit: Paulum Quintum rerum nostrarum defensorem vidimus Cardipalem, posteaque Pontificis

Scotiæ Pro
tectores.

Nicolaus
Card. Caietanus.

Clemens
VIII.

Paulus V.

piam

*Mapheus
Card. Barberinus.*

piam manum opportune aliquoties sensimus: cuius tamen præ cæteris in nobis complectendis curæ & benignitati, hoc in primis nomine nos plurimum debere fatemur, & remotissima omnis Scotorum posteritas fatebitur, quod gentis nostræ tutelam BARBERINORVM FAMILIÆ cōmendarit, ad Scotorum res in tutissima olim portus statione collocandas, nunquam interitura fundamenta iecisse certo speramus. MARPHÆVS enim BARBERINVS Lutetiæ primo Parisiorum, apud Regem Christianissimum Apostolicæ Sedis nunciij munere fungens, susceptis Scotorum causis, insita quadam aduersus nationem benignitate, afflictos propugnauit: suaq; autoritate à miserorum ceruicibus iniurias sæpe depulit; beneficijs & liberalitate Principe dignis auxit. eiusque domus virtuti ob religionem profugæ, & palantibus literis amœna tutissimaq; sedes, & asylum fuit. Cardinali postea, tantopere creuit cum dignitate studium, erga pietatem exulantem, & confluantem cum angustijs eruditionem, vt quamuis grauissimis, ob summam sapientiam, Reipublicæ Ecclesiasticæ negocijs præpeditus detineretur, non tamen intermiserit in Scotis protegendis voluntatem & labores; admirantibus, & laudantibus omnibus beneficentiam, nulla re magis, quam virtutis & musarum laborantium amore & miseratione prouocatam. hauserunt ex perenni isto fonte non

pauci,

pauci, in primisque largiter Georgius Strachanus, Thomas Demsterus, & Ioānes Bartclaius, cuius clarū apud omnem posteritatē erit nomen. Et quamuis pauciora inter Cardinales sacerdotia possideret nullus inueniretur; nullius tamen maior, vberiorq; animus, aut profusior manus in faciēdis pro Ecclesiastica dignitate ornanda sumptibus, siue in Italia, siue in Gallia versaretur. numerantur enim supra centena aureorum millia ante purpuram de patrimonio familiari expensa; nec ullius Principis liberalitatem lacunæ tantæ sarcinæ admisit. Quare non immerito cunctis ad Pontificiam celsitudinem VRBANO OCTAVO, communibus votis & vnanimi consensu FRANCISCVM BARBERINVM in patrum locum deposcentes Scoti, faustissimo orbi terrarum omine celestusma concinarent.

Frācisus
Card. Bar-
berinus.

Vnica Romanis aquilis imperia Thule

BARBERINI apibus subdere iura petit.

Scilicet illa ungues cunctopum in damna tulere:

Subsidium hæc cunctis mellea dona ferunt.

hac tandem fœlicitatē, macta nunc Scotia gloria-
tur Dei optimi Maximi misericordia, & BARBERINORVM in Scotos benignitate, se illum videre Pontificem, quem habuit multos annos patrē, & defensorem. eo iactat se protectore & Mœcenate, cuius sæpe etiam adolescentis illustres fuerunt præclaræ in Scotos beneuolentiæ significationes.

cationes. In huius boni societatem anno superior-
relecta deuenit Anglia, vt coniunctæ eiusdem in-
sulæ ambitu, & subditæ eidem principi nationes,
& domiisdem malis oppressæ eiusdem protectoris
patrociniò defenderentur.: Nec dubitamus, quin
foelicibus adedò auspicijs, & sapienti Rectorum
ductu, in Ecclesiæ matris sinum conuolans Bri-
tannia, æternum BARBERINORVM pie-
tati diligentiaque in Catholica religio-
ne promouenda monumentum, & de extirpatis erroribus
trophæum ad omnem
posteritatis me-
moriæ fixu
ra sit.

F I N I S.



I N D E X.

A



Abbatum Opes. 78
Aberdonensis
Episcopus. 59
Aberdonis sa-
 cra profanan-
 tur. 127

Abchius R. 42

Academia Glascoensis. 78

Academia Ticinensis. 45

Academia Parisiensis. 45

Academia D. Andrea. 75

S. Adamanus. 36. 37

Adolphus Princeps. 41

Adrianus. 48

Adamus Episcopus. 66

Aegidius Cardinalis. 66

Aeneas Silvius. 76

Aidanus R. 31

Aidanus Ep. 36

Alanus Stuartus. 73

Albanus M. 14

Albion. 20

Alcuinus. 45

Aleclum. 40

Aluredus R. 48. 49

Alexander R. 48

Alexander II. 65. 66

Alexander III. R. 67. 69

Alexander IV. Pont. 64

Alexander P. Pont. 80

Alexander Alefius. 98

Alexander Anderfonus. 131

Alexander Scetimus Cancellar-

ius. 154

Alexander Vafius. 155

Alegantia iusiurandum. 162

Ambianus. 18

Amphibalus. 18

Amichabus. 54

Ambitus vulgi. 90

Anglia, 7. *conuertitur ad fi-*
dem 31

Anashoreta. 14

Andreas Carolstadius. 94

Andreas Crielonius. 168

S. Andrea reliquia. 19. *eiusdem*
Civitas. 20. *apx*. 107

D. And. Scotiae tutelaris. 21

Aranius Comes Gubernator Sco-
tiae. 101. 102. 104

Argadiensis Ep. 65

Argadie Comes. 113. 119. 149
 159

Artuillius. 41

Angusius Comes. 101. 152. 153.
 158

Angli. 128. 129

Andreas Lecho. 129

Anna R. fit Catholica. 147

Anna Bolena. 97

Ascite. 14

S. Athanasius. 29

Atholienfis Comes. 67

Augufinus. 33

Auaritia nobilium. 89

Augustana confeflio. 95

Z

Balthe-

I N D E X.

B.

- S. Baldredus* 31
Balthasar Hubingerus 94
Balthenus 17
Barones 44
S. Beanus 54
Beda 13. 34. 37. 136
S. Benedicti Regula 38
S. Bernardus 60
Bernardus Stuartus 74
Blannus 52
Bobienſe Monasterium 34
Boiomannus Nunciu 82
Bonaventura Hepburnus 172
S. Bonifacius Apoſt. 37
B. Bonifacius Epiſc. 40
Bonitonius 160. 161
Boydus Baro 121
Brechtmenſis Epiſc. 39
S. Brigida 28. 29
Britannia incolae 4
Britannia 9. 15
Britones 7. 15
S. Brunonis Sodales 118
Bruschius f. 39
Bucerns 95
Buchananus 120. 22. 26. 29.
 39. 40
Buchania comes 74

C.

- Caelius Sedulius* 25
Caſus 48
Calanus 18
Caledonij 7
Caluiniſte 111
Candida Caſa 35
Canislm. 45

- Carebenſis Comes* 67
Carmelitani 69
Carmocus 18
Casilius comes 101
Carolus V. Gallia R. 68
Carolus VII. Gallia R. 68
Carolus M. 42. 43. 45. 50
Carolus V. Im. 84
Cathacenſis Ep. 35
Catharina R. Ang 96
Catholicę religionis ſtatus pra-
ſens 165
Cauſe tres huius ſcriptionis
 324.
Citbarus 27
Clauſis Hiſpanica 145
Clemens 45
Clemens VII. 85
Clemens VIII. 173
Caeſtinius Papa 22. 23.
 64
Coganus 42
Colmanus Ep. 30. 36
Colmocus 52
Colonarus 40
S. Colombanus 33
S. Columba 27. 37
Comitia Edimburgenſia 134
S. Conanus 38
Conganus 52
Conimus 27
Cormachus Ep. 57
Conſtantineus M. 15. 16
Conſtantiuſ 17
Conſtantineus III. R. 51
Contemptus Religioſorum
 91
Conuallanus 31
S. Conualluſ 32
Conualluſ R. 26

Craſo

I N D E X I

Crafordia comes. 146
 Crux Christi. 11. 26
 Culdai. 12. 14. 38
 Custodia corporum R. Gallie
 68.

D.

D Amianus. 21
 Dani 51.
 David 11. Rex Monasteria XV.
 extruxit. 58. Epi. top. IV. 59
 David Betonius Card. 98. 102.
 103. 105. 106
 David Lanus. 168
 Deaf. 82
 Decreta Comitiorum contra Ca-
 tholicos. 137. 139. 140. 141.
 143. 144. 164.
 Decretum impium. 134.
 Diocletianus. 13
 S. Disibodius. 38
 + Dissidia Scotorum. 109
 Diuinius. 42
 Doganus. 34
 S. Dominici sodales. 66
 Domitius. 27
 Donaldus I R. 10
 Donaldus Insulanus. 29
 Donaldus VI R. 48
 S. Donartius. 54
 Doneualdus cum IX. filiabus
 40.
 Doneualdus. 51
 Donflanus. 42.
 Doumbiacensis Ep. 59
 Doumbeldensis Ep. 59.
 S. Drostanus. 32
 Druides. 18
 Duffus R. 51

Dunelmense Monast. 58
 Dunfermilg. Monast. 56
 S. Dusbacus Epi. 63. 81.
 Dux Castri Eraldi. 104. 125

E.

E Bergerus Archidiacon. 115.
 52
 Ecclesia S. Saluatoris. 18
 Ecclesia incenduntur. 119
 Edgarus R. 55. 58
 Edimburgi grassantur heretici.
 122
 Edimburgensium tumultus. 156
 + Edmundus Hayus. 169
 Eduardus Epi. 62
 Eduardus Ang R. 71
 Eduardus Ang R. 107
 Elisabetha R. 127. 153
 Englatius. 52
 Episcopi hereticorum petitioni-
 bus respondent. 115
 Equites D. Andrea, seu Car-
 dui. 50
 Errolia Comes. 146. 149. 152.
 159
 Esca f. 11
 Ethernatus. 27
 Eusebius. 21
 Eugenius VII R. 39
 Eugenius III. Pont. 62
 + Ferdinandus II. M. D. Etru-
 ria. 44.
 Fergusus II. R. 21
 Ferranus. 18
 Fethus. 27
 S. Fiactius. 37
 + Fidei capita ab hereticis propo-
 ta. 113
 Z 2
 Fisa

I N D E X.

- Fifa* vaſſatur . 119
Fintraus Baro . 160
Firmanus Ep. 36
S. Florentius . 39
Florentia . 43
Fœdus inter Scotos & Gallos .
 42
Forboſij fratres . 171
Formanus . 80
Fredericus Imp . 64
S. Franciſci ordo . 65
Franciſcus Gall. R. 84
Franciſcus Cardinalis Barberi-
nus . 162. 175
 + *Fuldenſe Monafterium* . 46
 G.
S. Gallus . 31
Galli Leythum munitione .
 125
Garnardus R. 40
 + *Gaffar Guſmannus* . 145
S. Gaudentius . 33
Gauinus Dunbar . 81
Gauinus Du glaſius . 83
Gelaſius . 21
Georgius Strachanus . 173
Gervadius Ep. 47
G. Vuiſcherus . 105
Georgius Mortimerus . 171
Giberinus Ep. 30
Gilbertus Morauus . 62
Gilbertus Brunus . 166
Gilbertus Kennedus . 166
Glacianus Ep. 47
 + *Glaſgoenſis Ep.* 55
Glencarnus comes . 101
Glencarnia comes . 121
Godius . 58
S. Gregorius M. 33
Grantius . 113
S. Gualterus . 60
Guilanus . 104
Gulielmus Achaj' frater . 43.
 45
Gulielmus Valleſius . 70
Gulielmus Sempelius . 144. 145
Gulielmus Vaſſonur . 155
Gulielmus Chriſtonus . 170
Gulielmus Mor docus . 170
Gulielmus Ionſtonus . 171
Gulielmus Elphingtonus . 171
 H.
Hæbrides . 8
Hæreſis Luſheri . 92. 93.
 94
Hæreſis innualeſcit in Scotia 109.
 117. 118
Hæretici damnantur . 110 inſur-
 gunt . 111. ſubſidia petunt à
 vicinis . 124
Harlaus . 113
Hedelbertus . 25
 + *Herbipolis* . 41
Helias Ab. 53
Henricus Auſtriæ D. 61
Henricus Vardlaus Ep. 75
Henricus Liſtonus . 78
Henricus Chriſtonus . 78
Heſlor Boethius . 83
S. Helena . 15
Henricus Ang. R. 84
Henricus VII. R. 85. 96. 97.
 99. 101. 107
Hierguſtus R. 20
Honorius Papa 35. 66
Hugo Cardinalis . 62
 — Huf-

I N D E X.

Hufmanus Legatus. 79
 Huldericus Zuinglius. 94
 Huensis Infula. 36
 Hungus R. 49
 Huntleea Comitissa. 147
 Huntlaus comes. 109. 120. 146.
 149. 151. 153. 159

I.

Iacobus Duglassius. 72
 Iacobus I. R. 75
 Iacobus II. R. 77
 Iacobus Kennedus Ep. 77
 Iacobus IV. R. 80
 Iacobus V. R. 83. 97. 98. 99.
 100.
 + Iacobus Stuartus Notus 113.
 119. 133. 138
 Iacobus Maxwellius. 138
 Iacobus VI. R. 137. 140. 147
 Iacobus Betonius. 165
 Iacobus Balandenus. 167
 Iacobus Langaus. 167
 Iacobus Chyzaus. 167
 Iacobus Setonus. 168
 Iacobus Tyrius. 168
 Iacobus Gordonus. 169
 Iacobus Straquibinus. 131
 Innocentius VIII. P. 80
 + Insignia Scotorum. 43
 Innocentius III.
 Iona Infula. 22
 Ioannes Papa. 33
 Ioannes. 45
 Ioannes Scotus. 48
 Ioannes Duns. 72
 + Ioannes Stuartus. 73
 Ioannes Fogus. 76
 Ioannes Maior. 83

Ioannes Scotus. 84
 Ioannes Tezelius. 92
 Ioannes Staupitius. 92
 Ioannes Caluius. 93
 Ioannes Cochlaus. 98
 Ioannes Leslaus. 106. 166. 131.

I 33

Ioannes Cnoxius. 106. 117. 133.

I 35

Ioannes Fraserius. 166.
 Ioannes Coluillus. 167
 Ioannes Hamiltonus. 168
 Ioannes Hayus. 169
 Ioannes Ogilbaus. 171
 Ioannes Grayus. 171
 Ioannes Bortoniens. 84
 Ioannes Barclaius. 175
 Iulius Caesar. 7

Iustus. 35
 Indices Episcop. qui. 81
 Iulius II. Pont. 81

K.

K Ennetbus R. 46
 Kennethus III. 51

S. Kintigenus. 28

S. Kilianus. 40

L.

L Adilandus B. 160
 Leges Christiane. 26. 46.
 + Lenoxius comes. 103. 104. 138
 Leo X. Pont. 91
 Leo M. P. 43.
 Libido Ecclesiasticorum. 90
 Ludouicus imp. 48
 S. Ludouicus R. 67
 Ludouicus XI. R. 77.

MA-

I N D E X . I

M.

S. Macarius Ep. 42
S. Macarius Ab. 61
 Macbabeus. 21
 Machetadus. 57
 Madulphus 40
 Maffenius. 113
 Magdalena R. 100
 Maia Insula. 48
 Malcolmus duffus. 52
 Malcolmus R. 33
 Malcolmus Canmoire R. 54-56
 Malcolmus Virgo. 61. 62
 Maphesus Cardinalis Barberi-
 nus. 161. 174
 Marianus Scotus. 34. 37
 Mariscotti. 44
S. Margarita. 55. 56. 69
 Mariora R. filia. 73
 Margarita Gall. R. 76
 Margarita R. Scot. 81
 Maria Stuarta R. 101. 103. 108
 109. 110. 134.
 Martinus Lutherus. 91. 91
 Marcus Grimannus Pat. 104
 Mavrigius. 125
 Maria comes. 139
Maria Guiffa. 100. 103. 113.
 119. 120. 122. 126. 127. 130
 Matildis R. 60
 Matthias Placcius. 95
 Mauritius Ab. 71
 Medannus Epif. 30
 Medanus. 52
 Medicei Globi. 44
 Mellitus. 33. 35
 Memborinus. 52
 Merchiarum comes. 67
 Merinus 21.

Merinatus. 21
 Michael Scotus. 69
 Milites Scoti ad D. Ludovicum
 missi. 63
 Ministrorum impietas. 141. 142.
 143. 148. 153. 156
 Modanus Ep. 30
 Modocus. 18
C. Molocus. 37
S. Molocus. 37
 Mona insula. 6
 Monasteria diruuntur. 118.
 120
 Moniales male habita. 120
 Montefarus. 27
 Mordocus R. 40
 Moraniensis Ep. 33
 Mortonus. 139
 Moucannus Ep. 51

N.

N Brochius. 125
 Neftanus Ep.
 Nerius. 21
Nicolaus Pelleanus R. 125
S. Ninianus. 25. 81
 Nicolaus Card. Caietanus. 173
 Ninianus Pwinzetius. 135
 Normanus Leslaus. 109
 Nouatores ubique rebellionem
 fouent. 163

O.

Obfidio Leythana. 128. 129.
 130.
 Ocolampadius. 94
Ogiluia solitudo. 40
 Oliuerius Sinclerus. 100
 Orca-

I N D E X.

Orcades. 8
 Orcadenſis Ep. 55
 Origo hominum ab Adamo, &
 Noe. 5
 Origines gentium fabuloſa. 5
 Ordo Equitum Ruſſe. 51
 Ofwaldus Angl. R. 35
 Otholinia. 20
 Ouanus. 52

P.

PAcem auerſantur hæretici.
 120. admittunt. 129
 S. Palladius. 22. 23. 24
 Paparones. 45
 Paſcha obſeru. 34. 35
 Paſletum Monafterium. 37
 Patto Abb. 42

S. Patricius. 24
 Paternus. 74
 Patricius Grahamus. 78
 Patarrus. 123
 Patricius Andersonus. 170
 S. Paulus 9
 Paulus Oroſius. 12
 Paulus Crams. 76
 Paulus III. 99. 104
 Paulus V. 173
 Pelagianifmus. 22. 37
 Pelegrinus Archid. 53
 Peribum expugnatur. 121

S. Petrus. 9
 Petrus Strotius. 107
 S. Pharao Ep. 37
 Philippus II. Hiſpaniarum Rex. 56
 Philippus Melanthon. 94
 Philotheus. 73
 Piſci. 8. ad fidem conuerſi. 34.

delentur. 49
 Pipinus R. 41
 Platina error. 64
 Praſatio ad lib. 1
 Praſatio vñ lib. II.
 Priſcus. 18
 Priſcus Ep. 30
 Proceres catholici mouent con-
 tra hæreticos. 122. 123

Proceres Seſſarij. 728
 Proteſtores Scotia. 173
 Pſedomartyres. 105
 Puritani à Rege oppreſſi. 157.
 conueniunt Aberdonia. 164

Q.

Quintinius Kennedus. 136

R.

Rabanus. 45
 Rebellio ſpecie religionis
 legitur. 110
 Reginaldus Abb. 64
 S. Regulus. 19
 Religionis prima mutatio. 102
 Reliquæ Sanctorum. 19
 Riarij. 44
 Richardus Abb. 57
 Richardus à S. Victore. 61
 Romani imperium Chriſto diſpo-
 nunt. 6

Roma. 16
 S. Romanus 38
 Roſſenſis. Ep. 49
 Rodolphus Ep. 63
 Robertus Stuartus. 74
 Robertus Bruſius. 70. 72. 148.
 155. 156

Roſe

T.

- + *Roffensis Cardinalis*. 97
Robertus Varchopus. 113
Robertus Abercrahius. 148. 169
Robertus Cæcilius. 157
Rogerus Lindefus. 172
Ruthius. 27
Ruthenius. 123

S.

- S. Acta euerfa*. 118
Sacerdotes bonis spoliatur.
 136. 137.
 + *Sacerdotes mēito habitu in Sco-*
tiam veniunt. 144
Scandalus. 27
 + *Scotiæ limites*. 8
Scoti. 5. 10. 11. 15. 17. 100
Scoti. 43
 + *Scotia*. 44
Scotiæ status ante heresim. 39
Sedulius minor. 41
Seditiones in Scotia. 101
Seimerus Angl proteſtor. 103
Selimus Turcarum Imp. 91
Seruanus. 24
Siluenus. 21
S. Siginius. 38
Sigisbertus. 54
Sixtus PP. Pont. 79
Sodrenſis Ep. 35
Soluus. f. 8
S. Spiritus vis in Apoſt. 8
Stolbrandus. 48
Studia hominum varia. 2.
Surius. 41

T. Anco Ep. 46

- Tertullianus*. 11
Teruannus. 24
Thebaculus. 21
Tboluanus. 40
Thomas Lermountius. 69
Thomas Spensaus. 78
 + *Thomas Morus*. 97. 98
S. Thames. 28

Thomas Dempſterus. 175

Tina f. 11

Totaneus. 27

Turnubolus Ep. 78

Tueda f. 8

Turgottus. 36

V.

Vallum Hadriani. 11

Vallum Seueri. 12

+ Valterus Stuartus. 73

Valterus Baquanqual. 153

+ Vita Marie R.

Viſtor Pont. 10

S. Viro 41

Vigianus. 32

Villoria Catholicorum contra he-

reticos. F. 50

Vilhelmus R. 63. 64. 65

Vrbauus VII 23. 161. 175


Vrbauus V. Pont. 38

Vſualdus R. 36

Vutilas ſcriptionis de patria. 1

S. Vynſfredus. 30

Vuilloxius. 118. 133. 134.







xxxxviii

540

B

X